

П.ФУЛАМОВ,  
Р.ҚҰРБАННИЯЗОВ

# ГЕОГРАФИЯ

## ТАБИҒИ ГЕОГРАФИЯ. БАСТАПҚЫ КУРСЫ

Өзбекстан Республикасы Халықта білім беру  
министрлігі жалпы орта білім беретін мектептердің  
5-сыныбына арналған оқулық ретінде ұсынған

*Қайта өңделіп, толықтырылған 4- басылымы*



ТАШКЕНТ  
«YANGIYO'L POLIGRAF SERVIS»  
2015

УДК:372.891

91=811.512.122

ББК 26.82я721 .

97

Ғұламов, Патихкамол Носирович

«География» (Табиғи география бастапқы курсы). жалпы

орта білім беретін мектептің 5-сыныбына арналған оқулық.  
/П.Ғұламов, [Р. Құрбанниязов]. - Қайта өндөліп, толықты-  
рылған 4- басылымы. Т.: «Yangiyo'l poligraph service». 2015 ж.  
104 бет.

I. [Р.Құрбанниязов.]

ISBN 978-9943-361-88-1

УДК:372.891

91=811.512.122

ББК 26.82я721.

**Жауапты редактор:** А.Нигматов — география ғылымдарының докторы, профессор.

**Пікір жазғандар** — Ш. С. Закиров — Мырза Ұлықбек атындағы ӨзҰУ География факультеті Табиғи география кафедрасының доценті, география ғылымдарының кандидаты;

**А.Д.Бахромов** — физика ғылымдарының кандидаты, географияны оқыту теориясы және әдістемесі бойынша аға ғылыми қызметкер;;

**А.Исмаилов** — Ташкенттегі 84-мектептің жоғары санатты оқытушысы;

**В.Н.Федорко** — Ташкенттегі 233-мектептің жоғары санатты оқытушысы.

## **РЕСПУБЛИКАЛЫҚ МАҢСАТТЫ КІТАП ҚОРЫНЫҢ ҚАРЖЫЛАРЫ ЕСЕБІНЕҢ БАСЫЛДЫ.**

### **ШАРТТЫ БЕЛГІЛЕР:**



— ТІРЕК СӨЗДЕР МЕН ҰФЫМДАР



— СҮРАҚТАР



— ТАПСЫРМАЛАР

© П.Ғұламов, [Р. Құрбанниязов.], 2003, 2015 ж.

© «Yangiyo'l poligraf servis», 2015 ж.

ISBN 978-9943-361-88-1

## ОҚУЛЫҚПЕН ҚАЛАЙ ЖҰМЫС ІСТЕУ КЕРЕК?

### Қымбатты оқушылар!

Сендер осы жылдан бастап жаңа пән — «Географияны» оқи-сындар. Біздің ұлы ғұламаларымыз географияны жақсы білген, сондықтан да осы пән туралы құнды және қызықты мәліметтерді жазып қалдырган.

Географияны жақсы оқып үйрену үшін сендерде осы оқулықтан басқа, «Табиғи географияның бастапқы курсы» атласы, жазусыз карта және торкөз дәптер болуы қажет. Сондай-ақ түсті қарындаштар, сызғыш, өшіргіш, циркуль, ал кейбір тапсырмаларды орындау үшін тұсбағдар және глобус та керек болады.

Параграф соңында берілген тапсырмаларды орындағандарында, сұрақтарға жауап бергендерінде, оқулықтағы суреттер мен карталарды пайдалануды ұмытпаңдар.

Мәтіннің әрбір бөлігін жеке оқып шығып, мазмұнын ауызша әңгімелеп беруге тырысындар. Терминдерді, географиялық атауларды дәптерге жазып қоюды ұмытпаңдар. Солай етсендегі кітапта кездескен географиялық атауларды жақсы есте сақтап қаласындар.

Егер мәтінде географиялық атаулар кездесіп қалса, оны тез картадан тауып, қай жерде орналасқанын біліп алындар.

Мәтін мазмұнын түсініп, есте жақсы сақтап қалу үшін картадағы жаттығулар мен жазусыз картаны әрдайым толтырып жүрсөн саған үлкен жәрдемі тиеді.

Қымбатты оқушылар! 5-сынып оқушыларына арналған «**Табиғи географияның бастапқы курсына**» атлас басылып шыққан. Атласта оқулық кітап сияқты мазмұнды және қызықты. Атласта суреттерге анықтама берілген, ал карталардың шартты белгілері бар. Оларды оқып, карталардың мазмұнын оңай біліп алуға болады.

Қымбатты оқушылар, оқулықты оқып үйрену барысында саған **Глобус** және оның ең жақын досы **Ләйлекбай** көмек береді.



— Менің атым — **Глобус**. Жер ғаламшары туралы ең маңызды және пайдалы мәліметтерді білгің келсе, менің сұрақтарыма жауап бер.



— Мен — **Ләйлекпін**, дүние жүзін шарлан ұшып жүріп, Сендерге пәнге тиісті қызықты әрі пайдалы мәліметтерім арқылы көмектесемін.

## KIPICPE

### **§ 1. ГЕОГРАФИЯ НЕНІ ЗЕРТТЕЙДІ?**

**1. География және оның салалары туралы ұғым.** География өте ежелгі ғылым. Ежелгі грек фалымы Эратосфен кітап жазып, оны **география** деп атаған. Грек тілінде «гео»—Жер, «графо»—жазамын деген мағынаны береді. Сонымен, «География» сөзі «Жерді бейнелеп жазамын», «Жердің бейнесі» деген мағынаны білдіреді. География — Жер бетінің табиғатын, халқы мен оның шаруашылығын зерттейтін ғылым. Географияны зерттейтін адамдарды **географтар** деп атайды.

Көп ғасырлар бойы географтар Жер бетінің табиғатын, халқын және кейбір мемлекеттердің шаруашылығын сипаттап жазумен шұғылданып келген. Географ-саяхатшылар жаңа жерлерді, теңіздерді және мұхиттарды тауып ашты. Бірақ Жер бетінің бейнесін сипаттауға, қолемін анықтауға және картасын жасауға мындаған жылдар керек болды.

География ғылымы дамып, онда екі негізгі бағыт: **табиғи география** және **әлеуметтік-экономикалық география** дүниеге келді. Қымбатты оқушы, сен енді табиғи географияның ең қарапайым бөлімін — «Табиғи географияның бастапқы курсын» оқып үйренисін.

**2. Табиғи географияны зерттеудің маңызы.** Табиғи география Жер бетіндегі табиғаттың жағдайын, онда пайда болатын табиғи құбылыштарды, табиғатты пайдаланғанда неге назар аудару қажеттілігін зерттейді. Сондықтан табиғи географияны басынан бастап мұқият оқып үйренуге әрекет ет.

Адам тіршілігі үшін қажетті барлық затты — ауа мен суды, та-мақ пен пайдалы қазбаларды табиғаттан алады. Олар үй салады, кен ашады, зауыттар, қалалар тұрғызады, бидай, мақта және басқа да егіндер егеді, мал шаруашылығымен шұғылданады. Табиғат байлықтарын үнемді пайдалану, оны аялап сақтау үшін, әрине, география пәнін өте жақсы білу керек.

Табиғи география Жер бетінің немесе оның кейбір жерінің табиғатына анықтама берумен ғана шектелмейді. Табиғи география бірер орын табиғатының неліктен алуан түрлі екендігінің

себептерін түсіндіреді. Мысалы, шөл зоналарында жауын-шашының кем, ал таулы аймактарда мол болуын; таулардың үстінде қапырық жазда да қардың ерімей жататынын; экваторда қысыжазы климат бір қалыпты ыстық болуын, ал қоңыржай белдеуде төрт мезгілдің ауысып тұруын түсіндіріп береді.

Сондай-ақ табиғат нашарлап, ластанып, жерді сор басып, құнарлылығы жойылып, өзендердің суы тартылып кетпеуі үшін табиғатты, оның байлықтарын қалай пайдалану керек, қандай жұмыстарды жүзеге асыру қажет деген сұрақтарға да жауап табасын.

### **3. «Табиғи географияның бастапқы курсында» не оқытылады?**

Сен Жер беті табиғатының негізгі жалпы заңдылықтарын білесін, табиғатта пайда болатын құбылыстарды ең қарапайым бақылау тәсілдерін қолданып оқисын.

«Табиғи географияның бастапқы курсы» Сені 6-сыныпта оқылатын материктер мен мұхиттар табиғи географиясын қиналмай оқып үйренуге дайындаиды.

Бұл оқулық бірнеше тараудан тұрады. Әрбір тараудан анық білім аласын. Жердің **планын** және карта бөлімін оқып, **планда** және картада Жер бетінің үлкен бөліктерін қалай сипаттауды біліп аласын және оларды қалай пайдалануға болады деген сұраққа жауап беретін боласын.

### **Тірек сөздер және ұғымдар**



**География**

**Географ**

**Табиғи география**

**Экономикалық география**

**Табиғатты қорғау**

**Жердің планы**



1. «География» сөзінің мағынасын айт.
2. География нені зерттейді?
3. География қандай салаларға бөлінеді?
4. Табиғи география нені зерттейді?
5. Географиялық білімдерді білу адам үшін неге қажет?



1. Географияны оқуға қажетті барлық заттарды дайындал кой.
2. Ауа райын және табиғаттың басқа құбылыстарын бақылауды баста. Ол үшін «20... жылдың ауа райы дәптерін» арнайсын. Дәптердің бірінші бетіне төмендегі ауа райы құбылыстарының шартты белгілерін сзып ал.

## Ауа райы құбылыштарының шартты белгілері

	Аспан ашық		Қатты жел		Қырау
	Аспан бұлтты		Құйын		Бұршақ
	Аспан бұлышғыр		Тұман		Найзағай, күн күркіреу
	Аспан ала		Жаңбыр		Будақ бұлттар
	Баяу жел		Қар		Қатпарлы бұлттар
	Қоңыр жел		Нөсер		Шарбы бұлттар



Дәптерді қөлдененеңінен қойып, 2,3-беттеріне төмендегі кестені сыз. Содан кейін әр күні ауа райын бақылап, кестені толтырып жүр. Мәлімет болмаса, сол бағана бос қалады.

### 20... жылдың ..... айына арналған ауа райы күнделігі.

Күн,	Сағат	Ауа темпера-турасы 0°C		Ауа қы-сымы, сынап бағана-сы мм есеб.	Жел		Бұлт-ты-лық	Бұлт-тын түрі	Жау-ын-ша-шын түрі	Таби-ғат-тағы басқа құбы-лыс-тар
		Ба-кы-лан-фанды	Орта-ша		бағы-ты	Жыл-дам-дығы				
1	2	3	4	5	6	7	8	9	10	11
05.09.	13.00	+28	—	718	Ш	—		—	—	—

## ЖЕР ҚАЛАЙ ЗЕРТТЕЛГЕН?

### § 2. ЕЖЕЛГІ ЗАМАНДА АДАМДАР ЖЕРДІ ҚАЛАЙ СИПАТТАҒАН?




Адамзат тіршілігі табиғатпен байланысты болғандықтан адамдар ежелгі замандардан-ақ өздері жасаған жердің табиғатын жақсы білуге әрекеттеген. Қайықтар, желкенді кемелер жасап, олармен теңіздерде жүзген, жаңа жерлерді көрген. Жазу мен сыйзыды үйренген соң барған жердің табиғатын, адамдардың өмір сүруін сипаттап жазған. Өздері жасаған жердің, сондай-ақ барған жерлерінің ең қарапайым карталарын жасауға әрекет еткен. Осылайша географиялық мәліметтер жинақтала бастаған. Сауда байланыстарының өсуі, әскери жорықтар мен алыс өлкелерге саяхат жасалуы Жер туралы мәліметтердің көбеюіне көмектескен.

Тарихи мәліметтерге қарағанда ежелгі адамдар бұдан 7 мың жыл ілгері Жердің пішінін сыйбамен бейнелеуге тырысқан. Бірақ Жердің пішінін адамдар әр жерде әр түрлі пішінде көз алдына келтірген. Теніз жағалауында жасайтын адамдар Жерді алып балықтар көтеріп тұрады деп ойласа, шөлде жасайтын адамдар Жерді тасбақа көтеріп жүреді деп елестеткен. Тағы бір адамдар тобы Жерді пілдер көтеріп жүреді деп, ал басқалары өгіз мүйізімен көтеріп тұрады деген пікірде болған.



**1-сурет.** Милодий жыл санаудан бұрынғы III ғасырда Эратосфен жасаған дүние жүзі картасы.



**2-сурет.** Б.з.б. II фасырда Птолемей жасаған дүние жүзі картасы.

Жерді шар тәрізді, домалақ болса керек деген алғашқы ұғымның пайда болуына 2400 жылдай уақыт болды. Бұны ежелгі адамдардың бақылаулары дәлелдей түседі. Мысалы, кеменің жағадан қашықтаған сайын көкжиектен көрінбей кетуі, ал келе жатқан кеменің біртіндеп көкжиектен көріне бастауы, Ай тұтылғанда Жердің Айға түскен көлеңкесінің дөнгелек болып көрінуі Жердің домалақ, яғни шар тәріздес екендігін аңфартатын еді.

Біздің заманымыздан бұрынғы III фасырда өмір сүрген грек фалымы Эратосфен Жердің көлемін салыстырмалы түрде дәл өлшеген. Ол дүние жүзінің алғашқы картасын жасаған. Оның картасында Онтүстік Еуропа, Солтүстік Африка және Азияның батыс бөліктері бейнеленген. (8-беттегі 1-сурет). Біздің заманымыздан бұрынғы II фасырда грек фалымы Птолемей бұл картаны жетілдіріп, дүние жүзі картасын жасады (2-сурет). Онда Еуропа мен Азияның үлкен бөлігі, сондай-ақ Африканың солтүстігі бейнеленген.

Біздің ғұлама фалымдарымыздан Мұхаммед әл-Хорезми, Әбу Райхан Беруни, Махмуд Қашкарилар да географияның дамуына үлкен үлес қосып, дүние жүзі карталарын жасаған (3-сурет). Мұхаммед әл-Хорезми (783–850 ж.ж.) «Сурат ул-Арз» атты кітабында Жердің шар тәріздес екенін айтқан. 973–1048 жылдарда өмір сүрген Әбу Райхан Беруни Жердің (сол кездегі ең толық) алғашқы үлгісін — глобусты жасаған және еңбектерінде Жер шарының арғы




**3-сурет.** Мұхаммед әл-Хорезми жасаған Орта Азия және оған іргелес жатқан жерлер картасы.

жағында да құрлық бар екендігі туралы мәлімет жазып қалдырыған, дүние жүзі картасын жасаған (4-сурет). Махмуд Қашқари (XI ғасыр) «Девону лугатит-турк» шығармасында көптеген географиялық жерлер мен терминдерге анықтама жазған, дүние жүзі картасын жасаған.

Захириддин Мұхаммед Бабырдың (1483—1530 ж.ж.) «Бабырна-ма» кітабында Фергана аңғары, Ауғанстан, Үндістан табиаты жайында көптеген маңызды мәліметтер жинақталған.

— Сен білесің бе, Дүние жүзін-дегі үлкен глобустардың бірі Та-шкенттегі Өзбекстан Ұлттық Университетінің «География» факультетінде орнатылған. Оның білдігі 2,5 м, диаметрі 2 м, ал шеңберінің ұзындығы 6 м. Массасы 490 кг келетін бұл глобуста Жер шарының бедері мен ландшафттары бейнеленген. Бұл глобусты «Ташкент глобусы» деп атайды.



**4-сурет.** Әбу Райхан Беруниидің дүние жүзі картасы.



## Тірек сөздер және ұғымдар

Табиғат  
Көкжиеқ

Карта  
Глобус

Эра  
Фасыр



1. Жердің шар тәріздес екендігі туралы ұғым қашан пайда болған? Ежелгі адамдар Жерді қалай елестеткен?
2. Жердің үлгісі—глобусты бірінші болып кім жасаған?

**Тапсырма**

1. Эратосфен және Птолемей карталарын қазіргі карталармен салыстыры. Ежелгі фалымдарға қайсы жерлер белгілі еді?

## § 3.

### ЖЕР БЕТИНІҢ АШЫЛУЫ МЕН ЗЕРТЕЛУІ

**М**атериктер мен мұхиттарды ашуда ержүрек теңізшілер мен саяхатшылардың қызметі өте үлкен болған. Ортаазиялық Насыр Хисрау (1004—1088 ж.ж.) Онтүстік-Батыс Азия мен Солтүстік-Шығыс Африкаға саяхат жасап, өте көп географиялық мәліметтер жинақтаған. Жеті жылға созылған екі саяхатында 15 мың километрден астам жолды басып өткен (5-сурет).

1492 жылы Христофор Колумб бастаған экспедиция Үндістанға теңіз арқылы жол табу мақсатымен Испаниядан батысқа қарай жүзеді. Ол Атлант мұхитын кесіп өтіп, Америка жағалауына жетіп

**5-сурет. Насыр Хисрау саяхаты.**

— Ұлы саяхатшы өрі фалым Насыр Хисраудың атақты «Сапарнама» атты шығармасында көп теген қызықты мәліметтер кездеседі. Осы кітапты тауып, оқуға өрекет жаса.



барады. Португалдар 1498 жылы Африканы айналып, Үндістанға жетеді.

1519—1522 жылдары Фернан Магеллан бастаған испан экспедициясы кемемен дүние жүзін батыстан шығысқа қарай айнала жүзіп, Тынық мұхитты кесіп өтті. Нәтижеде Жердің шар тәріздес екендігі іс жүзінде дәлелденді. Жер шарының көп бөлігі құрлық емес, судың үлесіне тиетіндігі анықталды.

1820 жылы қантарда орыс теңізші саяхатшылары ең алыста орналасқан, мәнгі мұз басып жатқан Антарктида материгін ашты.

Жер бетінің көп жерлері осындай ө杰ет саяхатшылар жағынан ашылды және зерттелді. Қазіргі кезде Жер бетінің ашылмаған, картага түсірілмеген жері қалмады. Бірақ Жер беті табиғатының барлық ерекшеліктерін, кейбір табиғи құбылыстарын, олардың себеп-салдарларын ғалымдар жеткілікті деңгейде түсіндіріп берген жок. Сондықтан географ ғалымдар Жер бетін, оның табиғатын тағы да толығырақ зерттеуді жалғастыруда. Олар құрлықтар мен мұхиттарға жасалған әр түрлі экспедицияларға қатысып, маңызды бақылаулар мен тәжірибелер өткізуде. Географтар зерттеулерінің нәтижесі халық шаруашылығының көптеген салаларында кен пайдаланылады, бұрын жасалған карталарға анықтамалар енгізіледі, жаңа карталар жасалады.

Қазіргі кезде географтар өздерінің зерттеу жұмыстарында есептеу техникасы мен компьютерлерді, гарыштан түсірілген суреттерді тиімді пайдалануда. Жер бетіндегі әрбір нұктенің анық координаталарын Жердің жасанды серіктері көмегімен анықтауға болады.

### Тірек сөздер және ұғымдар



**Координата  
Материк**

**Экспедиция  
Континент**

**Зерттеу  
Жасанды серік**



Қазіргі замандағы географтар нені зерттейді және қандай техникалық жабдықтарды пайдаланады?




Насыр Хисраудын, Христофор Колумбтың, Фернан Магелланның саяхат жолдарын карап шық. Олардың басып өткен жолдарын жазусыз картага түсіріп қой.

## ЖЕР – КҮН ЖҮЙЕСІНІҢ ФАЛАМШАРЫ


### § 4. КҮН, АЙ ЖӘНЕ ЖҰЛДЫЗДАР

**Күн** — Жерге ең жақын жанып тұрған жұлдыз — отты шар. Ол Күн жүйесінің ортасында орналасқан. Күн — Жердегі жарық пен жылудың қайнар көзі. Оның төнірегінде 8 фаламшар айналып жүреді. Бұлар: Меркурий, Шолпан, Жер, Марс, Юпитер, Сатурн, Уран, Нептун фаламшарлары болып табылады (6-сурет). Фаламшарлардың жұлдыздардан айырмашылығы: олар сәуле шашпайды, тек Күннен түскен сәулені шағылыстырады. Фалымдар фаламшарлар мен олардың серіктерінің құрамы негізінен біртекtes заттардан түзілгенін күрделі жабдықтар мен телескоптардың көмегімен анықтаған. Олар да Жерде кездесетін заттардан түзілген екен. Фаламшарлардың жұлдыздардан тағы бір өзгешелігі, олар ғарыштағы өз орындарын ауыстырып тұрады.

**Ай** — Жердің табиғи серігі. Ай өзінен сәуле шығармайды. Күннен түскен сәулені шағылдырады. Ай Жерді дерлік бір айда бір рет айналып шығады. Жердің, Күн мен Айдың аспанда орналасқан орнына қарай ол бізге әр түрлі көрінеді. Бізге Айдың Күн сәулесі түсетін бөлігі ғана көрінеді. Егер сен зер салып қарасан, жаңа Ай



**6-сурет.** Күн жүйесі (Күн және оның төнірегіндегі Фаламшарлар).



**7-сурет.** Айдың өр түрлі көріністері: 1. Ай көрінбейді; 2. Жаңа Ай; 3. Айдың бірінші ширегі; 4. Бір ширеккіз толған Ай; 5. Толған Ай; 6. Қысқарған Ай; 7. Соңғы ширек; 8. Аяқталып жатқан Ай.

орак пішіндес болады. Енді есінде сақта: жаңа Ай кешқұрым Күн батқанда батыс жақтан жақтан көрінеді, ал ескі аяқталатын Ай таңертең Күн шықпастан шығыс жақтан көзге түседі (7-сурет). Егер Ай шенбер пішінінде болса, толған Ай делінеді. Айдың 14—15-күндері толған Ай болады. Айдың тұтылуы толған Ай күндеріне тұра келеді. Ай, Жер және Күн аспанда бір тұзудің бойына келгенде, Ай тұтылады.

Күн мен Айдың Жерді тартуы нәтижесінде теңіздер мен мұхиттарда периодты түрде су лықсыы мен қайту құбылыстары жүзеге келеді. Судың лықсыы мен қайтуына Күнге қарағанда Айдың тарту өсері екі есе күшті болады. Адамдар аспан денелерін бақылау нәтижесінде Күн мен Айдың күнтізбелерін түзуді, құрлық пен мұхиттарда тұрган жерді анықтауды үйренген.

**Жұлдыздар.** Тұнде аспанға қарасаң, қисапсыз жұлдыздар ретсіз шашылып жатқанға ұқсайды. Негізінде олар аспанда ретсіз шашылып жатпайды. Қазіргі кезде фалымдар расытханаларда (обсерваторияларда) жұлдыздардың мөлшерін, температурасын, хи-


миялық құрамы мен қозғалыстарын, сондай-ақ өзара орналасқан жерін де зерттеуде.

Жұлдыздар аса қатты қызып тұрған, Жерден өте алыста орналасқан аспан денелері болып табылады. Оларды адамдар ежелден-ақ топтарға бөлгөн және әрбір топқа өз атауын берген. Бұлар **шоқжұлдыздар** деп аталады. Мысалы, Таразы, Шаян, Сукүйыш және т.б.

Сен Жетікарақшы шоқжұлдызын білсөң керек. Оларды ойша сызықпен қосып шықсан, ожауга ұксайды. Ожаудың тұтқасындағы екінші жұлдыздың қасында кішкентай жұлдызыша бар. Ежелде жауынгерлердің көзінің өткірлігін сол жұлдызды көре алатындығына қарай анықтаған. Бізге көрініп тұратын анағұрлым жарық жұлдыздардың бірі — Темірқазық жұлдызы. Бұл жұлдыз барлық уақытта да аспанда бір орында — дәл Солтүстік полюстің үстінде тұрады.

Темірқазық (полюс) жұлдызын оңай фана тапса болады. Ол үшін Жетікарақшы шоқжұлдызы ожауының шетіндегі екі жұлдыз аралығындағы қашықтықты бес рет қойып шықса, Темірқазық жұлдызына барады (8-сурет).


**Жұлдызға қарап бағдарлау.** Темірқазық жұлдызы — тамаша бағдар, ол әрқашан солтүстік бағытты көрсетеді. Демек, солтүстікті біле отырып, басқа тұстардың бағытын да анықтауға болады. Егер сен солтүстікке қарап тұрсан, он жағың — шығыс, сол жағың — батыс, ал арқа жағың онтүстік болады (9-сурет). Өзің тұрған жерді көкжиек тұстарына салыстырып анықтау **бағдарлау** деп




**8-сурет.** Темірқазық жұлдызының және көкжиектің солтүстік нүктесін табу.

— Әбу Райхан Беруни — аспан жұлдыздарының қозғалыс жолы пішінің шеңбер емес екендігі туралы алғаш пікір айтқан ғалым. Жердің географиялық ендігі мен бойлығын анықтауда бабамыз қол жеткізген нәтижелер тіпті қазіргі ірі ғалымдарды да таңдандыруда.





9-сурет. Жерді бағдарлау.



10-сурет. Көкжиектің негізгі және аралық тұстары.

аталады. Солтүстік, онтүстік, шығыс және батыс – көкжиектің негізгі тұстары, ал солтүстік-шығыс, солтүстік-батыс, онтүстік-шығыс және онтүстік-батыс – көкжиектің аралық тұстары болып табылады (10-сурет). Көкжиек тұстарын жүлдыштардаға қарап тек түндеған анықтауға болады. Ал күндіз ше? Күндіз Күнге қарап анықтауға болады.



### Тірек сөздер және ұғымдар

Күн

Фаламшарлар

Көкжиектің негізгі және аралық тұстары

Күн жүйесі

Бағдарлау

Жүлдыш

Шоқжүлдыш

Темірқазық



1. Күнді айналатын неше фаламшар бар? Олардың аттарын жатқа айт.
2. Жүлдыштардың фаламшарлардан қандай айырмашылығы бар?
3. Бағдарлау деген не?

15



1. Жердің Күн төңірегінде айналу орбитасын сыйз. Сол сыйбада Айдын тұтылған жағдайдағы орнын көрсет.
2. Сыйба салып, оған көкжиектің негізгі және аралық тұстарын жазып қой.
3. Жүлдыштарға қарап бағдарлауды үйрен.

## § 5.

# ЖЕРДІҚ ӨЗ БІЛІГІНДЕ АЙНАЛУЫ ЖӘНЕ ОНЫң МӨЛШЕРІ

Адамдар өте ежелгі замандардан-ақ Күннің әр күні шығыстан шығып, батысқа бататынын білген. Күн шығып, батқанға дейін өткен уақыт *күндіз*, ал батқаннан шыққанға дейінгі өткен уақыт *түн* деп аталады. Бір күн мен бір түн *тәуілік* болады. Жер өз білігінде бір тәулікте, яғни 24 сағатта батыстан шығысқа қарай бір рет айналады. Күн мен түннің ауысуын өзін де тәжірибе жасап көруіңе болады. Ол үшін кешкүрим қарандыра допты немесе шарды шамның жарығына ұстап тұрсан, шардың жартысына сәуле түсіп жарық етеді, ал жартысы қаранды болады. Егер шарды жайлап айналдырсаң, жарық қаранды жағына ауысады. Жерде күн мен түннің ауысуы дәл осылай болады. Себебі Күн сәулесі де Жерді бір мезгілдің өзінде барлық жағын нұрландыра алмайды.

Жердің айналу білігінің Жер бетімен қосылған екі нүктесі **Жердің полюстері** деп аталады. Жер полюстері екеу – Солтүстік және Оңтүстік полюстер. Жер бетіндегі полюстерден бірдей қашықтықта өткізілген шенбер сызық – **экватор** деп аталады. Экватор Жерді екі жарты шарға – **Солтүстік және Оңтүстік жарты шарларға** бөліп тұрады.

Солтүстік полюс пен Оңтүстік полюсті қосатын Жер бетінен жүргізілген жарты шенбер сызықтар – **меридиандар** деп аталады. Жер экваторына параллель жүргізілген шенбер сызықтар **параллельдер** деп аталады. Экватордан полюстерге жақындаған сайын параллельдердің ұзындығы қысқара береді (11-сурет).

**Жердің үлкендігі.** Жер – Күн жүйесіндегі фаламшарлардың бірі.



**11-сурет.** Жердің полюстері, экватор, меридиандар, параллельдер.

Күнгө ең жақын фаламшар — Меркурий, одан кейін — Шолпан, үшінші орында Жер тұрады. Жер мен Күннің арасы орта есеппен 150 миллион километр (млн. км). Сафатына 1 000 км жылдамдықпен ұшатын ұшақ бұл қашықтықты 17 жылда басып өтеді. Зымыран сафатына 39 600 км жылдамдықпен ұшса, Күнге 5 айда жетеді.


Жердің пішіні ***шар тәріздес***. Орташа диаметрінің ұзындығы 12 756 км, ал Жер шеңберінің ұзындығы 40 000 км-ден астам. Жердің полюстері сәл қысынқы. Оның полюстік радиусы экваторлық радиустан 21 км қысқа.

Адамдар Жердің кішірейтілген пішінін жасаған. Ол ***глобус*** деп аталады. Глобуста материктер, мұхиттар, аралдар, түбектер — жалпы бүкіл Жер беті кішірейтілген түрде бейнеленеді. Глобустарда экватор, меридиандар және параллельдер сызып қойылады.


Глобустан және карталардан қажетті нүкте қалай табылады? Глобуста және карталарда сызылған параллельдер мен меридиандардың қызылсызы Жер бетін торлап алады. Бұл тор ***градус торы*** деп аталады. Градус торының көмегімен Жер бетіндегі қалаған нүктелердің орнын анықтауға болады. Бұған географиялық ендіктер мен бойлықтар көмек береді.

**Географиялық ендік** деп — меридиан дөғасының экватордан берілген нүктеге дейінгі градуспен алынған шамасын айтады (12-сурет). Глобустағы немесе картадағы қалаған нүктенің ендігін анықтау үшін қайсы параллельде орналасқанын білу қажет. Мысалы, Ташкент  $40^{\circ}$  және  $50^{\circ}$  параллельдер аралығында, дәлірегі  $41^{\circ}$  параллельде, Каир қаласы  $30^{\circ}$ , ал Киев  $50^{\circ}$  параллельде орналасқан. Бұл параллельдердің барлығы экватордан солтүстік жақта орналасқандықтан, олардың ендігі ***солтүстік ендік*** деп аталады. Ал экватордан онтүстікте орналасқан нүктелердің ендігі ***онтүстік ендік*** деп аталады (12-сурет).

Бірақ әрбір параллельде бір ғана нүкте емес, өте көп нүктелер бар. Сондықтан глобустағы және картадағы қажетті нүктенің орнын анықтауда тек ендікті білу аз. Ол үшін географиялық ***бойлықты*** анықтау қажет. Параллель дөғасының бастапқы меридианнан берілген нүктеге дейінгі градуспен алынған шамасын ***географиялық бойлық*** деп атайды. Лондон қаласына жақын жердегі Гринвич расытханасының меридианы Бас меридиан болады.



12-сурет. Географиялық ендік.



13-сурет. Географиялық бойлық.

лып қабылданған. Бас меридианнан шығысқа қарай орналасқан нұктелер – **шығыс бойлық**, ал батысқа қарай орналасқан нұктелер – **батыс бойлық** деп аталады (13-сурет).

Жер бетіндегі нұктенің ендігі мен бойлығын осы нұктенің **географиялық координаталары** деп атайды. Мысалы, Ташкенттің географиялық координатасы  $41^{\circ}$  солтүстік ендікті (с.е.) және  $69^{\circ}$  шығыс бойлықты (ш.б.) күрайды.

### Тірек сөздер және ұғымдар



Тәулік

Градус торы

Географиялық бойлық

Географиялық координата

Жердің полюстері

Географиялық ендік

Меридиандар

Параллельдер

Экватор



1. Тәулік деген не?
2. Жерде қанша географиялық полюстер бар?
3. Бас меридиан қайсы жерде орналасқан?
4. Меридиандар және параллельдер дегендеге нені түсінесін?



1. Географиялық ендік деген не? Глобустан Ташкенттің географиялық ендігін анықта.
2. Географиялық бойлық деген не? Жартышарлар картасынан Ташкенттің географиялық бойлығын анықта.




## § 6. ЖЕРДІҢ КҮНДІ АЙНАЛА ҚОЗҒАЛУЫ

Жер Күнді орбита бойымен 365 тәулік 6 сағатта 1 рет айналып шығады. Жыл есебін онайлату үшін 1 жылда 365 күн бар деп есептеледі. Жыл сайын есепке қосылмай қалып отыратын 6 сағат 4 жылда 24 сағат немесе бір тәулік болады. Жиналған 1 тәулік өрбір төртінші жылдың ақпан айына қосылады. Сонда 3 жыл 365 күннен, ал төртінші жыл 366 күннен тұрады. 366 күннен тұратын жыл **«кібісे жылы»** деп аталады. Ақпан бұл жылы 29 күнмен, ал қалған 3 жылда 28 күнмен біtedі.

Неге жыл мезгілдері ауысып тұрады? Бұны түсіну үшін 14-суретті талдаймыз. Суретте Жердің Күн төңірегінде өр түрлі уақыттарда айналу жағдайы бейнеленген. Маусым айында Солтүстік жарты шар Күнге көбірек қарап тұрады. Сондықтан 22 маусымдың жазғы **Күн тоқырауы** дейді. Күн көкжиек үстінен биікке көтеріледі. Солтүстік жарты шарда жаз, ал Оңтүстік жарты шарда қыс болады. 21 наурыз берінде 23 қыркүйекте Күн екі жарты шарға бірдей түседі. Сол себепті бұл күндерді **көктемді** және **күзгі** күн мен түннің **теңелуі** деп атайды. Ал 22 желтоқсанда Жердің Оңтүстік жарты шар жағы Күнге көбірек қарап тұрады. Солтүстік жарты шарда күн ең қысқа, ал түн ең ұзақ болады. Бұл кезде Оңтүстік жарты шарда жаз, ал Солтүстік жарты шарда қыс болады. 22 желтоқсанда **Күннің қысқы тоқырау** күні дейді.

Поляр шенберлері поляр күні мен поляр түні болатын жерлердің ( $66,5^{\circ}$  солтүстік және оңтүстік ендіктер) шекаралары болып



**14-сурет.** Жердің  
Күн айналасындағы  
жылдық қозғалуы

табылады. Сол шекарада жазда бір тәулік поляр күні және қыста бір тәулік поляр түні болады. Солтүстік полюсте қыста жарты жыл түн, жазда жарты жыл күн болады.

**Тропиктік сыйықтар.** Глобуста, Жарты шарлар карталарында  $23,5^{\circ}$  солтүстік және оңтүстік ендіктерден штрих сыйықты параллель өткізілген. Бұл параллельдер тропиктік сыйықтар деп аталады. Солтүстік жарты шардағысы – **Солтүстік тропик**, ал Оңтүстік жарты шардағысы – **Оңтүстік тропик** деп аталады.

Жазғы тоқырауда Жер шарының осы ендіктерінде Күн түс кезінде тас тәбеле келеді. Ертеңіне Күннің көкжиектен биіктігі жайлап төмендей бастайды. Оңтүстік және Солтүстік тропик сыйықтары аралығында бір жылда Күн екі рет тас тәбеле келеді. Солтүстік тропиктің солтүстігінде, ал Оңтүстік тропиктің оңтүстігінде Күн ешқашан тас тәбеле көтерілмейді.

**Жердің жылу белдеулері.** Күннен түсетін жылу және жарық Жер бетіне әркелкі тарапады. (Неге?) Экватордың екі жағындағы Солтүстік және Оңтүстік тропиктерге дейінгі жерлерге ең көп жылу мен жарық түседі. Бұл жерлерде Күн көкжиектен биік көтеріліп, жыл бойында құрлық пен мұхиттарды қатты қыздырады. Бұл жерлер **Жердің ыстық (тропиктік) белдеулері**.

Поляр шенберлері мен тропик сыйықтарының аралығына Күннен жылу мен жарық аз түседі. Мұнда солтүстік және оңтүстік қоныржай (орташа) белдеулер орналасқан. Поляр шенберлерінен ( $66,5^{\circ}$  солтүстік және оңтүстік ендік) полюстерге дейінгі аралықтағы жерлерге Күннен жарық пен жылу одан да аз түседі. Бұл жер **полюсті (суық) белдеулер** деп аталады.



### Тірек сөздер және ұғымдар

Поляр күні

Тропик сыйықтар

Поляр түні

Жылу белдеулері

Кібісе жылы

Поляр шенберлері



1. Кібісе жылы қандай жыл? Кібісе жылындағы артықша бір күн қайдан пайда болды?
2. Күннің тоқырауы деп қайсы күндерді айтады?
3. Тропик сыйықтар қайсы географиялық ендіктерге орналасқан?
4. Жерде қандай жылу белдеулері бар?



1. Дәптеріне шенбер сыйып, оған экваторды, бас меридианды, тропик сыйықтарды және поляр шенберлерін сыйып қой.
2. Жазусыз картаға жылу белдеулерін сыйып, атауларын жазып шық.

## ЖЕРДІҢ ПЛАНЫ ЖӘНЕ ГЕОГРАФИЯЛЫҚ КАРТАЛАР

### § 7.

### АЗИМУТТЫ АНЫҚТАУ ЖӘНЕ ҚАШЫҚТЫҚТАУ ӨЛШЕУ




**Географиялық карта** — адамзаттың жаратқан ұлы туындысы. Жердің беті және әрбір орынның табиғи жағдайы, халқы мен шаруашылық қызметі географиялық карталар мен жердің планында бейнеленеді.

Саяхатшылар, жаңа жер ашуышылар бейтаныс өлкелерде жаяу, көлікпен жүздеген, мындаған километр жол жүрген, кемелермен теңіздер мен мұхиттарда жүзген. Олар көрген, зерттеген, ашқан барлық жаңалықтарын картаға түсірген. Демек, Жер шарын зерттеудің ең ежелгі және сыналған тәсілі — жол жүріп, жердің планын сыйзу.

**Орынның көкжиек тұстарын анықтау.** Егер де тегіс жазықтыққа шықсан, сенің тұрған жерің шенбер сияқты көрінеді. Шенбер тәрізді тегіс жазықтың шетінде аспан мен Жер тұтасып тұрғандай болады (15-сурет). Осы аспан мен Жер тұтасқан жердегі сзық **көкжиек** деп аталады. Ал сенен көкжиекке дейінгі шенбер тәрізді жазық жер **көкжиек жазықтығы** деп аталады.

Оқулықтың «Күн, ай және жұлдыздар» тақырыбында (12–15-беттер) көкжиек жазықтығының негізгі 4 тұсы және 4 аралық тұсы, бұлардан тыс тағы шағын аралық тұстары да болатын-



**15-сурет.** Көкжиеқ, көкжиеқ жазықтығы. Көкжиеқ жазықтығының негізгі және аралық тұстары.

дығы жөнінде айтылған еді. Ал бағыт өте көп. Сондықтан, өзің тұрған жерден кез келген үйге немесе ағашқа қарай бағыт дәл солтүстікке емес, сәл шығысқа немесе оңтүстік-шығысқа ауытқыған болса, Сен бұл бағытты қалай анықтайсын? Міне, осындай кезде саған азимут көмектеседі.

**Азимутты тұсбағдар (компас) көмегімен анықтау.** Толық шенбер  $360^{\circ}$ -тан тұрады. (Тұсбағдар дегеніміз не? Ол қалай құрылған? Бұларды «Табиғаттану» пәнінен есіне түсір).


Азимут деген не? **Азимут**—жердегі екі бағыт аралығында пайда болған бұрыш. Бұл бағыттардың бірі өрдайым солтүстікке, ал екіншісі біз анықтауға алған белгілі бір затқа қарай (ағаш па, бағана ма) бағытталған болады (16-сурет).

Азимуттар солтүстік бағыттан бастап сағат тілінің айналу бағыты бойынша есептеледі (16-суретке назар аудар).

Бұрғылау мұнарасына қарай бағыт азимуты  $50^{\circ}$ -қа, зауыт мұржасына қарай бағыт азимуты  $135^{\circ}$ -қа, жол шетіне қарай бағыт азимуты  $210^{\circ}$ -қа және ағашқа қарай бағыт азимуты  $330^{\circ}$ -қа тең екендігін көресін.

**Қашықтықты өлшеу.** Жердің планын жасағанда ара қашықтықтарды өлшеуге тұра келеді. Бір-біріне жақын тұрған екі заттың ара қашықтығын **метрмен** немесе **таспамен** өлшеуге болады. Бірақ жүрілген жолдың ұзындығын немесе табиғаттағы екі заттың ара қашықтығын олармен өлшеу өте қыын, әрі көп уақытты алады. Бұндай жағдайда қашықтықты қадамдан өлшеуге болады.

Қашықтықты қадамдан өлшеу үшін әрбір бала өзінің қадамының орташа ұзындығын білуі керек. Қадамның орташа ұзындығын білуден



**16-сурет.** Азимутты тұсбағдармен (компаспен) өлшеу.




— Азимутты тұсбағдармен (компаспен) өлшеуді үйреніп ал. Үйренудің ең оңай тәсілі: мектеп ауласының ортасында тұрып, мектеп қақпасы мен ең шеттегі ағаштың өзің тұрған жерден қарағандағы азимутын анықта.

### 17-сурет. Қолдан жасалған өлшеуіш дөңгелек.



— Сен осындағы өлшеуіш дөңгелекті үлкендердің көмегімен жасап, мектепке, балабақшаға және аялдамаға дейінгі қашықтықты өлшеуіңе болады.



Бұрын 100 метр (м) қашықтықты таспамен өлшеп алу қажет. Содан кейін сол қашықтықты әдеттегі қадаммен жүріп өткенде, неше қадам екендігі анықталады. Айталық, Сен 100 м қашықтықты басып өткенінде, ол 200 қадам шықты дейік. Енді 100 м-ді 200-ге бөлеміз.  $100 \text{ м} - 10\,000 \text{ сантиметр (см)}$ ,  $10\,000 : 200 = 50 \text{ см}$ . Демек, сенін әрбір қадамыңың ұзындығы 50 см, яғни жарты метрге тең екен.

Аса үлкен қашықтықты өлшегендеге қос қадамдап санау керек. Қадамдауды сол аяқтан бастап, қадамыңды санайсың, қадамың саны қанша болса, қашықтық сонша метр болады.

Қашықтықты **қолдан жасалған өлшеуіш дөңгелектің** көмегімен де өлшеуге болады. Мұндай дөңгелек қанылтырдан жасалады. Ол үшін қалың қанылтырдан диаметрі 32 см келетін шенбер тәріздес дөңгелек кесіп алынады. Дөңгелекті ұзындығы 1 метрлік ағаш саптың ұшына айналатындағы етіп бекітеді. Бұл дөңгелектің толық бір рет айналуы 1 метрге тең. Дөңгелектің бір жеріне қатты пленка жабыстырып қойса, дөңгелек әрбір рет толық айналғанда сапқа тиіп, дыбыс шығарады. Сен оның көмегімен дөңгелек неше рет айналғаның санайсың (17-сурет).



#### Тірек сөздер және ұғымдар

**Жер планы**  
Тұсбағдар

**Метр**  
Азимут

**Өлшеуіш дөңгелек**  
Көкжиек тұстары

**Көкжиек**  
Таспа



1. «Көкжиек» және «Көкжиек жазықтығы» деген не?
2. Көкжиек жазықтығының негізгі тұстары тұсбағдардың көмегімен қалай анықталады?
3. Көкжиек тұстарын жергілікті белгілерге қарап қалай анықтауға болады? Азимут деген не?



1. Азимуттың тұсбағдардың көмегімен қалай анықталатынын көрсет.
2. Үйіңнен мектепке дейінгі қашықтықты өлшеп кел. Содан кейін бұл бағытты дәптеріңе сзып қой.

## § 8. МАСШТАБ

**Масштаб.** Сен досына автобус бекетінен үйіне дейінгі қашықтықты қағазға сыйып көрсетпекшісін. Әрине, бұл жол оншалықты ұзын болмаса да қағазға сыймайды. Демек, жолды кішірейтіп сыйзуға тұра келеді. Осында кезде саған **масштаб** көмек береді. *Масштаб – жердегі қашықтықтың қағазда, планда және картада бейнеленгенде неше есе кішірейтілгенін көрсететін бөлшек сан.* Автобус бекетінен Сенің үйіне дейінгі қашықтық – 600 м. Оны кішірейтіп қағазға 6 см етіп сыйздың. Сен қашықтықты 10 000 есе кішірейтіп алдың. Сонда масштаб 1:10 000 болады. Кез келген картада және жердің планында оның масштабы, яғни қашықтықтар қанша есе кішірейтілгені жазып қойылады.


Масштаб үш түрлі көріністе болады: **сандық масштаб, атаулық масштаб және сзыықтық масштаб** (18-сурет).

Ең қолайлысы – сзыықтық масштабты пайдалану. Сзыықтық масштаб тең бөліктеге бөлінген түзу сзыық көрінісінде болады. Егер бұл масштаб 1 см-де 100 м деп жазылса, **атаулық масштаб** деп, 1:10 000 деп жазылса, **сандық масштаб** деп аталады.

Жарты шарлар табиғи картасының сандық масштабы 1:22 000 000. Мұнда 1 см-де қанша км бар екендігін анықтау үшін 5 нөлді өшіреміз. Сонда атаулы масштаб 1 см-де 220 километр болады.



18-сурет. Масштабтың түрлері.



19-сурет. Картадагы қашықтықты сзыықтық масштабтың көмегімен анықтау.

Сызықтық масштабты қашықтықты анықтауға пайдалану үшін циркульдің екі басы алдымен картадағы ара қашықтықтары анықталуы қажет нұктелерге қойылып, содан соң масштабқа қойылады. Сонда қашықтық дәл анықталады (24-беттегі 19-сурет).

**Азимут бойынша жұру.** Географиялық ойын кезінде саған оқшау өсіп тұрған ағаштан  $40^{\circ}$  азимут бойынша 200 м, содан соң  $180^{\circ}$  азимут бойынша 500 м және  $330^{\circ}$  азимут бойынша 300 м жұру, сөйтіп, бұл орынды  $1 : 5000$  масштабпен дәптерге сизу тапсырмасы берілді дейік.

Азимут бойынша жұру тапсырмасын төмөндегі ретпен бастау керек. Алдымен оқшау өсіп тұрған ағаштың қасына барып, тұсбағдардың тілін босатып, оның солтүстік ұшын О нұктесіне келтіреді. Кейін тұсбағдардың бетіне кішкене шырпыны қойып,  $40^{\circ}$ -тық белгіге туралайды. Сонда шырпының бағыты  $40^{\circ}$  азимут бағытын көрсетеді. Сенің орташа қадамыңың ұзындығы жарты метр. Енді Сен 200 м жұру үшін 400 қадам басасың, сосын тоқтап, тұсбағдармен тағы бағдарлайсың, яғни солтүстікті көрсететін магнит тілін  $0^{\circ}$ -қа келтіресің. Содан соң шырпының көмегімен  $180^{\circ}$  белгіні магнит тілінің ортасымен қосып,  $180^{\circ}$  азимутты табасың да, қажетті қашықтықты жүріп өтесің. Кейінгі азимут бойынша жұру де осы ретпен орындалады.

### Тірек сөздер және ұғымдар

**Масштаб**

**Сандық масштаб**

**Атаулық масштаб**

**Сызықтық масштаб**

**Азимут бойынша жұру**

**Бағдарлау**



1. Масштаб деген не? Ол не үшін қажет?
2. Масштабтың қандай түрлерін білесін?
3.  $1:100\,000$ ,  $1:1000\,000$ ,  $1:10\,000\,000$  масштабтарын атаулық масштабқа айналды.




Окушы  $A$  нұктеден  $B$  нұктеге  $360^{\circ}$ -тық азимут бойынша 100 м жүрді. Сен дәптеріңе бұл қашықтықты 10 см етіп сыз. Ол  $B$  нұктеден  $D$  нұктеге дейін  $90^{\circ}$ -тық азимут бойынша тағы 100 м жүрді. Окушы  $D$  нұктеден  $180^{\circ}$  азимут бойынша тағы 100 м жүрді. Бұл келген нұктені  $E$  деп белгіледі. Бұларды дәптеріңе сыз. Енді окушы  $A$  нұктеге қайту үшін қандай азимут бойынша қанша метр жұруі керектігін анықта.

## § 9. ЖЕРДІҢ ПЛАНЫН ЖАСАУ

**Ж**ердің планын бірнеше өдіспен жасауға болады. Бұл өдістердің бірі **полярлық кескіндеу** тәсілі деп аталады. Енді бұл қандай тәсіл екенін қарастырайық.


Біз 20-суретте бейнеленген жердің ең қарапайым топографиялық планын жасамақшымыз. Ол үшін үстіне планшет орнатылған үшаяқты (штатив) үлкен қойтастың қасына орнатамыз (36-беттегі 27-сурет). Осы арадан Жердің планын түсіруді бастаймыз. Масштабын таңдаймыз. Мысалы, 1:5 000. Сондан соң планшеттің шетіне солтүстік-оңтүстік («С» және «О» әріптерін қосатын сызық) нұсқарын (стрелкасын) сымамыз. Кейін планшетті көкжиек тұстарына бағдарлаймыз, яғни планшетті қажетті тұсқа айналдырып, ондағы солтүстік-оңтүстік сызығын тұсбағдар (компас) нұсқарымен (стрелкасымен) сәйкестендіріп бекітеміз.

Енді планды жасауға кірісеміз. Әуелі тұрған жеріміз— үлкен қойтасты планшетке нұктемен белгілейміз де, оның ортасына инені қадап қоямыз. Бұл біздің тұрған нұктеміз болады. Кейін үшқырлы нысаналау сызғышын алып, бір ұшын инеге тақаймыз. Сондан кейін нысаналау сызғышын біз планға түсіретін заттарға (жалғыз ағаш, оқшау үй, жел диәрмен) қарай туралап, әрбір бағытты қарындашпен сымамыз. Содан соң қашықтықты өлшеуді сен білетін тәсілдердің бірімен (мысалы, қадамdap өлшеу) әрбір затқа дейінгі қашықтықты өлшеп, масштаб бойынша планшетке түсіріп, сол жердегі заттарды шартты белгілермен көрсетеміз (21-а сурет).



**20-сурет.** Планды түсіруге қажетті жердің көрінісі.

Содан кейін ағашты, оқшау үйді түсіреміз. Нысаналау сызықтарын



**21-сурет.** Жергілікті жердің планын полярлық әдіспен кескіндеу.


өшіреміз. Жолдарды шамалап сызы да болады. Шартты белгілермен жайылым жерді және мақта алқабын көрсетеміз (21-ә сурет).

Бір нүктеде тұрып кескіндеу **полярлық кескіндеу** деп аталады. Сондыктан жердің планын мұндай әдіспен кескіндеу **полярлық әдіспен план жасау** деп аталады.

Жердің планын кескіндеудің **азимуттық әдісі** де бар. Бұл полярлық әдістен де қолайлы. Бұл әдісте планшеттің және нысаналау сызығының қажеті жоқ. Бұнда қойтас қасында тұрып, көрініп тұрған барлық заттарға (жеке ағашқа, оқшау үйге, жел дірменге) бағыт азимуттары анықталады, сондай-ақ заттарға дейінгі қашықтық өлшенеді. Бұлардың барлығы дәптерге анық етіп жазып алынады. Үйге келген соң ақ қағазға өзің тұрған нүкте — полюс деп белгіленеді, кейін транспортирдің көмегімен азимуттар анықталып, қашықтық масштаб бойынша белгіленеді. Жергілікті заттар шартты белгілермен көрсетіледі.

**Абсолют және салыстырмалы биіктік.** Жер бетіндегі кез келген нүктенің басқа бір нүктеден биіктік айырмасы **салыстырмалы биіктік** деп аталады. Мәселен, төбенің басы етегінен биік десек, бұл **салыстырмалы биіктік** болады (22-сурет).

Салыстырмалы биіктіктер деңгейлегіш құралдың (нивелир) көмегімен анықталады. Қолдан жасалған деңгейлегіш екі тақ-



**22-сурет.** Төбенің салыстырмалы (қара сызық) және абсолют (ақ сызық) биіктігі.

тайшадан жасалады. Оған **тіктеуіш** байлап қойылады. Тіктеуішпен деңгейлегіштің тік орнатылғаны анықталады.

**Абсолют биіктік.** Жер бетіндегі құрлықтардың биіктігі әр түрлі болады. Құрлықтардың мұхит немесе теңіз деңгейінен бастап есептелетін биіктігі **абсолют биіктік** деп аталады (22-сурет). Өзбекстан аумағында Жер бетінің абсолют биіктігі Атлант мұхитының Балтық теңізі деңгейінен бастап есептеледі. Мәселен, Ташкент қаласының орташа абсолют биіктігі 400 м, Қамшық асуынікі 2267 м. Өзбекстандағы ең биік нүкте – Хазірет Сұлтан тауы, биіктігі 4643 м.

**Горизонтальдар.** Жер пландарында табиғаттағы жергілікті заттардан басқа Жер бетінің ой-қыры да бейнеленеді. Жер бетінің бұндағы ой-қыры географияда **Жер бедері (рельефи)** деп аталады. Жер бедері топографиялық план мен карталарда горизонталь сызықтармен бейнеленеді. **Горизонтальдар** деп құрлық бетіндегі абсолют биіктіктері бірдей нүктелерді картада қосатын сызықтарды айтады.

Жердің планында төбелер де, шұңқырлар да горизонталь сызықтармен бейнеленеді. Жердің беті қайсы жағына қарай ылди болса, горизонталь сызықтарға ылди жағын көрсететін сызықша қойылады. Бұл сызықша **бергштрих** деп аталады. Бергштрихтарға қарап шұңқыр немесе тәбе екендігін ажыратады. Беткей өте тік болса, планда майда тіс сияқты сызықтармен көрсетіледі. Жыралар да сондай белгілер арқылы бейнеленеді.



### Тірек сөздер және ұғымдар

Жердің планы  
Азимут әдісі  
Полярлық әдіс

Горизонтальдар  
Бергштрих  
Жер бедері

Абсолют биіктік  
Салыстырмалы биіктік  
Денгейлелгіш (нивелир)



1. Жердің планы полярлық әдіспен калай жасалады?
2. Жердің планын жасаудың азимуттық әдісін айтып бер.
3. Салыстырмалы биіктік деп нені айтады?
4. Абсолют биіктік деп нені айтады?



1. Горизонталь сызықтардың көмегімен планда нелер бейнеленетінін көрсет.
2. Бергштрих деген не? Ол жердің планында нені бейнелейді?


## § 10. ЖЕРДІҢ ПЛАНЫН ПАЙДАЛАНУ

**Жердің планын оку.** Күнделікті өмірде жердің пландарын пайдалануға тұра келеді. Әскерилердің, құрылышшылар мен саяхатшылардың жұмысында жер пландары ерекше маңызды.

Жердің планын окуды өзің тұратын жердің планына қарап үйрентінің дұрыс болады. Егер Сен қалада тұрсан, сол қала планын, ал ауылда тұрсан, ауыл шаруашылық жерлері планын пайдалан.

Ол үшін сен белгіленген жерге сол жердің планымен шығасың және планды тұсбағдардың көмегімен көкжиең тұстарына бағдарлайсың. Сонын планнан өзің тұрған жерді табасың. Егер сен жолда тұрған болсан, планнан жолды және саған көрініп тұрған кез келген зат (мәселен, көпір, жеке ағаш және қылыш) пен өзің тұрған жерді табасың. Енді планның көмегімен сол төңіректегі заттарға дейінгі қашықтықты өлшеуге болады. Сен тұрған жерден көрінбейтін, бірақ планда бейнеленген жерлерге бару үшін қалай қарай және қанша қашықтықты жүріп өту керек екендігін де тауып аласың.

**Жердің планында азимутты анықтау.** Саған паромнан Жылғасудағы бөгенге дейін бару қажет дейік (23-сурет). Ол үшін қандай азимут бойынша жүруін керек? Бұл азимутты планнан транспортирдің көмегімен анықтауға болады. 23-суретте көрсетілгендей,



### Жер планының шартты белгілері:

	Үйлер		Бұталар		Жарлар
	Ауыл жолы		Шабындық		Жапырақты орман
	Соқпақ жол		Горизонтальдар		Батпақтар
	Өзен жағалауының абсолют биіктігі		Биіктік белгісі		Жыртылған жер(а), егістіктер (б)
	Көл, өуіз		Жыралар		Жел диірмен

**23-сурет.** Жердің планы және оның шартты белгілері  
(масштаб: 1 см -де 50 м).

бұл азимут  $145^{\circ}$  екен. Қанша жұру керектігін сыйзыштың көмегімен анықта. Ол үшін паромнан бөгенге дейін қанша см екенін өлшейсің және масштабтағы қашықтыққа көбейтесін. Планда бұл қашықтық  $10$  см. Масштаб:  $1$  см =  $50$  метр. Сондықтан  $10 \times 50 = 500$  м.

**Енді практикалық жаттығуларды орындаيمыз.** Егер пландарында Жер бетінің ой-қыры горизонталь сыйзықтармен бейнеленген болса, төмендегі практикалық жұмыстарды орындауға болады. 23-суреттегі жердің планында абсолют биіктігі  $1160$  метр төбені, оның шығыс беткейі тік, ал онтүстік-батыс беткейінің жатық екенін көріп тұрсың.

Тағы бір мысал. Осы жер планындағы желдиірмен тұрган жерден қарағанда Қарасудағы паром көріне ме, жоқ па, соны анықтау керек. Диірмен тұрган жер Қарасу өзенінің деңгейінен  $23$  м биіктікте орналасқан. Сонымен қатар беткей диірменнен паромға қарай төмендей береді ( $1160$ -тан  $1137$  м-ге дейін). Егер бақылаушы төбенің шығыс жағында  $1150$  м биіктікте тұрса, ол паромды көрмейді, себебі оны төбе тосып тұрады. Паромды көру үшін бақылаушы төбенің басына —  $1160$  метрлік белгіге шығуы керек. 23-суретті пайдаланып, төмендегі сұрақтарға жауап беруге тырыс: 1. Желдиірмен Жылғасуға салынған бөгеттің қайсы тұсына орналасқан? 2. Жердің планында бейнеленген төбенің Қарасу деңгейінен салыстырмалы биіктігі қанша?



### Tірек сөздер және ұғымдар

Абсолют биіктік  
Салыстырмалы биіктік

Горизонталь сыйзықтар  
Паром

Қала планы  
Шаруашылық планы



1. Қамысты қөл Каттақыстақтың қайсы жағында?
2. Желдиірмен Жылғасуда құрылған бөгеттен қанша қашықтықта орналасқан? Масштаб:  $1$  см :  $50$  метр.



1. Каттақыстақтан паромға дейінгі дала жолының қашықтықтығын циркульдің көмегімен анықта.
2. Каттақыстақтан паромға дейін дала жолының бойымен жаяу жүріп, жолдың он және сол жақтарында көргендерінді айтып бер. Бұл тапсырмаларды орындауға жердің планын пайдалан (23-сурет).

## § 11. ГЕОГРАФИЯЛЫҚ КАРТА

Сен Жердің үлгісін—глобусты және жер планын білесін. Глобуста материктер, мұхиттар, аралдар мен түбектер дәл, бірақ өте кішірейтілген түрде бейнеленеді. Ал жер планында кішкентай жер және ондағы заттар: төбе, өзен, үйлер, ағаш, желдиірмен және басқалар анағұрлым толық бейнеленеді.

**Географиялық картада** Жер беті жазықтықта кішірейтілген түрде бейнеленеді (атлас карталарына, қабыргаға ілінген карталарға қара). Карталарда Жер бетіндегі барлық нұрсeler көрсетіле бермейді. Сондыктан карталар әртүрлі болады: жер бедері картасы, пайдалы қазбалар картасы, топырақ картасы, өсімдіктер картасы, жануарлар өлемі картасы тағы басқалар.

Мәселен, **жер бедері карталарында** құрлық бетіндегі және теңіз түбіндегі таулар, жоталар және жазықтықтар бейнеленеді.

**Өсімдіктер карталарында** әр түрлі аймақтардағы өсімдіктер мен олардың қалай таралғаны көрсетіледі.

**Пайдалы қазбалар карталарында** көмір, мұнай, газ, темір рудасы және Жердің басқа минерал байлықтарының қай жерлерде орналасқаны шартты белгілермен көрсетіледі.

**Климат карталарында** Жер шарының қайсы нұктесінде қанша жауын-шашын болатыны, ауа температурасының қандай екені және желдің бағыты көрсетіледі.

**Табигат зоналары карталарында** жер үстінде табиғат зоналарының қалай орналасқаны, бұл зоналарда қандай өсімдіктер өсетіні, қандай топырақтар тарағаны көрсетіледі.

Экономикалық карталарда өнеркәсіп орындары, ауыл шаруашылық егіндері, көлік жолдары шартты белгілермен көрсетіледі. Бұл атап өтілген барлық карталарда белгілі тақырыпқа тиісті географиялық заттар мен құбылыстар бейнеленеді. Сондыктан бұндай карталар **тақырыптық карталар** деп аталады (атлас карталарына қара).


Географиялық карталар Дүние жүзі картасы, материктер картасы, мұхиттар картасы және жеке өлкелер мен мемлекеттер карталарына бөлінеді.

Тақырыптық карталардан тыс жалпы географиялық карталар да бар. Оларда аймақтың жалпы көрінісі, яғни жер бедері, өзендер, көлдер, теніздер, қалалар, мұхиттағы ірі ағыстар және т.б. көрсетіледі. Мұндай карталар **табиғи карталар** деп аталады. Табиғи карталар да әр түрлі болады: Дүние жүзінің (Жарты шарлар) табиғи карталары, жеке материктердің табиғи карталары, кейбір мемлекеттердің және өлкелердің (24-сурет) табиғи карталары.

Бұдан тыс жазусыз (контур) карталар да болады. Оларда тек сыйба бедер ғана беріледі. Олар практикалық жұмыстарды орындау үшін пайдаланылады.

Экономикалық карталар да бейнеленген аймақтың үлкендігіне қарай Дүние жүзі картасы, жеке материктердің, жеке мемлекеттердің немесе өлкелердің карталары болып бөлінеді.

### Карталардың шартты белгілері.



**24-сурет.** Орта Азияның қарапайым (схемалық) табиғи картасы.

3-«География», 5-сынып

Карталарда әр түрлі заттар мен құбылыстарды бейнелеу үшін картаның өзіне тән тілі болып саналатын **шартты белгілер** пайдаланылады. Жер бетінің бедері әр түрлі түспен және қою немесе ашық бояулармен бейнеленеді. Мұнда 0 м-ден теңіз деңгейінен 200 м-ге дейінгі ойпаттар жасыл түске, 200-ден 500 м-ге дейінгі қыраттар сары түске, одан биік жерлер ашық қоныр түске боялады. Әр түрлі бояудың қандай биіктіктерге сәйкес келетіндігі картаның төменгі жағындағы кестеде көрсетілген. Мұндай кесте **биіктік шкаласы** деп аталады.

Биіктіктер шкаласын пайдаланып, аймақтың әрбір нұктесінің биіктігін анықтауға болады. **Терендік шкаласы** да солай жасалған. Кейбір тау шыңдарының биіктігі мен мұхиттағы кейбір **шұңғымалардың** терендігі карталарда және глобустарда метрмен (цифрмен) көрсетіледі (атластағы картадан тап).

Жер қойнауындағы пайдалы қазбалар (мұнай, газ, көмір, темір, алтын, мыс, алмаз және т.б.) картада арнаулы белгілермен көрсетіледі. Бұлар халықаралық масштабта қабылданған белгілер болып табылады. Егер ұмытқан болсан, картадағы «Шартты белгілерден» көріп ал (атлас карталарына кара).

Географиялық картадағы **изосызықтар** (грекше *изос*—төң) деп аталатын сызықтар кез келген географиялық құбылыстары бірдей нұктелерді қосады. Мысалы, ауа қысымы бірдей нұктелерді қосатын сызықтарды **изобара**, ал ауа температурасы бірдей нұктелерді қосатын сызықтарды **изотерма** деп атайды.

Карталарда әр түрлі нысандар мен құбылыстардың қозғалысы, жылжу бағытының белгілері **стрелкамен** бейнеленеді. Мысалы, теңіз ағыстары мен тұрақты жел бағыты стрелкалар арқылы көрсетіледі.

Халықтың нәсілдік және діни құрамдары, ыстық белдеулері, табигат белдеулері (зоналары) әр түрлі **бояулармен** көрсетіледі.

Географиялық нысандар мен құбылыстар қарапайым әрі жақсы көрінетін етіп бейнеленген, градус торы берілмеген карталар да болады. Олар **қарапайым (схемалық) карталар** деп аталады. Бұндай карталарда саяхатшылардың басып өткен жолдары, мемлекеттердің сауда байланыстары және Жер бетіндегі негізі желдер бағыты, ауа қысымы орталықтары т.б. бейнеленеді (25-сурет).



**25-сурет.** Дүние жүзінің қарапайым табиғи (рельефтік) картасы.

### Тірек сөздер және ұғымдар



Тақырыптық карталар  
Шартты белгілер  
Биіктік шкаласы

Изосызықтар  
Изобара  
Карапайым (схемалық) карталар

Изотерма  
Козғалыс белгілері



- Теңіз ағысының бағытын көрсету үшін қайсы шартты белгі пайдаланылады?
- Тақырыптық карталардың қандай түрлерін білесін?
- Төмендегі масштабтың қайсысы ірі: 1:75 000 000, 1:30 000 000 және 1:20 000 000?




Христофор Колумбтың кемелері оның бірінші саяхатында қанша километр қашықтықты басып өткенін глобустан анықта. Глобустың масштабы 1:83 000 000, 1:50 000 000 және 1:30 000 000, яғни глобустағы 1 см қашықтық 830, 500 және 300 км-ге тең. Ірі масштабты глобуста Ташкент пен экватор аралығы 15 см немесе 300 кмх15 см=4500 км.


## § 12. ПРАКТИКАЛЫҚ ЖҰМЫС. ЖЕРДІҢ ПЛАНЫ ЖӘНЕ ГЕОГРАФИЯЛЫҚ КАРТАЛАР

**1. Мектеп ауласының планын азимуттық әдіспен сыйзу.** Бұл үшін мектеп ауласына шығып, бір жерді тұру нүктесі деп ал, оны планшетте А өрпімен белгіле (26-27-суреттер). А нүктесіне тұсағдарды (компас) бағдарлап ал. Содан соң мектеп ауласының әрбір бұрышының азимутын анықтап шық. Мектептің ауласы әр жерде әр түрлі болуы мүмкін. Біз мысал ретінде төртбұрышты мектептің ауласын таңдадық. Әрбір бұрышты өріптермен В, С, Д, Е деп белгіле. Ал енді А нүктеде тұрып, тұсағдармен әрбір бұрышқа бағыттың азимутын анықта. Бұл мысалда С бұрышының азимуты  $60^\circ$ , Е бұрышының азимуты  $125^\circ$ , Д бұрышының азимуты  $220^\circ$ , ал В бұрышының азимуты  $310^\circ$  екен.


Енді А нүктесінен әрбір бұрышқа дейінгі қашықтықты рулетка-



**26-сурет.** Планшетке сыйылған мектеп ауласының план олиемдері.



**27-сурет.** План сыйзуға дайындалған планшет.



**28-сурет.** Мектеп ауласының планы.

ның көмегімен немесе адымдаپ анықтаймыз. Демек, А нүктесінен С нүктесіне дейінгі қашықтық 60 м, Е нүктесіне дейінгі қашықтық 70 м, Д нүктесіне дейін 50 м, ал В нүктесіне дейінгі қашықтық 40 метрге тең екен. Содан кейін сзызылып жатқан планға масштаб таңдаап аламыз. Бұл планға 1: 600 масштабты таңдаймыз. Яғни жердің 6 метрін планда 1 см деп алуға болады.

Содан соң мектептің ауласын сзызбақшы болған қағазға алдымен А нүктесін белгіле. Сосын тұсбағдарды қойып, В, С, Д, Е нүктелерінің бағытын белгілеп, әрбір нүктеге дейінгі қашықтықты 1 : 600 (1 см-де 6 см) масштаб бойынша өлшеп, нүктесінің орнын анықта. Бұл нүктелерді сзызықтар арқылы біріктірсек, мектеп ауласының сзызбасы шығады (28-сурет).

Одан соң мектептің ауласындағы басқа заттарды шартты белгілермен планда көрсетуге болады. Мысалы, жолды сзызықтармен, ағаштарды ағаш белгілерімен, жайылымдарды жайылым

белгілерімен, гүлзарды қызығылт түспен көрсете мүмкін. Планның батыс жағына стадион, волейбол аландарын салуға болады. Жер планының шетіне масштабы мен шартты белгілері жазылады.

## **2. Географиялық карталарда практикалық жұмыстарды төмендегі сұрақтар арқылы өткізді:**

1. Өзбекстанның табиғи картасынан шартты белгілердің жәрдемімен төмендегілерді анықта:

а) Шыршиқ, Зарафшан және Сұрхандария өзендері қай таулардан ағып шығады? Бұл өзендер қай жерлерге құяды?

ә) Шатқал, Түркістан, Гиссар, Нұратта тауарының ең биік шындары неше метр?

б) Өзбекстанда мұнай, газ, көмір, алтын кендері қай жерде орналасқан?

2. Өзбекстанның саяси-әкімшілік картасынан төмендегілерді анықта:

а) Өзбекстан қайсы мемлекеттермен шекаралас?

ә) Ферғана аңғарында Өзбекстанның қайсы облыстары орналасқан? Бұл аңғардан қайсы өзендер ағып өтеді?

б) Ташкент — Терміз автомобиль жолы Өзбекстанның қайсы облыстарынан өтеді?

3. Географиялық атластағы жартышарлар картасынан мына төмендегілердің:

а) Мемлекет астанасы – Ташкенттің;

ә) Өзбекстанның Үргеніш, Бұхара, Терміз, Самарқант, Эндижан қалаларының географиялық координаталарын анықта.

4. Төмендегі атаулық масштабтарды сандық масштабтарға айналдыры:

1) 1 см-де 5 км;

2) 1 см-де 20 км;

3) 1 см-де 50 км.

Барлық жауаптарды «Географиядан практикалық жұмыс дәптерінে» жазып қой.

## ЖЕРДІҢ ТАС ҚАБЫҒЫ – ЛИТОСФЕРА

### § 13. ЖЕРДІҢ ҚАБЫҚТЫ ҚҰРЫЛЫСЫ



**Ж**ер Күн жүйесіндегі басқа ғаламшарлар сияқты қабықтардан құралған. Жерді ғарыштан қараған ғарышкөр нелерді көреді? Ол Жердің барлық жағы ауамен қоршалғанын және ауа қабығында бұлттардың қалқып жүргенін көреді. Бұл Жердің ауа қабығы — **атмосфера**. Жер полюстері төнірегін өте үлкен ақ дақтар — мұз және қар қабаттары, сондай-ақ аса үлкен қолемді су алабы — мұхиттар мен теңіздер алып жатқаны көзге түседі. Бұлар Жердің су қабығы — **гидросфера** деп аталады.

Құрлықта ормандар, шөлдер, егістік алқаптары, бау-бақшалар, қалалар мен ауылдар жайғасқан. Ормандар, егістіктер, қалалар мен ауылдар, шөлдер мен шөлейттер және мұхиттар астында қатты тау жыныстары жатады. Бұлар **Жер қыртысын** түзеді. Жер қыртысы — ең қатты қабық. Жerde тіршілік ететін микроскоптық бактериялардан бастап адамға дейінгі түрлі ағзалар Жердің айрықша қабығы — **биосфераға** жатады.

Жердің сыртқы қабықтары айтарлықтай жақсы зерттелген. Бірақ оның ішкі бөлігі жөнінде өте аз білеміз. Жердің ішкі бөлігін тікелей көріп, яғни оның ішіне кіріп зерттей алмайсын. Жердің ішкі бөлігі жанартаулар атқылағанда шыққан заттарды (лаваларды) зерттеу арқылы, жер сілкіну толқындарының таралу ерекшеліктеріне қарағанда, Жердің орталық бөлігінде **ядро** (жер ядроны) бар. Оның диаметрі 7000 км шамасында (29-сурет). Ядроны **мантия** деп аталағын қабық қоршап жатады. Оның қалындығы 2900 км-ге тең. Ал мантияны Жер қыртысы орап тұрады. Ол — Жер қабықтарының ең қаттысы, қалындығы мұхиттардың астында 5 км-ден астам, ал биік таулардың астында 80 км-ге дейін барады.

Фалымдардың айтуынша, мантия магнийден, темірден және қорғасыннан тұрады. Ал ондағы температура +2000° С және одан да жоғары болуы керек. Фалымдар Жердің ішіне тереңдеген сайын температура әрбір 1000 м-де 33°С-қа көтерілетінін анықтаған. Демек, 50 км тереңдікте температура 1500°С-қа дейін барады.



## 29-сурет. Жердің ішкі құрылышы.

— *Фалымдардың болжасы бойынша:*  
Жер қыртысының қалыңдығы  
орташа — 40 км;  
Жер мантиясы — 2900 км;  
Ядроның сыртқы бөлігі — 2080 км;  
Ядроның ішкі бөлігі — 1280 км;,  
Ядроның температурасы — 4000° С  
екен.



Мантияның төменгі бөліктерінде және ядрода температура одан да жоғары болады. Мұндай жоғары температурада тау жыныстары еріген, яғни сұйық қүйде болуға тиіс еді. Бірақ олай емес. Себебі ол терендікте қысым өте үлкен. Мысалы, 100 км терендікте қысым Жер бетіндегі қарағанда 13 есе үлкен, яғни 1 см<sup>2</sup> бетке 13 тонна күшпен басады. Сондықтан мантия мен ядрода тау жыныстары қатты қүйде деген болжам бар.

**Жер ядросы** жөнінде мәліметтеріміз өте аз. Тек оның радиусы 3500 км және температурасы 4000° төнірегінде екендігін білеміз. Жердің ішкі құрылышын зерттеу адамға тіршілік үшін қажетті көптеген сұрақтарға жауап табуына көмек береді. Бұл сұрақтар төмендегідей: пайдалы қазбалар жеткілікті ме, оларды қай жерлерден барлау керек? Неге Жер сілкінеді, оны алдын-ала болжауға бола ма? Құрлықтар жылжи ма? Неге жанартай атқылайды? Осы сияқты сұрақтарға жауап табудың маңызы орасан зор.



### Тірек сөздер және ұғымдар

Атмосфера  
Гидросфера

Биосфера  
Литосфера

Ядро  
Мантия

Жер қыртысы



1. Жерді гарыштан бақылаған адам нелерді көреді?
2. Жердің ішкі бөлігінде қандай қабықтар бар?
3. Жердің ішкі бөліктері қалай зерттеледі?
4. Жердің ішіне кірген сайын температура қалай өзгереді?



1. Жер қабықтарын дәптерлерінде шенбер пішінінде масштабпен сыз және атауларын жазып кой.
2. Сызбадағы Жер ядросын сары түске, мантияны қызыл түске және Жер қыртысын қара түске боя.


## § 14.

## ЛИТОСФЕРА


**Литосфера** — Жердің қатты қабығы, яғни қабаты. Грекше «литос» — тас, «сфера» — шар, яғни тас қабық деген мағынаны білдіреді. Литосфераға Жер қыртысы мен мантияның жоғарғы бөлігі кіреді.

Жер қыртысы үш қабат тау жыныстарынан тұрады (30-сурет). Бірінші қабатта негізінен **шөгінді жыныстар** болады. Олар құрлықтың бетінде су, жел, мұздық т. б. сыртқы құштердің әсерімен жыныстардың үгілуінен және суда шөгуінен пайда болады. Олар саз, әктас, құм, құмтас және бор жыныстары түрінде қабат-қабат болып жатады. Бұл қабаттар Жердің өткен замандардағы табиғаты жазылған кітаптарға ұқсайды. Ол қабаттарды геологтар зерттеп, миллиондаған жылдар бұрын Жердің табиғаты қандай болғандығын біліп алады. Егер бір кесек борды немесе әктасты микроскоппен қарасақ, онда ұсақ теңіз жануарларының бақалшақтары мен сүйектері бар екендігі көрінеді. Олар — миллиондаған жылдар ілгері суда тіршілік еткен ежелгі өсімдіктер мен жануарлардың қалдықтары (31-сурет). Тасқомір мен мұнай да осындай қалдықтардан пайда болған.

Екінші қабат граниттен тұрады. Гранит — магмалық тау жы-



30-сурет. Жер қыртысының құрылышы.



**31-сурет.** Жер бетінде ежелгі замандарда тіршілік еткен жануарлар мен өсімдіктердің қалдығы сақталып қалған шөгінді тау жыныстары.

нысы. Ол Жер қабаттары арасына магманың кіріп, суып қатуынан пайда болады. Магма – балқыған отты қоймалжың зат. Ол суыған соң гранитке айналады. Гранит қабатының астында базальт қабаты жатады. Базальт жер қыртысының терең қабатынан шығып келген. Ол граниттен ауыр, құрамында темір, магний және кальций бар. Гранит пен базальт – **магмалық тау жыныстары**.

Жер қыртысы құрлықтарда және мұхиттардың астында бірдей емес. Құрлықтарда Жер қыртысы жоғарыда айтылғандай үш қабаттан, ал мұхиттардың астында екі қабаттан, яғни тек шөгінді жыныс қабаттары мен базальттан тұрады.

Жердің қатты қабығы бүтін емес, ол жеке-жеке ірі бөлік-



**32-сурет.** Литосфералық плиталар, олардың орын ауыстыру бағыты мен жылдамдығы, см/жыл.

терден — **плиталардан** құралған. Бұл бөліктерді бір-бірінен терең жарықтар ажыратып тұрады (42-беттегі 32-сурет). Литосфера плиталары мантияның сұйық жыныстарының қабығы бетінде жанжаққа баяу жылжып орын ауыстырады. Бір-біріне қарама-карсы бағытта жылжитын **плиталар** соқтығысқан жерлерде Жер қыртысы бүктеліп, доға тәріздес аралдар, таулар және мұхит жағасындағы ойпаттар пайда болады. Бұларға Анд таулары, Жапон аралдары мен Мариана шұңғымасын мысал ретінде көрсетуге болады (оларды картадан тап).

Литосфера плиталары бір-бірінен ажыралып немесе соқтығып жатқан жерлерінде олар өте қозғалғыш болады. Сондықтан жиі-жійі Жер сілкініп тұрады. Көптеген сөнбеген жанартаулар сол жерлерде орналасқан. Бұндай жерлерде мындаған км-ге созылған **сейсмикалық** (грекше «сейссос» — *тербелу*) белдеулер (зоналар) пайда болады (33-сурет).

Енді «Литосфера плиталарының қозғалысы» мен «Жер сілкіну және жанартаулардың негізгі белдеулері (зоналары)» карталарын салыстырып көрейік (32, 33-суреттер). Сонда ең көп жанартаулар және жер сілкінетін тұстар литосфера плиталары түйіскен жерлерге тұра келетінін біліп аласың. Бұлардың ең ірілері: Тынық мұхит «отты» дөғасы, Альпі-Гималай сейсмикалық белдеуі (зонасы).



**33-сурет.** Жер сілкіну және жанартаулардың негізгі белдеулері (зоналары).



### Тірек сөздер және ұғымдар

Литосфера

Литосфера плиталары шекаrasы

Гранит

Шөгінді жыныстар

Сейсмикалық белдеулер

Базальт

Микроскоп

Литосфера плиталары

Жер жарықтары



1. Литосфера деген не? Оларға нелер жатады?
2. Жер қыртысы қандай бөліктерден құралған?
3. Жердің өткен замандардағы табиғаты қандай болғанын фалымдар нелерге қарап білген?
4. Материк Жер қыртысының мұхит Жер қыртысынан қандай айырмашылығы бар?
5. Литосфералық плиталар деген не?



1. Картадан Тынық мұхит «отты» доғасы мен Альпі-Гималай сейсмикалық белдеуін (зонасын) тап.
2. Жер қыртысы қабаттарын жаттап ал.

## § 15. ЖЕР ҚЫРТЫСЫНЫҢ ҚОЗҒАЛУЫ

**М**антиядығы қозғалыстардың әсерінен Жер қыртысының кейбір жерлері біртіндеп шөксе, басқа бір бөліктері көтеріледі. Терен шөккен аймақтарға су толып, мұхиттар мен теңіздер, ал көтерілген жерлерден құрлықтар, аралдар және түбектер пайда болған. Бірақ уақыт өтісімен мұхиттар мен теңіздердің асты көтеріліп, құрлыққа айналуы, керісінше құрлықтар шөгіп, оның орнын су басып, теңізге айналуы мүмкін. Бірақ мұндай өзгерістер миллиондаған жылдар ішінде пайда болады. Біздің еліміз – Өзбекстан аумағын осыдан 30 млн. жыл бұрын теңіз алып жатқан. Біз бұларды тау жыныстарының арасынан табылған, теңізде тіршілік еткен жануарлардың қалдықтарын – бақалшақтарды және сүйектерді зерттеу арқылы білеміз.

Жер қыртысының горизонталь қозғалуының нәтижесінде жер қабаттары бүтіліп, қатпарлы таулар, аңғарлар, терен мұхит шұнғымалары пайда болады. Жер қыртысында жарықтар жүзеге келеді. Мысалы, Фергана аңғары, Тянь-Шань таулары осылай пайда болған (34-сурет).

Жер бетіндегі барлық ой-қырлар – таулар, ойпаттар, аңғарлар, сайлар, қыраттар және т.б. жер *бедері (рельеф)* деп аталады.



**34-сурет.** Тау жыныстарының қатпарлануы және өркештердің пайда болуы.

### Қатпарлы таулар


### Өркешті таулар

### Қатпарлы-өркешті таулар

Жер қыртысының бір жерінде жарық пайда болса, сол аймақтың астында қысым төмендей, тереңдегі балқыған заттар қоймалжың жыныстарға айналады. Оны **магма** деп атайды. Магма жер жарықтары арқылы жоғары қарай зор қысыммен атқылап, жер бетіне ағып шығады. Жер бетіне атқылап шыққан балқыған қоймалжың заттар **лава** деп аталағы. Лава баяу суып, төбелер мен тауларды түзеді. Бұндай төбелер мен таулар **жанартау** (вулкан) деп аталағы. Жанартаулар атқылаған кезде Жер астынан гүіл естіледі, кейде жер сілкінісі болады. Жанартаудың көмейінен ыстық газ, бу, құл, тас т.б. тау жыныстары атылып шығады (35-сурет).

Жанартаулар ұдайы атқылап тұратын өлкелерде және Жер қыртысында жарықтар бар жерлерде ыстық бұлактар да кездеседі. Олар—әлі салқындан үлгірмеген лавалардың арасынан және терең жер қойнауының жарықтарынан шығып тұратын ыстық су. Кейбір ыстық бұлактар мезгіл-мезгіл бұрқаққа (фонтан) ұқсан су мен буды атқылап тұрады. Бұрқақ атқылайтын мұндай бұлактарды **гейзерлер** деп атайды.

Жер қыртысы плиталарының қақтығысуы, қатпарлануы, жарық пен опрық пайда болуы нәтижесінде табиғаттағы ең қорқынышты құбылыстардың бірі—жер сілкіну болып тұрады. Өзбек-



**35-сурет.** Жанартаудың атқылауы.


станның да үлкен бөлігі, өсіресе оңтүстік таулы және тау алды бөліктері жер сілкінетін сейсмикалық белдеуге (зонаға) жатады.

Жер сілкіну Жер қыртысының терең бөлігінде — тау жыныстары қабаттарында кенеттен пайда болатын жарылу, жылжу және опырылу нәтижесінде пайда болады. Жер сілкіну басталатын бұл аймақты **жер сілкіну ошағы — гипоцентр** деп атайды. Мұндай ошақтың үстіне орналасқан жер бетіндегі **нүкте — жер сілкіну орталығы — эпицентр** деп аталаады. Жер сілкіну орталығында аса үлкен апат болады (36-сурет).

Жер сілкінісінің қозғалысын өте сезімтал келетін сейсмограф құралдары автоматты түрде тіркеп отырады (грекше «сейсмо» — «жер сілкіну», «графо» — «жазамын»). Сейсмограммаларды (жер сілкінуді жазып алған қағаз) талдайтын ғалымдар жер қашан сілкінгенін, жер сілкіну ошағы қанша тереңдікте екенін, жер сілкіну орталығында қандай күшпен сілкінгенін анықтайды.

Ғалымдар жер сілкіну күшін оның ғимараттарға және жер бедеріне тигізетін әсеріне қарай 12 баллдық шкаlamен өлшейді. Мысалы, 1-2 баллдық әлсіз жер сілкінуді адам сезбейді, оларда аспаптар ғана дірілдейді: 3, 4 және 5 баллдық жер сілкіну біраз сезінерлік болғанымен, ғимараттарға зиян келтірмейді. 6—7 баллдық жер сілкінгенде үй қабырғаларында жарықтар пайда болады,

### 36-сурет. Жер сілкінү ошағы мен эпицентрі.



— Ең алғашқы сейсмографты негізінен қытай астрономы Чжан Хен ойлат шығарған. Бұл сейсмографтың көмегімен 600 км-ге дейінгі қашықтықтағы Жер сілкіністері де тіркелген. Қазіргі заман сейсмографын орыс Фалымы В.В. Голицин ойлат манқан.



8 баллда қабырғалар жарылып, кейбір үйлер бұзылуы мүмкін. Ал 9 баллда үйлердің қабырғалары, төбесі опырылып құлайды. 10 баллдық жер сілкінісі кезінде көптеген гимараттар қираиды, жер бетінде ені 1 м-ге дейін жарықтар пайда болады. 11 және 12 баллда Жер беті өте үлкен мөлшерде өзгеріске ұшырайды. Онда жер бетінде тік тұрганның бәрі дерлік қираиды. Мұндай жер сілкіну сирек болады, ондайды апатты жер сілкіну деп атайды.

Қазіргі кезде фалымдар жер сілкінудің болатын уақытын алдын-ала болжау жолындағы ғылыми ізденистер жүргізуде.

#### Тірек сөздер және ұғымдар



**Жанартау**  
Магма

**Лава**  
Сейсмограф

**Сейсмограмма**  
Гейзер

**Гипоцентр**  
Эпицентр



1. Жер қыртысында қандай қозғалыстар болады?
2. 1966 жылы 26 сәуірде Ташкент қаласында күшті жер сілкінген, гимараттардың қабырғасы жарылып кеткен, кейбір қабырғалар құлаған. Сенінше, бұл жер сілкінудің күші неше балл болған?



1. Жарты шарлар табиғи картасынан 40°с.е. және 15°ш.б.-та орналасқан жанартауды тауып, атын айт.
2. Жер қыртысының қандай бөліктерінде жер жиі сілкінеді және жанартаулар атқылайды? Дөптеріне жазып кой.
3. Жанартау атқылағанда не болатынын айтып бер.

## § 16. ЖЕР БЕДЕРІНІҢ НЕГІЗГІ ПІШІНДЕРІ

Глобусқа немесе Дүние жүзінің табиғи картасына назар салсан, Жер бедері ойлы-қырлы екендігін көресің. Кейбір жерлер кең жазықтардан тұрады, ал басқа жерлерде таулы өлкелер мындаған шақырымға созылып жатады. Мұхиттардың түбі де құрлықтарға ұқсаған, өте ойлы-қырлы. Жер бетінің мұндай ойлы-қырлы болуына Жердің **ішкі күштері** негізгі себепші болған. Бұл күштердің әсерінен жер бетінің кейбір жерлері көтеріледі, ал басқа жерлер шөгеді, Жер қыртысы жарылып, лавалар ағып шығады, жанартаулар пайда болады.

Жердің бедері **сыртқы күштердің** әсерінен де өзгереді. Сыртқы күштер су, мұздық, Күн сөулесі және ағзалардан тұрады. Су тау жыныстарын бұзып, ағызып алып кетеді де, ойпаң жерлерді толтырып, аңғарлар, шатқалдар және жазықтар құрайды. Жел майда жыныстарды ұшырғанымен, ұзак уақыттың ішінде өте көп мөлшерде құмды үйіп тастайды. Күндіз тау жыныстары Күн сөулесінен қатты қызады, ал түнде қатты суиды. Соның нәтижесінде олардың көлемі бірде ұлкейіп, бірде кішірейіп, жарылады да, үгіліп кетеді. Жалпы алғанда, сыртқы күштер тауларды мұжіп, ойыстарды толтырады, яғни Жер бетіндегі ойлы-қырлы жерлерді тегістейді. Сөйтіп, ішкі күштер мен сыртқы күштер бір-біріне қа-



**37-сурет.** Жер шарындағы материктер мен мұхиттар.

рама-қарсы жұмыс істейді. Яғни ішкі күштердің өсерінен таулар мен ойпаттар пайда болса, сыртқы күштер оларды мұжіп, бұзып, тегістейді. Құрлықтар (материктер) мен мұхиттар Жер бедерінің ең ірі пішіндері болып табылады.

**Құрлықтар** (материктер) — Жер қыртысының көтеріліп қалған ең ірі бөліктегі. Құрлықтардың үлкен бөлігі мұхит сұларының деңгейінен анағұрлым жоғары көтеріліп тұрады. Жер шарында 6 құрлық (материк) бар. Олар: Еуразия, Африка, Солтүстік Америка, Оңтүстік Америка, Австралия және Антарктида (48-беттегі 37-сурет).

**Аралдар мен жартыаралдар (түбектер).** Мұхит пен теңізде судан жоғары көтеріліп және жан-жағын су қоршап тұрган кішігірім құрлықтар **аралдар** деп аталады. Олар үлкен немесе шағын болады. Гренландия, Мадагаскар, Жаңа Гвинея, Калимантан ең үлкен аралдарға жатады. Егер аралдардың бір жағы үлкен құрлықтармен тұтасып жатса, олар **жартыарал (стүбек)** деп аталады. Арабстан, Үндістан, Скандинавия жартыаралдары ең үлкен түбектер болып саналады (бұларды жартышарлар табиғи картасынан табындар).


**Дүниежүзілік мұхит** — құрлықтарды қоршап жатқан және бір-біріне жалғасып кеткен өте ірі су айдыны. Дүниежүзілік мұхит төрт бөліктен тұрады. Олар: Тынық мұхит, Атлант мұхиты, Үнді мұхиты және Солтүстік Мұзды мұхит. Дүниежүзілік мұхит Жер бетінің 71 пайызын (%), ал құрлық 29%-ын алғып жатыр.

**Таулар мен ойпаттар** — құрлық бедерінің негізгі пішіндері. Таулар Жердің ішкі күштерінің өсерінен, ал жазықтар таулардың мұжілуінен және үгілген жыныстардың ойықтарды толтыруынан пайда болады.

**Ойпаттар** — беті тегіс немесе белесті болып келген алқап. Құрлықтағы ең үлкен ойпаттарға Тұран, Амазонка, Батыс Сібір және Шығыс Еуропа ойпаттары жатады (бұларды картадан тап).

Жер бетінің теңіз деңгейінен 500 м-ден астам биік жерлері **таулар** деп аталады. Дүние жүзіндегі ең биік нүктө — Гималай тауларындағы Джомолунгма шыны, биіктігі 8 848 м. Бұл шыңға Өзбекстаннан бірінші болып, 1998 жылы 22 мамырда Рустам Ражабов шықты.

Жер бетіндегі таулар мен жазықтардың биіктігі әр түрлі болады. Егер жазықтардың теңіз деңгейінен биіктігі 200 м-ден аспаса, олар **ойпаттар** деп аталады. Жазықтардың биіктігі 200 м-ден 500 м-ге дейін болса, олар **қыраттар** деп аталады. Кейбір жазықтардың биіктігі теңіз деңгейінен есептегендеге 500 м-ден де асады.



**38-сурет.** Жазықтардың биіктіктеріне қарай әр түрлі аталуы.

Бұндай биік жазықтар **таулы үстірттер** деп аталады. Бұларға Орта Сібір және Бразилия таулы үстірттері мысал болады (картадан тап). 38-суретте әр түрлі биіктіктерінде жазықтар көрсетілген.

Таулар да биіктіктеріне қарай аласа, орташа және биік болып бөлінеді. Егер таулардың биіктігі 500 м-ден 1000 м-ге дейін болса – **аласа таулар**, 1000 м-ден 2000 м-ге дейін болса – **ортаса таулар**, 2000 метрден 3000 м-ге дейін болса – **ортаса биік таулар**, ал биіктігі 3000 м-ден асатын болса – **биік таулар** деп аталады.

### Тірек сөздер және ұғымдар



Ішкі күштер

Сыртқы күштер

Кұрлықтар

Аралдар

Тұбектер

Дүниежүзілік мұхит

Ойпаттар

Жазықтар

Таулар

Қыраттар

Таулы үстірттер



1. Жазықтар биіктіктеріне қарай қандай түрлерге бөлінеді?
2. Таулар биіктіктеріне қарай қандай тауларға бөлінеді?
3. Таулар қандай күштердің әсерінен пайда болады?
4. Жазықтар нелердің нәтижесінде қалыптасады?



1. Жазусыз картага құрлықтардың (материктер) және олардағы ең биік таулар мен ең үлкен жазықтардың атын жаз.
2. Дәптеріңе мемлекетіміздегі ең биік таулар мен ең үлкен жазықтардың аттарын жазып қой.

## § 17. ЖЕР ҚЫРТЫСЫНЫҢ БАЙЛЫҚТАРЫ

Әр жылы Жер қойнауынан жүздеген миллион тонна мұнай, газ, қемір, шымтезек (торф), темір, мыс, алюминий және тағы басқа металл рудалары, тұздар қазып алынады. Олардан әр түрлі машиналар, ұшақтар, кемелер, фарыш аппараттары жасалады. Барша тау

жыныстары минералдық байлық болып саналады. Минералды пайдалы қазбалар үш топка бөлінеді: отындық, рудалы және руда емес.

**Жердің отындық пайдалы қазбалары.** Отындық пайдалы қазбаларға негізінен шымтезек, көмір, мұнай және газ жатады. **Шымтезек** батпақтарда өсімдік қалдықтарынан пайда болады. Қазіргі кезде шымтезек аз қолданылады. Оның орнына көмір, мұнай және газ жағады.

**Көмір** де өсімдіктерден пайда болады. Егер көмірдің кесегін сындырып, мұқият қарасан, онда ежелгі өсімдіктер жапырақтарының іздерін көресің. Көмір **тас көмір** және **қоңыр көмір** деп аталатын екі түрге бөлінеді. Тас көмір қатты және жылтырап тұрады. Ол жылуды өте көп береді. Қоңыр көмір мұлде жылтырамайды, солғын қоңыр түсті, жылуды аз береді. Өзбекстандағы Ахангаран кенінің көмірі қоңыр көмір болып есептеледі.

Республикамызда жана мұнай, газ және алтын кен орындарының табылып, өндірілуі тәуелсіздігіміздің одан әрі нығаюына қызмет етуде. Мұнай мен газ кендері шөгінді жыныстар арасында жатады. Олар көбінесе бірге кездеседі. Мұнай мен газ Антарктида-дан басқа барлық құрлықтарда өндіріледі. Мұнай мен газға теңіз қайрандары өте бай болады.



**39-сурет.** Теңіз қайраңынан мұнай мен газ қазып алынатын кен орындары.

**Рудалы минералды байлықтарға** темір кендері мен тұсті металл кендері жатады. Өндөлген кендерден (рудалардан) темір, мыс, алюминий, қорғасын және мырыш бөліп алынаады.

Қымбат бағалы алтын мен күміс тұсті металдарға жатады. Дерлік барлық кен Жердің қызып жатқан терең бөлігінде пайда болады (39-сурет).

**Руда емес пайдалы қазбалар** да Жер қойнауында көп кездеседі. Олар қабат-қабат болып жатады. Кейде мұндай пайдалы қазбалар қабаттарының қалындығы ондаған метрге жетеді.

Пайдалы қазбалардың ішіндегі ең көп тарағаны — *ас тұзы*. Оны тазалап, ұнтақтап тамаққа пайдаланады. Кенге жатпайтын пайдалы қазбалардан қымбат бағалы және қажетті минералды тыңайтқыштар да алынаады. **Калийлі, фосфорлы және азотты** минералды тыңайтқыш өндіру маңызды орында түрады. Көптеген тау жыныстары құрылыш материалдары ретінде пайдаланылады.

Минералды пайдалы қазбалар карталарда әр түрлі белгілермен белгіленеді (Өзбекстан Республикасы табиғи картасының шартты белгілерін қара). Республикамызда жана мұнай, газ және алтын кендерінің табылуы және өндіріске енгізілуі елдің гүлденіп-кемелденүіне қызмет етіп жатыр (40-сурет).



**40-сурет.** Өзбекстан алтыны.



### Тірек сөздер және ұғымдар

**Тұсті металдар**

**Рудалы пайдалы қазбалар**

**Руда емес пайдалы қазбалар**

**Отындық пайдалы қазбалар**

**Минералды тыңайтқыштар**



1. Жердің минералды пайдалы қазбаларын қандай топтарға бөлуге болады?
2. Өзбекстанда отындық пайдалы қазбалардың қандай кен орындары бар?



1. Дәптеріңе тас көмір, қоңыр көмір, мұнай, газ, мыс, алтын және ас тұзы кен орындарының шартты белгілерін сзызып ал.
2. Өзбекстанның табиғи картасынан жоғарыда атап өтілген кен орындарының қай облыстарда орналасқанын тап.

## ЖЕРДІҢ СУ ҚАБЫҒЫ – ГИДРОСФЕРА

### §18. ГИДРОСФЕРАНЫҢ ҚҰРАМДАС БӨЛІКТЕРИ



**Ж**ердің су қабығы **гидросфера** деп аталады (грекше «гидро»—«су», «сфера»—«шар» деген сөз). Гидросферада су үш түрлі: сұйық, қатты және бу күйінде кездеседі. Гидросфера негізінен екі бөліктен тұрады (төмендегі кестеге қара).

Гидросфераның бөліктері	Су мөлшерінің арақатысы, % есебімен	Су мөлшері млн. км <sup>3</sup>
Дүниежүзілік мұхит	96,5	1340
Құрлықтағы су	3,5	47,5

Гидросферадағы судың негізгі бөлігі мұхиттар мен теніздерде жиналған (96,5%). Бірақ бұл су өте тұзды болғандықтан оны ішуге де, егістікті суару үшін де қолдануға болмайды.

Құрлықтағы судың негізгі бөлігі суық аймақтардағы мұздықтарда жиналған. Мұздықтардағы су тұшы, таза, бірақ адамдар тұратын жерден өте алыс болғандықтан, оларды қолдану қын. Бірақ ыстық аймақтардың биік тауларындағы мұздықтар жазда өзендерге су беріп тұрады. Жер асты суының мөлшері шамамен мұздықтар суының мөлшеріндегі болғанымен, олардың сапасы әр түрлі болады. Тұзды су да көп.

Жер бетіндегі суды өзендер мен көлдер құрайды. Оларда жиналған су аз. Бірақ су айналымы бар болғандықтан, адам тіршілігіне пайдалануға өте қолайлышты. Жер үсті сулары Жер бетінде әр түрлі бөлінген. Ауадағы су буы – Жер бетіне жауатын жауын-шашының қайнар көзі.

Дүние жүзінде су үздіксіз айналымда болады. Күн сөулесі қызыларының Дүниежүзілік мұхиттың бетінен су үздіксіз булаңып отырады. Бұлардың бір бөлігі мұхиттарға жаңбыр болып жауады. Ал бір бөлігін жел құрлыққа қарай ұшырып әкетеді де, сол жерлерде жауын-шашын болып, жерге түседі. Бұл су өзендермен ағып келіп, мұхиттарға құяды. Судың мұхиттардан аяа арқылы құрлықтарға және құрлықтардан қайта мұхиттарға қосылатын үздіксіз қозғалысын **дүниежүзілік су айналымы** деп атайды. Дүниежүзілік су айналымының маңызы өте зор. Құрлықтарда жауын-шашын болмаса

не болар еді? Құрлықтағы барлық су буланып, өсімдіктер қурап, жануарлар қырылып, жер шөлге айналар еді.

### Тірек сөздер және ұғымдар



**Гидросфера**  
Аудағы су

**Жер үсті суы**  
Жер асты суы

**Дүниежүзілік мұхит**  
Су айналымы

**Сұрақ**

1. Жер бетіндегі кездесетін судың қандай құйлерін білесін?
2. Дүниежүзілік су айналымы туралы айтып бер.



1. Гидросфераның негізгі бөліктерінің кестесін қарап шық.
2. Дүние жүзі жазусыз картасына мұхиттар мен құрлықтардың аттарын жазып қой.

## § 19. ДҮНИЕЖҮЗІЛІК МҰХИТ

**Дүниежүзілік мұхит** төрт бөліктен: Тынық, Атлант, Үнді және Солтүстік Мұзды мұхиттардан тұрады. Олардың барлығы бірігіп **Дүниежүзілік мұхитты** құрайды.

**Тынық мұхит** – ең үлкен және ең терен мұхит. Көлемі жағынан барлық құрлықтың көлемінен үлкен — 180 млн км<sup>2</sup>. Ең терен жері Мариана шұнғымасы — 11022 м.

**Атлант мұхиты** үлкендігі жағынан екінші орында тұрады. Көлемі 91 млн км<sup>2</sup>. Ең терен жері Пуэрто-Рико шұнғымасы — 8742 м.


**Үнді мұхиты** көлемі жағынан үшінші орында тұрады. Оның көлемі 76 млн км<sup>2</sup>. Ең терен жері Зонд шұнғымасы — 7729 м.

**Солтүстік Мұзды мұхит** басқа мұхиттардың бәрінен айтарлықтай кіші. Көлемі 14 млн км<sup>2</sup>. Ең терен жері — 5527 м. Бұл мұхит Солтүстік полюс төңірегінде орналасқандықтан, ең суық мұхит болып саналады. Оның көпшілік бөлігін жыл бойы мұз басып жатады.

**Теніздер, шығанақтар, бұғаздар.** Теніздер — мұхиттардың кіші бөліктері, оларды түбектер, аралдар және су астындағы жоталар бөліп тұрады. Құрлықтың шетіне орналасқан теніздерді **шеткі теңіздер** деп атайды. Мысалы, Үнді мұхитындағы Арабия теңіzi, Тынық мұхиттағы Беринг теңіzi шеткі теңіздерге жатады. Құрлықтарға ішкөрілей еніп жататын теніздерді **ішкі теңіздер** деп атайды. Бұндай теніздер мұхиттармен бұғаздар арқылы, яғни тар су жолдары арқылы тұтасады. Оларға Жерорта теңіzi, Қызыл теңіz



**41-сурет.** Мұхит түбінің жер бедері.



a)



b)

**42-сурет.** a) тереңдікті эхолоттың көмегімен олшеу; б) мұхиттар мен теңіздердің тереңдік шкаласы.

және Қара теңіз жатады. Мұхиттарда, теңіздерде және көлдерде **шығанақтар** да болады. Шығанақ деп мұхиттардың, теңіздердің және көлдердің құрлыққа терендеп еніп жатқан шағын және саяз бөліктерін айтады. Үнді мұхитында Бенгал және Парсы шығанақтары, ал Атлант мұхитында Бискай шығанағы бар. Мұхиттарды, теңіздерді, көлдер мен өзендердің екі үлкен бөлігін тұтастырып тұратын тар су жолы **бұғаз** деген аталады. Мәселең, Гибралтар бұғазы, Атлант мұхитын Жерорта теңізімен тұтастырады.

**Мұхит түбінің жер бедері.** Мұхиттардың жер бедері құрлықтардың беті сияқты ойлы-қырлы болады. Мұхиттардың материктерге қосылған шеткі бөліктерінде құрлықтың су астындағы жалғасы — **материктік қайран**, яғни **шельф** орналасқан. Оның терендігі 200 м-ден аспайды, ал ені түрліше болады. Материктік қайран пайдалы қазбаларға, әсіресе мұнай мен газға бай болады.

Материктік қайраның мұхит түбіне ауысатын бөлігін **материктік беткей** дейді. Ол 200 м-ден 2 500 м-ге дейінгі терендікте жатады. Одан ары біртіндеп **мұхит түбіне** ауысады. Мұхит түбінде кең жазықтар да, таулар да, өте терен шұңғымалар да бар. Су астындағы тау жоталары мындаған шақырымға созылған (41-сурет).

Теңіздер мен мұхиттардың терендігі **эхолот** деп аталатын құралмен өлшенеді (42-сурет, a. [www.eholot-expert.ru](http://www.eholot-expert.ru)). Теңіздер мен мұхиттар карталарда көгілдір түспен көрсетіледі. Олар қанша-лықты терең болса, көгілдір түс соншалықты қою түспен беріледі. Терендік шкаласында неше метр екендігі көрсетіледі (42-сурет, б).



### Тірек сөздер және ұғымдар

**Материктік қайран**  
**Материктік беткей**  
**Шельф**

**Эхолот**  
**Ішкі теңіз**  
**Шеткі теңіз**

**Шығанақ**  
**Мұхит түбі**  
**Бұғаз**



1. Дүниежүзілік мұхит қайсы мұхиттардан құралады?
2. Еуразиядағы шеткі және ішкі теңіздердің атын айт.
3. Материктік қайран деп мұхиттардың қайсы бөліктерін айтады?
4. Шығанақ деген не? Мысал келтір.



1. Екі материк аралығында орналасқан мұхиттың атын айт және картадан көрсөт.
2. Төрт мұхит қоршап тұрған құрлықты айт және картадан көрсөт.

## § 20. МҰХИТ СУЫНЫҢ ҚАСИЕТТЕРИ

**Судың температурасы.** Теңіздер мен мұхиттардың үстінгі бөлігіндегі судың температурасы климатқа байланысты. Үстық климатты аймақтарда  $+25^{\circ}$ ,  $+30^{\circ}\text{C}$ , ал полярлық аймақтарда су температурасы  $-1$ ,  $-1,5^{\circ}\text{C}$ -қа дейін төмендейді. Бірақ судың тұздылығы неғұрлым жоғары болса, қату температурасы соғұрлым төмен болады. Мұхиттардың терең бөлігінде судың температурасы  $+1$ ,  $-1^{\circ}\text{C}$  төнірегінде болады.

**Жарықтық.** Күн сәулесі теңіздерде және мұхиттарда 200 метр тереңдікке дейін түседі. Ал одан тереңіректе күнгірт болады. 500 м-ден астам тереңдікте тас қаранды түнек орнайды. Сондықтан өсімдіктер 200 м-ге дейінгі тереңдікте кездеседі. Жануарлар судың терең жерлерінде өте аз ұшырайды.

**Судың тұздылығы.** Теңіздер мен мұхиттардың суы өте кермек әрі тұзды болады. Құрамында тұз көп болғандықтан, мұхит суы ішуге жарамсыз. Теңіз суының 1 литрінде орта есеппен алғанда 35 грамм тұз болады. Оның негізгі бөлігін ас тұзы құрайды.

Ішкі теңіздер суының тұздылығы мен мұхит суының орташа тұздылығында айырма бар. Үстық аймақтардағы ішкі теңіздерде су көп буланады. Сондықтан судың тұздылығы басымдау болады.


Қызыл теңіз шөлдердің ортасына орналасқан. Суының температурасы  $+30^{\circ}\text{C}$ -дан асады, судағы тұз мөлшері 1 литрде 42 грамфа

жетеді. Бірақ су аз буланатын және өзендері көп мөлшерде тұшы су әкеліп құттын теніздерде судың тұздылығы төмендеу болады. Мысалы, Қара теңіз суының 1 литрінде 17—22 грамм мөлшерінде тұз бар.

**Толқындар.** Мұхиттарда су үздіксіз қозғалыста болады. Теңіз бен мұхит жағасына барып бақыласан, толқынның жағаға соғылып қайтқанын көресің. Оны қозғалысқа келтіретін басты себептердің бірі — жел. Кейде толқындар құрлықтағы немесе су астындағы жер сілкінуден де пайда болады.

**Теніз ағыстары.** Ежелгі замандарда апатқа ұшыраған кемелердегі теңізшілер апат болған орны көрсетілген хат жазып, шөлмектерге салып, теңізге тастаған. Теңіз жағасында тұратын адамдар мұндай шөлмектерді өте көп тауып алған. Ішіндегі хаттарды алып оқығанда, Африка жағалауына таяу жерлерде тасталған шөлмектер Америка жағалауына барып қалғаны және керісінше Солтүстік Американың онтүстік жағалауларынан тасталған шөлмектер Еуропа жағалауларына таяу келгені анықталған. Неліктен олай болғандығы қазір анық болды. Мұхиттардағы су белгілі бағытта үлкен ағыс көрінісінде қозғалады екен. Мұхиттардағы судың мұндай қозғалысы *теніз ағыстары* деп аталады (43-сурет).

Ағыстар қалай пайда болады? Теңіздең ағыстардың басты се-



**43-сурет.** Дүниежүзілік мұхиттардың ең үлкен ағыстар.

бебі—тұрақты желдер. Жел суды айдап өкетіп, ағыстарды тузызды. Батыс Желдер ағысы, Пассат ағыстары осындай жолмен пайда болған. Батыс Желдер ағысы Антарктиданы қоршай орналасқан. Бұл ағыстың ұзындығы 30 мың км-ден астам.

Мұхиттардағы ағыстар келтіретін судың температурасына қарай **жылы және сұық ағыстарға** бөлінеді. Карталарда жылы ағыстар қызыл стрелкамен, ал сұық ағыстар көк стрелкамен белгіленеді (43-суретке қара).

**Дүниежүзілік мұхит байлықтары.** Мұхиттарда өсімдіктер мен жануарлардың түрлері өте көп және сан алуан. Олардан әр түрлі азық-түлік өнімдер, өнеркәсіп үшін бағалы шикізаттар алынады.

Ең кішкене өсімдік әрі жануар есептелген планктон мұхиттарда өте көп мөлшерде кездеседі. Ол теңіз жануарлары үшін құнарлы азық болып саналады. Мұхиттағы ең ірі жануар — кит те планктонмен коректенеді. Ирі киттің ұзындығы 30 м-ге, салмағы 150 тоннаға жетеді. Бұдан тыс мұхитта алуан түрлі балықтар, морждар, итбалық тіршілік етеді. Мұхиттарда пайдалы қазбалар да өте көп. Теңіз астынан мұнай мен газ өндіріледі.

Мұхит байлықтары қаншалықты көп болғанымен, оларды қорғау керек. Себебі кейбір жануарлар, мысалы, кит көп ауланғандықтан, азайып кеткен.

Мұхит сүйнің ластануынан барлық ағзалар зардап шегеді. Теңіздер мен мұхиттардың терен җерлері арнаулы қондырғы батискафтардың — үлкен терендікте жұмыс істейтін суасты сұнгуір аппаратының көмегімен зерттелген. Швейцария ғалымы Жак Пикар арнаулы «Триест» батискафымен 1960 жылы Мариана шұңғымасына 11 000 м терендікке түскен.



### Тірек сөздер және ұғымдар

Пассат ағыстары

Мұхит ағыстары

Жылы ағыс

Сұық ағыс

Батискафттар

Толқындар



1. Мұхиттарда судың температурасы қалай өзгереді?
2. Мұхиттар мен теңіздердің сүйнің тұздылығы неге байланысты?
3. Теңіздер мен мұхиттардағы толқындарға не себеп болады?



Картадан Солтүстік пассат, Гольфстрим, Батыс желдері және Перу ағыстарын тап. Бұлардың қайсысы сұық ағыс?


## § 21. ЖЕР АСТЫ СУЫ

**Жер** қыртысының үстінгі бөлігіндегі тау жыныстарының кеуектеріндегі, саңылауларындағы және жарықтарындағы су — **жер асты суы** деп аталады. Оның пайда болуы үшін екі жағдай қажет: құрлық бетіне атмосфералық жауын-шашиның (жанбыр, қар) жеткілікті мөлшерде түсіү және жер бетін құрайтын тау жыныстарының суды өткізуі. Мысалы, қыыршық тас, ірі түйіршікті құм суды жақсы өткізеді. Сондықтан қыыршық тасты, ірі түйіршікті құмды жаңа құмды **су өткізгіш жыныстар** деп атайды.

Гранит, әктас, құмтас және саз сияқты жыныстар суды өткізбейді. Сол себепті оларды **су өткізбейтін жыныстар** деп атайды. Жер қыртысының беткі бөлігіндегі тау жыныстары қабат-қабат болып жатқандықтан, жер асты суы да су қабаттарын түзеді. Кеуектері суға толған қабаттар **сұлы қабаттар** деп аталады.

Су өткізбейтін екі қабат аралығындағы сулы қабаттың суы **қабатаралық су** деп аталады. Су бұл қабатқа жер бетіне ашылатын жерден фана ене алады. Егер тау жыныстарының қабаттары тостаған тәрізді орналасса, су қысымының әсерінен **ұңғыманы** бойлай көтеріледі, кейде бұрқақ болып атқылайды. Мұндай ұңғымалар **артезиан ұңғымалар** деп аталады (44-сурет).

Жер қыртысының беткі қабатындағы су өткізетін борпылдақ тау жыныстары орналасқан сулы қабаттың суын **грунт суы** немесе **еспе су** деп атайды. Еспе судың деңгейі қыста және көктемде қар еріп, жауын-шашиң көп жауғандықтан жоғары көтерілсе, ал жазда және күздің басында төмен түседі.




44-сурет. Жер асты суы.

Артезиан ұңғыма.

- А. Еспе (грунт) су қабаты.
- Ө. Қабатаралық су қысымы бар қабат.

**45-сурет.** Еспе су (грунт сусы).  
Бұлақтың пайда болуы.



Еспе су тау жыныстарындағы кеуектер арқылы өзінен деңгейі төмен жаққа қарай баяу ағады. Олар жыраларда, өзен анғарларында жер бетіне шығып, бұлақтар (қайнар) түзеді (45-сурет).

Қазіргі кезде қыстақтарда, әсіресе шөлдерде өте көп үңғымалар (артезиан) бұрғыланған. Олардың сусы елді мекендерді, өнеркәсіп орындарын (фабрикаларды, зауыттарды) сумен жабдықтауға, су жеткіліксіз аудандарға жүмсалады.

Жер асты сұнының қоры шексіз деп ойлауга болмайды. Сондықтан оларды үнемдеп пайдалану қажет.

Дүние жүзінің кейбір жерлерінде құрамында көптеген мөлшерде еріген заттар мен газдар кездесетін жер асты сусы бар. Олар **минералды су** деп аталады. Бұндай суды емдік мақсаттарға пайдаланады. Санаторийлер мен курорттар осындағы минералды бұлақтарға таяу жерге салынады. Өзбекстанда емдік сулар көп.



### Тірек сөздер және ұғымдар

Қабатаралық су  
Минералды су  
Су өткізгіш жыныстар

Артезиан үңғымасы  
Еспе су (грунт сусы)  
Су өткізбейтін жыныстар

Бұлақтар  
Сулы қабат  
Су өткізбейтін жыныстар



1. Жер асты сусы қалай пайда болады?
2. Еспе судың қабатаралық судан айырмашылығы неде?
3. Бұлақ қалай пайда болады?
4. Минералды су деп қандай суды айтамыз?



1. Сен тұратын жердегі бұлақ қандай жыныстардың арасынан шығатынын анықта.
2. Өзбекстанда шығатын минералды судың тізімін жаса. Олардың сапасын қалай анықтауға болатынын үйрен.

## § 22. ӨЗЕНДЕР

**Өзен** деген не? Кім өзенді көрген? Сен өзің көрген өзен тұралы айтып бер. **Өзен** дегеніміз — арна деп аталатын ойпаң арқылы ағатын су ағыны. Аңғардың табанындағы өзен, су ағып жататын ойыс *арна* деп аталады. 46-суреттөн өзен анғары туралы айтып бер.

Өзендер әдетте тұрақты ағып жатады. Кейде уақытша тартылып қалатын өзендер де болады. Оларды *уақытша тартылып қалатын өзендер* деп атайды.


Әрбір өзеннің басталатын және құятын жері болады. Өзеннің ағып шығатын жері оның **бастауы** деп аталады. Сырдария және Әмудария биік таулардағы қар мен мұздықтардан басталады. Волга өзені жазық жердегі көлден басталады. Өзен жер бетінің бедеріне сәйкес ылдига қарай ағады. Негізгі өзенге жолда қосылатын өзендер оның **саласы** болып табылады.

Өзеннің басқа өзенге, көлге немесе теңізге құятын жері оның **сағасы** деп аталады (Орта Азияның табиғи картасынан Сырдарияның бастауы мен сағасын, Шыршық пен Қарадарияның салаларын тап). Негізгі өзен барлық салаларымен бірігіп **өзен жүйесін** құрайды.

**Өзен алабы және суайрық.** Топыраққа сіңіп үлгірмеген су жер бетімен өзендерге келіп қосылады. Барлық сұзы бір өзенге келіп қосылатын құрлық ауданы **өзен алабы** деп аталады (47-сурет).

Барлық өзеннің, тіпті ең кішкентай өзендердің де өз алабы болады. Амазонка өзенінің алабы — ең үлкен алап. Оның ауданы 7 млн.  $\text{km}^2$ -ты құрайды.

Көрші орналасқан өзен алаптарын бөліп тұратын шекара **суайрық** деп аталады. Тауларда ол тау жота-



**46-сурет.** Жазық өзені және оның аңғарының көлденең қимасы.

### 47-сурет. Амазонка өзенінің алабы.



— Амазонка өзені Оңтүстік Америкада орналасқан. Әлемдегі ең мол сулы өзен болып табылады. Оның ұзындығы 6400 км-ді құрайды.



лары жалын бойлап, ал жазықтарда — олардың қыратты бөліктері арқылы өтеді.

**Тау өзендері мен жазық өзендері.** Тау өзендері жазық өзендеріне қарағанда едәуір тез агады. Олардың аңғарлары тар әрі терең болады. Таулардан басталатын көптеген өзендер жазыққа шығып, жазық өзендеріне айналады. Сырдария, Әмудария және Зарафшан осындағы өзендерге мысал бола алады. Сырдария Тянь-Шань тауларынан 6000 м биіктікten басталады да, тау шатқалдары арнасымен гүрілдеп агады. Өзен жазыққа шыққан соң, кең аңғарға жайылып, баяу агады.

Өзендердің таулардан ағызып өкелген тау жыныстары жазықтыққа шөгіп, шөгінді жыныстарды түзеді. Өзендер суынан шөгінді жыныстардың іріктеліп шөгу заңдылықтарын бірінші болып Әбу Райхан Беруни анықтаған.

Биік кемерден құлап ағатын өзен **сарқырама** деп аталады. Жер шарындағы ең биік сарқырама — Оңтүстік Америкада, Ориноко өзеніндегі Анхель сарқырамасы. Оның биіктігі 1054 м. Бірақ сусы көп емес. Ең сусы мол сарқырамалардың бірі — Солтүстік Америкадағы Ниагара сарқырамасы. Бұл сарқыраманың биіктігі 51 м-ден астам. Тағы бір үлкен сарқырама — Африкадағы Виктория сарқырамасы. Онда су 120 м биіктікten құлап агады (бұл сарқырамаларды Жартышшарлар картасынан тап).

**Өзендердің суга молығуы.** Өзендер жаңбыр суынан, еріген кар және мұз суынан, жер асты суынан молығады.

Биік таулардан басталатын өзендер тау мұздықтарының еріген



сүйнан молығады. Олардың сусы жазда мол болады (Неге?) Әмудария мен Зарафшан өзендері осындай өзендерге жатады. Кейбір өзендерге жаңбыр сусы да, еріген қар сусы да, жер асты сусы да қосылады. Олар **аралас молығатын өзендер** деп аталады. Сырдария осындай өзендер қатарына жатады.

Өзендер ежелден адамдарды тұщы сумен қамтамасыз ететін негізгі қайнар көз болып келген. Мемлекетімізде суды толық пайдалану үшін өзендерге су қоймалары құрылған, каналдар мен арықтар қазылып, құргақ жерлер суландырылған.

Суды ластанудан сақтау және үнемді пайдалану – әрбір азаттың борышы. Бұны есте сақтайық.



### Тірек сөздер және ұғымдар

**Суайрық  
Қайнар көз**

**Арна  
Өзен алабы**

**Өзеннің суға молығуы  
Сарқырама**



1. Өзен деген не?
2. Өзен жүйесі, өзен алабы, суайрық деген не?
3. Өзеннің суға молығуы деп нені айтады?
4. Өзбекстандағы қандай өзендерді білесін?
5. Жер шарындағы ең сусы көп өзен қайсы?



1. Сен жақсы жабылмаған су құбырының шүмегінен тамшылап ағып тұрған суды есепте. Ағып тұрған су құбыры шүмегінің астына 1 литр су сиятын шыны банка қой және ол қанша минутта толатынын бақыла. Содан соң 1 сағатта, 1 күнде қанша су ағатынын есепте. 1 жылда қанша су босқа ағады екен?
2. Орта Азияның табиғи картасынан Сырдария мен Әмударияның кай жерден басталып, кай жерге құятынын анықта.

## § 23. КӨЛДЕР МЕН МҰЗДЫҚТАР

**Көлдер.** Құрлықта жер бетіндегі және жер астындағы су жиналатын көптеген тұйық ойпандар бар. Егер осындай ойпандарға жиналатын су белгілі уақыт ішінде буланатын судан артық болса, онда **көл** пайда болады. **Көл дегеніміз** – құрлықтағы табиғи ойпандарға жиналған су. Көлдің теңізден өзгешелігі – ол мұхитпен шектеспейді. Көлдің өзеннен айырмашылығы – оның сусы өзен сусы сияқты арнамен ақпайды.

Жер бетіндегі ең үлкен көл — Каспий көлі. Көлемі жағынан 376 мың  $\text{km}^2$  құрайды. Ең терең көл — Байкал көлі. Оның ең терең жері 1620 м. Орта Азиядағы ең үлкен көл — Аral теңізі. Қазіргі күнде Аral теңізінің суы тартылып, көлемі өте кішірейіп қалған.

Көлдер орналасқан ойпанадар **көл қазаншұңқырлары** деп аталады. Әр түрлі жолдармен пайда болғандықтан, мұндай қазаншұңқырлар да түрліше болады. Жер қыртысының козғалуы нәтижесінде түзілген қазаншұңқырларға су толуы арқылы пайда болған көлдер **текtonикалық көлдер** деп аталады. Оларға Істықкөл және Байкал көлдері жатады.


Тау өзендерінің антарларында бөгелген терең көлдер кездеседі. Олар тау опырылып, өзен антарларын бөгеп тастаған кезде пайда болады. Памирдегі Сарез көлі осындай көлдерге мысал бола аллады. Жазық жерлердегі өзендер өз бағытын өзгертетін болса, олардың ескі иірімдері шағын көлге айналады. Бұлар — **ескі арна көлдері**.

Егер көлдерден бірде-бір өзен ағып шықпаса, оларды **ағынсыз көлдер** деп атайды. Оларға Каспий және Аral көлдері жатады. Егер көлдерден өзен ағып шықса, ол **ағынды көлдер** деп аталады. Байкал көліне 300-ден астам өзен құяды, одан бір ғана — Ангара өзені ағып шығады. Байкал — ағынды көл.


Әдетте климаты ыстық белдеулердегі ағынсыз көлдердің суы тұзды болады. Себебі ағып келген су буланып кетіп, суда еріген тұздар қалады. Жер шарындағы ең тұзды көл — Арабия түбегіндегі Өлі теңіз. Оның 1 литр суында 270 г тұз бар.

Адамзат көлдерді әр түрлі мақсаттарға пайдаланады. Тұзды көлдерден тұз алынады, оның тұзды суы мен балшығы кейір ауруларды емдеуге қолданылады. Тұщы көлдердің суын адам ауызсу ретінде, мал суаруға, егін егуге және түрлі өндіріске жұмсайды.

**Мұздықтар.** Құрлықта қардың жиналып, тығыздалуынан пайда болатын көп жылдық мұздарды **мұздықтар** деп атайды. Олар өзендерді және көлдерді жауып жататын мұздан өзгеше. Мұздықтар қардан пайда болады. Суық аймақтарда және биік тауларда жауған қар еритін мөлшерінен артық түсетін болса, ол жинала келе нығыздалады да, мөлдір көгілдір мұзға айналады. Тянь-Шань және Памир тауларындағы мұздықтар 3500 м-ден астам биіктікте пайда болады (48-сурет).



**48-сурет.** Тая мұздығы.



**49-сурет.** Мұзтаулар (Айсберг) материк мұздықтарынан бөліну арқылы пайда болады.

Қар жиналышп, мұздықтар пайда болатын биіктіктің төменгі шекарасы **қар шегі** деп аталады. Қар шегі поляр аймақтарында теңіз деңгейінде жатады. Сондықтан поляр аймақтарында — Аң-

5-«География», 5-сынып

тарктида материгі мен Солтүстік Мұзды мұхиттағы аралдарды, теңіз жағалауындағы жерді де мұздықтар жауып жатады.

Тау мұздықтары көктем келісімен-ақ жайлап еріп, өзендерге су береді. Әмудария, Сырдария және Зарафшан өзендері негізгі суды сондай мұздықтардан алады.

Суық аймақтарда мұздықтар жер бетін толық жауып жатады. Антарктида материгін, Жер шарындағы ең үлкен арал — Гренландияны сондай жамылғы мұздықтар алып жатыр. Оның қалындығы 4 мың метрге жетеді.

Мұздықтар баяу жылжып, теңіздер мен мұхиттардың жағасына дейін келеді. Мұнда мұздықтар өздерінің орасан зор салмағынан жарылады да, бөлініп суға түседі және суда жүзіп жүретін алып мұз кесектері пайда болады. Бұлар **мұстау** (айсбергтер) деп аталады (голландша «айс» — «мұз», немісше «берг» — «тау») (65-беттегі 49-сурет).

Кейір мұстаулар өте үлкен болады. Антарктида жағасындағы бір мұстаудың ұзындығы 170 км, ені 45 км және қалындығы 200 м болған. Мұстаудың үлкен бөлігі су астында болады. Онымен кеменің соқтығысыу өте қауіпті.

Су — табиғаттың ұлы байлығы. Оны ысырап етпей, ластандырмай пайдаланған жөн.



### Тірек сөздер және ұғымдар

**Тектоникалық қолдер**  
**Ескі арна қолдері**  
**Ағынды қолдер**

**Мұздық**  
**Бөген қолдер**  
**Ағынсыз қолдер**

**Қар шегі**  
**Мұстау**



1. Көл деп нені айтады? Жер шарындағы ең ірі қолдер қайсы?
2. Көлдердің кандай түрлерін білесін?
3. Мұздықтар қалай пайда болады?
4. Қар шегі деген не?
5. Мұстаулар деген не? Олар қалай пайда болады?



1. Сен тұратын жерде көл бар болса, олардың қалай пайдаланылатыны туралы әңгімелеп бер.
2. Арал — теңіз бе, көл ме? Картадан оның қай жерде орналасқанын көрсет. Оған қандай өзендер құяды?

## ЖЕРДІҢ АУА ҚАБЫҒЫ – АТМОСФЕРА

### § 24. АТМОСФЕРАНЫҢ ҚҰРЫЛЫСЫ

**Атмосфераның маңызы.** Атмосфера – Жерді қоршап тұрған ауа қабаты. Грекше «атмос»—бу, «сфера»—шар мағынасын білдіреді. Атмосфера Жермен бірге қосылып айналады. Жер бетін аспан көністігінен түсестін метеориттерден, Күннің тірі жандар үшін зиянды ультракүлгін сәулелерінен сақтайды. Ауа қабығы болмаса, Жер беті күндіз  $+120^{\circ}\text{C}$ -қа дейін қызып, ал түнде  $-180^{\circ}, -200^{\circ}\text{C}$ -қа дейін суып кететін еді. Ауа қабығы Жер бетін қатты қызып, бірден суып кетуден сақтайды.

Жердің ауа қабығы негізінен екі түрлі газдан, яғни азот және оттегі қоспасынан құралған. Ауадағы газдардың 78%-ын азот, 21%-ын оттегі құрайды. Бұлардан тыс ауада көмірқышқыл газы, басқа газдар, су булары және шандар да бар.

Азот пен оттегінің қатынасы өсімдіктердің әсерімен сақталып тұрады. Бірақ автокөліктерден шығатын көмірқышқыл газы, жылу электр станцияларынан, ірі кәсіпорындардан шығатын тұтін ауаны ластайды. Сондыктan да ауаның құрамын, оның тазалығын қатаң қадағалап, ластанудың алдын алу қажет. Адамның денсаулығы атмосфераның жағдайына тығыз байланысты.

Жердің ауа қабығының жоғарғы анық шекарасы жоқ, шамамен 2000 км биіктікте деп есептеледі. Бірақ әр түрлі биіктікте ауаның құрамы, температурасы, шекарасы бірдей емес. Сондыктan атмосфера бірнеше қабаттарға бөлінеді (50-сурет).

**Тропосфера** – атмосфераның ең төменгі қабаты («тропос» – грекшеде *айналу, өзгеру*



**50-сурет.** Атмосфераның төменгі қабаттары.

дегені), орташа қалыңдығы 10—11 км, поляр аймақтарында 8—9 км, ал экваторда — 18 км-ге дейін жетеді. Ауадағы барлық су буы осы қабатта. Бұл қабатта **бұлттар** пайда болады. Жауын-шашын жауады, ауа райы өзгеріп түрады, тірі жанды заттар осы қабатта тіршілік етеді (50-сурет). Жоғарыға көтерілген сайын әр 1 000 м-де температура 6°C-қа төмендейді.

**Стратосфера** — (грекше «*стратум*» — қабат) тропосфераның үстінде жатады. Жоғары шекарасы 40—50 км биікте. Стратосфераның төменгі бөлігінде температура -45°C-тан -75°C-қа дейін төмендейді. Бірақ жоғарыға көтерілген сайын ауаның температурасы +10°C-қа дейін жоғарылады.

**Мезосфера, термосфера және экзосфера** — (грекше «*мезос*» — орта, «*термо*» — ыстық және «*экзос*» — сыртқы) атмосфераның жоғарғы қабаттары. Бұл қабаттарда ауа өте сирек және гарыштан келетін сәулелердің әсерінен электр тогын жақсы өткізетін болып қалған. Полюс шұғыласы, «жұлдыз ағу» құбылыстары осы қабаттарда пайда болады.

**Атмосфераны зерттеу.** Адамдар өте ерте замандардан ауа райын, атмосферада болатын құбылыстарды бақылап келеді. Атмосферада болатын кейбір құбылыстарды, яғни ауа райының бұзылуын, жаңбыр жауатының немесе ауа райының ашық болатының адамдар ежелден болжай білген.

Қазіргі кезде атмосфера, онда пайда болатын құбылыстар Жер бетінің түрлі жерлерінде орналасқан мындаған метеорологиялық станцияларда зерттеледі. Бұл жұмыста электрондық есептеу машиналары, компьютерлер, ауа шарлары, метеорологиялық зымырандар және Жердің жасанды серіктері пайдаланылады.

### Тірек сөздер және ұғымдар



Атмосфера

Тропосфера

Мезосфера

Термосфера

Стратосфера

Оттегі

Көмірқышқыл газ

Азот

«Жұлдыз ағу»



- Атмосфераның қандай маңызы бар?
- Ауа қандай газдардан құралған?
- Адамның атмосфера ауасының құрамына әсері туралы баянда.
- Атмосфера қандай қабаттардан тұрады?

#### Тапсырма

Бір апта бойы ауа райының қалай өзгергенін бақылап жүр.

## § 25. АУА ТЕМПЕРАТУРАСЫ ЖӘНЕ АТМОСФЕРАЛЫҚ ҚЫСЫМ

Ауаның температурасын **термометрмен** өлшейді. Термометр Жер бетінен 2 м биіктікке, Құн сәулелері түспейтін көленке жерге орнатылады. Ауа райын бақылайтын станцияларда термометр арнағы метеорологиялық қораптың ішіне қойылады. Қораптың ішінде ауа еркін өтетін етіп жасалған. Қораптың есігі міндетті түрде солтүстік жаққа қарап ашылады. Себебі қораптың есігі ашылғанда Құн сәулелері термометрге түспейді.

Барлық метеорологиялық станцияларда ауа райының жағдайы мен температурасы әр 3 сағатта бақыланып, өлшеніп тұрады. Содан кейін орта есеппен температура анықталады. Ол үшін тәулік ішінде өлшенген нәтижелерді қосып, қанша рет өлшенген болса, соншаға бөледі. Та什кентте 10 сәуірдегі тәуліктік ауаның температурасын бақылау нәтижелері: тұнде сағат 1-де  $+6^{\circ}\text{C}$ , сағат 4-те  $+4^{\circ}\text{C}$ , таңертең сағат 7-де  $+5^{\circ}\text{C}$ , сағат 10-да  $+10^{\circ}\text{C}$ , күндіз сағат 13-те  $+14^{\circ}\text{C}$ , сағат 16-да  $+16^{\circ}\text{C}$ , кешкүрим сағат 19-да  $+10^{\circ}\text{C}$ , сағат 2-де  $+7^{\circ}\text{C}$ . Температуралардың тәуліктік жынтығы  $72^{\circ}\text{C}:8=9^{\circ}\text{C}$ . Тәуліктік орташа температура  $+9^{\circ}\text{C}$  екен.

Бір айлық орташа температуралары табу үшін тәуліктік орташа температуралардың жынтығын айдағы құн санына бөледі. Жылдық орташа температуралары табу үшін айлық орташа температуралардың жынтығы ай санына, 12-ге бөлінеді. Ауаның температурасы үнемі бірқалыпты болмайды, ол тәулік сайын және жыл бойы өзгеріп тұрады. Қүндіз сағат 14 – 15-терде ауаның температурасы ең жоғары болады, ал ең төмен температура Құн шығар алдындағы уақытқа тұра келеді. Тәулік ішіндегі ең жоғары және ең төмен температура арасындағы айырмашылықты **ауа температурасының тәуліктік амплитудасы** деп атайды. Жыл ішіндегі ең жоғары температура мен ең төмен температура арасындағы айырмашылықты **ауа температурасының жылдық амплитудасы** дейді.

Түрлі климаттық белдеулерде ауа температурасының тәуліктік және жылдық амплитудасы әр түрлі болады. Температураларың тәуліктік өзгеруі мұхиттар мен теңіздердің үстінде  $1-2^{\circ}\text{C}$  болса, шөлдер мен шөлейттерде  $15-20^{\circ}\text{C}$ -қа дейін барады. Ал жылдық амплитуда экватор төңірегінде  $5-10^{\circ}\text{C}$ -тан аспайды. Экватордан

полюстер жаққа қарай жылдық амплитуда үлкейе береді. Мысалы, Ташкентте ол  $28^{\circ}\text{C}$ -қа тен.

Ауа температурасының жыл бойындағы өзгерісін график көрінісінде бейнелеуге болады. Оның үшін бір тік және бір көлденен түзу сызық сыйзамыз. Тік түзу сызыққа температуралың жазамыз, ал көлденен сыйылған түзу сызықты бірдей қашықтықта 12 бөлікке бөлеміз, әр бөлікке айдың бас әрпі жазылады. Содан соң әрбір айдағы орташа температура белгіленеді (51-сурет).

**Атмосфералық қысым.** Ауа оте жеңіл. Теніз жағалауында  $1 \text{ м}^3$  ауаның салмағы  $1 \text{ кг}$   $330$  гр. Ауа қабаты жер бетінің әр  $1 \text{ см}^2$ -на  $1 \text{ кг}$  салмақ түсіреді. Жер бетіндегі әрбір затқа да осындай күшпен қысым түсіреді.

Ауаның Жер бетіне және ондағы барлық заттарға түсіретін салмағы **атмосфералық қысым** немесе **ауа қысымы** деп аталады. Адам мұндай қысымды сезбейді. Өйткені адамның ішкі қысымы сыртқы атмосфера қысымымен тепе-тен қеледі. Жоғарыға көтерілген адамға ауа қысымының азая беретіндігі сезіледі. Адам  $3000$  м биіктікке көтерілген кезде ентігеді, басы айналады.  $4000$ — $5000$  м биіктікте қан тамырлары жарылып, мұрыннан қан ағуы мүмкін.

Ауа қысымы **барометр** деп аталатын құралмен өлшенеді (грекше *барос* — салмақ, *метр* — өлшемін).



Барометрдің екі түрі — **сынапты барометр** және **анероид (металл) барометр** болады. Сынапты барометр дегендіміз — ұзындығы

— Өзбекстанда ең ыстық кез — шілде айына тұра келеді. Сүрхандарияда бұл айда  $+39^{\circ}\text{C}$ -тан жоғары болуы мүмкін. Бірақ Өзбекстан бәрібір жұмак өлке болып саналады. Біз Өзбекстанның көктемін әр жылы асыға күтеміз!



**51-сурет.** Ташкентте ауа температурасының жылдық өзгеруінің графикі.





**52-сурет.** Сынапты барометр (а) мен анероид-барометр (б).

### Tірек сөздер және ұымдар



Ауаның тәуліктік орташа температуrasesы  
Атмосфераның айлық орташа температуrasesы  
Атмосфераның жылдық орташа температуrasesы  
Температура амплитудасы

Барометр

Атмосфералық қысым



1. Ауаның температуrasesы қалай өлшенеді?
2. Тәуліктік және айлық орташа температура қалай анықталады?
3. Ауа температурасының амплитудасы деген не? Өзін түрган жердің тәуліктік амплитудасы неше градусқа жетеді? Жылдық амплитудасы ше?
4. Ең жоғары ауа қысымы қай жерде бақыланады?




1. Ташкентте атмосфералық қысым сынап бағанасының 720 мм-іне тең. Шатқал тауының биіктігі 3000 м. Шатқал тауындағы атмосфералық қысым қанша екенін анықта.
2. Барометр-анероид пен сынапты барометрді салыстырып, ұқсастығы мен айырмашылығын дәптерінде жазып қой.

## § 26. ЖЕЛДЕР ЖӘНЕ АУА МАССАЛАРЫ


**Жел қалай пайда болады?** Жер бетіндегі ауа үздіксіз қозғалыста болады. Жаздығуні көлдің яки өзеннің бойында, ағаш арасында немесе егістік шетінде отырсан, жел есіп тұрганын байқаисын. Ауаның горизонталь бағытта қозғалуын **жел** деп атайды. Жер бетінің әр түрлі бөліктегі үстіндегі атмосфералық қысымның айырмашылығы — желдің пайда болуының басты себебі болып табылады. Қысым айырмашылықтарының қандай себептері бар?

Күн сәулелері құрлық пен су бетін бірдей қыздырмайды. Су баяу жылып, баяу салқындейды. Ал құрлық судан гөрі тезірек жылынып, тезірек салқындейды. Күндіз құрлық бетіндегі қызған ауаның көлемі ұлғаяды және қысым азайып, төмендейді. Көл және теңіз бетіндегі ауа салқын болып, ауаның қысымы жоғары болады. Сондықтан көл мен теңіз бетіндегі ауа құрлыққа қарай қозғалады, яғни жел соғады. Түнде ше? Түнде құрлық тезірек суымайтындықтан, ауаның қысымы артып, жел құрлықтан теңіз жаққа қарай соғады. Осындай бір тәуліктен өзінің бағытын 2 рет өзгертуіп тұратын жел **бриз желі** деп аталады. Бриз французша — «женіл жел» дегені (53-сурет).

**Жер бетінде соғатын негізгі желдер.** Муссондар. Үлкен құрлықтар — материктер жазда төнірегіндегі теңіздерге қарағанда көбірек қызады да, ауа қысымы төмендейді. Ал теңіздерде ауа қысымы жоғары болады. Сол себепті жаз бойы теңіздерден құрлық



53-сурет. Күндізгі және түнгі бриз.




**54-сурет.** Тұрақты жоғары және төмен қысым белдеулері.

Қыста Азияның орталығынан теңіздерге қарай есетіндіктен, Оңтүстік-Шығыс Азияда жауын-шашын аз жауады. Ауа райы құрғақ болады.


**Пассат желдері.** Жердің пішіні шар тәріздес болғандықтан және оның өз білігінен айналуы нәтижесінде Жер бетінде жоғары және төмен қысымды белдеулер пайда болады (54-сурет). Жер шарының экватор төңірегі Құннен көп жылу алады. Сондықтан бұл аймақтарда жыл бойы ауа қысымы төмен болады. Нәтижеде  $30^{\circ}$  ендіктерден экватор жаққа қарай тұрақты жел соғып тұрады. Жер өз білігінен айналғандықтан, бұл желдер экваторға жақындағанда батыс жаққа қарай бұрылып кетеді. Бұл желдер *passat желдері* болып табылады. Орта ендіктерде Солтүстік жарты шарда да, Оңтүстік жарты шарда да батыс жақтан тұрақты желдер соғып тұрады. Бұлар *Батыс желдері* деп аталады. Біздің елімізге жауын-шашынды осы желдер әкеледі (55-сурет).

**Желдің бағыты мен жылдамдығын анықтау.** Желдің бағытын қарапайым жалаушаның көмегімен немесе мұржалардан шығып жатқан тұтіннің бағытына қарап та анықтауға болады.

Жел көкжиектің қай түсінан соққанына қарай аталады. Мысалы, батыстан соққан жел — *батыс желі*, солтүстік-шығыстан соққан жел *солтүстік-шығыс желі* деп аталады.



**55-сурет.** Жер бетінде тұрақты желдердің пайда болуы.



**56-сурет.** Желбағар (Флюгер).

Желдің бағытын **желбағар** (флюгер) деп аталатын құралмен анықтайды (56-сурет). Онда желдің бағытын жағалай еркін айналып тұратын айырқанат жебе көрсетеді. Оның астында көкжиек тұстарына сәйкес келетін 8 көрсеткіш таяқша (4-еүі – негізгі тұстар және 4 аралық тұстар) бар. Олардың 4-еуіне С, О, Б, Ш әрпі бекітілген.

Желбағардың ұшар басына орнатылған қалақшага қарап желдің жылдамдығын (күшін) анықтайды (56-суретке қара). Жел күштейген сайын қалақша да тік дөғаны бойлап, желбіреп көтеріле түседі. Дөғаның бөліктегі желдің белгілі бір жылдамдық мөлшерін білдіреді. Желдің жылдамдығын өлшейтін аспап **анемометр** деп аталады және ол желдің күші 1 секундта неше метр (м/сек) есептінімен белгіленеді.

**Ауа массалары дегеніміз не?** Тропосфера ауасының температурасына, ылғалдылығына, желдеріне және басқа қасиеттеріне қарай бір-бірінен ерекшеленетін үлкен бөліктегі **ауа массалары** деп аталады. Олар өте үлкен аумақтардың үстінде пайда болады.

Жер бетінің әр түрлі орындарында бір-бірінен ерекшеленетін ауа массалары құралады. Мысалы, сұық белдеулерде, яғни Солтүстік жарты шарда – арктикалық, қоныржай белдеулерде – қоныржай, тропиктік аймақтарда – тропиктік, экватор маңында

— экваторлық ауа массалары пайда болады. Ауа массалары мұхиттардың және құрлықтың үстінде пайда болуына орай **теніздік** және **континенттік ауа массаларына** бөлінеді.



### Тірек сөздер және ұғымдар

<b>Бриз желдері</b>	<b>Пассат желдері</b>	<b>Континенттік ауа</b>
<b>Ауа массалары</b>	<b>Муссон желдері</b>	<b>Теніз ауасы</b>
<b>Батыс желі</b>	<b>Анемометр</b>	<b>Желбағар (Флюгер)</b>



1. Жел деп нені айтады?
2. Бриз желі – қандай жел, ол қай жерлерде пайда болады?
3. Желдің жылдамдығы (күші) неге байланысты?
4. Батыс желі қай жаққа қарай соғады?
5. Өзбекстанға артикалық ауа массасы қай мезгілде келеді? Бұл кезде ауа температурасы қандай болады?

#### Тапсырма

Өзін тұратын жерде жел бағытын бақылап жүр және жел бағыты өзгергенде ауа райы қандай болатынын анықта.

## § 27. АУАНЫҢ ҮЛГАЛДЫЛЫҒЫ ЖӘНЕ ЖАУЫН-ШАШЫН



**Аудағы су буы.** Тропосферада әрқашан су буы болады. Ол түрлі температура жағдайында құрлық беті мен өсімдіктерден, қар мен мұздан, өзендер мен су қоймаларының ұдайы булануынан ауаға көтеріледі. Су буы аудаң женіл, көзге көрінбейді.

Ауа өзінде түрлі мөлшерде су буын сақтай алнады. Ауаның қанша су буын сақтай алуы ауаның температурасына байланысты. Егер ауаның температурасы  $0^{\circ}\text{C}$  болса, өзінде 5 гр,  $+10^{\circ}\text{C}$  болса, 9 гр,  $+20^{\circ}\text{C}$ -та 17 гр және  $+30^{\circ}\text{C}$  болса, 30 гр су буын сақтай алады. Демек, ауа қаншалықты сүйк болса, соншалықты аз және қаншалықты ыстық болса, соншалықты көп су буын сақтап тұра алады.

1  $\text{m}^3$  аудағы су буының грамм есебімен өлшенетін мөлшері **абсолют ылғалдылық** деп аталады.

Егер ауа өзінде бар су буынан артықша су буын сыйғыза алмаса, оны **су буымен қанықкан ауа** деп атайды.

Сен теледидардан яки радиодан берілетін ауа райы жөнінде-гі мәліметтерден ауаның ылғалдылығы 70% немесе 80% дегенді

естисін. Бұл нені білдіреді? Мысалы, +30°C температура ауда 15 гр, яғни ол сақтай алатын мөлшердің жартысындай ғана су болса, онда **салыстырмалы ылғалдылық** 50%-ке тең болғаны. Қанықан ауаның салыстырмалы ылғалдылығы 100%-ға тең. Метеорологиялық станцияларда ауаның ылғалдылығын арнаулы **гигрометр** деген аспаптың көмегімен өлшейді.

**Бұлттар.** Жылы ауа сусыса, ол су буына қанығып, артықша су буы өте майда су тамшыларына айналады. Бұлттар да тұманға үқсап пайда болады. Ауа жер бетінде қызып, жоғарыға көтеріледі. Жоғарыда ыстық ауа салқындағанда, бу майда су тамшыларына айналып, бұлт пайда болады. Егер жоғарыдағы температура 0°C-тан төмен болса, бұлт мұз түйіршіктерінен тұрады.

Бұлттардың негізгі үш түрі болады: **бұдақ**, **қатпарлы** және **шарбы** (57-сурет).



57-сурет. Бұлттардың түрлері.



**58-сурет.** Жауын-шашын өлиеуіш.

Кейде жылы ауа жоғарыға тез көтеріліп, будақ бұлттарды температурасы  $0^{\circ}\text{C}$ -тан төмен болатын биіктікке көтеріп әкетеді. Бұл биіктіктері тамшылар мұз түйіршіктерін тұзіп, **бұршаққа** айналады. Ауа температурасы  $0^{\circ}\text{C}$ -ден төмендегенде, бұл су тамшыларынан фана емес, өте ұсақ ине тәріздес мұздардан тұрады. Олар өзара қосылып, қар киыршиқтары пайда болады.

Жауын жерге тек бұлттан фана жаумайды, сондай-ақ ашық аудан да түседі. Сен көктем, күз айларында таңертең **шық** түскенін көргенсің. Күндіз қатты қызған жер мен өсімдіктер түнде тез салқындайды. Ауадағы су буы тамшыларға айналып, жерге және өсімдіктерге **шық** түседі.

Қыста су тамшылары мұз түйіршіктеріне айналып, шық емес, **қырау** пайда болады. Жер бетіне түскен жауын-шашының мөлшерін жауын-шашын өлшейтін аспаппен анықтайды (58-сурет). Қар жамылғысының қалындығы **сырықпен** арнайы өлшенеді. Сырық сантиметрлік бөліктерге бөлінген. Бір ай бойы түскен жауын-шашын жиынтығы **айлық жауын-шашын** болады. Жыл бойы жауған жауын-шашын мөлшері қосылып, **жылдық жауын-шашын**

мөлшерін құрайды. Мысалы, Ташкентте бір жылдық жауын-шашиң мөлшері 400 мм-ге жуық болады. Ең көп жауын-шашиң ақпан, наурыз айларына сәйкес келеді. Ал экватор маңында жауын-шашиң жыл бойы жүріп жатады. Жауын-шашиңның ең көп жауатын жері – Тынық мұхиттағы Гавай аралдары, онда жылдық жауын-шашиң мөлшері 14 400 мм-ге тең. Жауын-шашиңның көп немесе аз түсіү жердің теңіздер мен мұхиттардан алыс-жақындығына, жиі есетін желдің күштілігіне байланысты.



### Тірек сөздер және ұғымдар

Ауаның ылғалдылығы

Абсолют ылғалдылық

Салыстырмалы ылғалдылық

Будақ бұлт

Қатпарлы бұлт

Шарбы бұлт

Тұман

Қырау

Шық



1. Ауада су буы қалай пайда болады?
2. Ауаның абсолют ылғалдылығын түсіндіріп бер.
3. Тұман деген не? Ол қалай пайда болады?
4. Бұлт деген не? Бұлттардың қандай түрлерін білесін?
5. Жауын-шашиң қалай пайда болады?

#### Тапсырма

Атластан Жер шарының климат картасын қарап шық. Құрлықтың жауын-шашиң ең көп және ең аз жауатын аймақтарын айт.


## § 28. АУА РАЙЫ ЖӘНЕ КЛИМАТ

**Ауа райы.** Сен радиодан және теледидардан ауа райы жөніндегі мәліметтерді дерлік әр күні естисін. Өзін де ауа райын көп бақылағансың. Бұлардың барлығы да ауа райының уақыт өткен сайын өзгеретінін және әр жерде әр түрлі болатынын көрсетеді.

Ауа райының негізгі элементтері – температура, ылғалдылық және атмосфералық қысым болып табылады. Тропосферада ауа райы элементтеріне байланысты желдер мен бұлттар пайда болып, жауын-шашиң жауады.

**Ауа райы деп тропосфераның белгілі бір жердегі, белгілі бір уақыт-тағы** (тәулік, апта, ай, маусым ішіндегі) **жай-куйін айтады.**

Ауа райының барлық элементтері мен құбылыстары өзара байланысты. Кез келген элементтің өзгеруі басқа элементтердің және бүкіл ауа райының өзгеруіне соктырады. Мысалы, көктемде таңертең Күн шығудан бұрын ауа салқын, жел болмайды. Күн



### 59-сурет. Жарық тусу белдеулері.

шығысымен-ақ Жер бетіндегі ауа қызып, жоғарыға көтеріледі, булану күшіндейді. Жылынған ауа жоғарыға көтеріліп, салқындайды. Будақ бұлттар және жаңбырлы будақ бұлттар пайда болады. Кейде жаңбыр жауып өтеді. Егер ауа райы бірнеше күн өзгермей тұрса, оны **тұрақты ауа райы** деп атайды.

Адам күнделікті тұрмысы мен еңбек қызметіне байланысты ауа райының қандай болатынын алдын-ала білгісі келеді. (Неге?) Ауа райын алдын-ала айту үшін тропосфераның жай-күйі туралы мәліметтер жинақталады. Мәліметтер Жердегі бақылаудан тыс ғарыштық жасанды серіктер мен станциялардан да алынады. Метеорологиялық орталықтарда ауа райының карталары жасалады. Сол карталардың көмегімен ауа райының қандай болатынын алдын-ала хабарлайды.

**Климат.** Ауа райының белгілі бір жерге тән көп жылдық режимі (жай-күйі) **осы жердің климаты** деп аталады.

Климаттың сипаттамасына температура және жауын-шашының мөлшері, желдер, ауа массалары, ауа райының жай-күйі жөніндегі көп жылдық орташа мәліметтер кіреді. Олар ең жоғары және ең төмен температура, жылдық жауын-шашынның ең көп және ең аз мөлшері туралы мәліметтерді де қамтиды.

Климат туралы мәліметтер неге керек? Климат жердің табиғатына — жер бедеріне, өзендер мен көлдерге, өсімдіктер және жану-

арлар дүниесіне ықпал жасайды. Климат туралы білімді менгермейінше, қала және жол салатын, бөгендер құратын орындарды тандауға болмайды. Климаттың ауыл шаруашылығы үшін ерекше зор маңызы бар.

Әрбір жердің климаты нелерге байланысты? Климат, біріншіден, жердің географиялық ендігіне байланысты.

Экваторға таяу жерлер Күннен өте көп жылу алады. Ал полюстерге таяу аймактарды Күн өте аз қыздырады (79-беттегі 59-сурет). Осылардың нәтижесінде Жер бетінде **жылулық белдеулері** пайда болады. Бұлар – тропиктік, екі қоңыржай және екі полярлық белдеулер.

Мұхиттардың алыс-жақындығы да жер климатына әсер етеді. Еуропадағы Испания және Греция мемлекеттері Өзбекстанмен бірдей географиялық ендікте орналасқан. Бірақ Испания мен Грецияда қыстық ауа температурасы Өзбекстандағыдан анағұрлым жоғары (суық) болады. Жауын-шашиң да көп жауады. Оның себебі – жылы Атлант мұхитынан Испания мен Грецияға жылы, ылғалды ауа соғып тұрады. Өзбекстан мұхиттан алыс орналасқандықтан, жауын-шашиң аз, қыста суық және жазда ыстық болады. Қыста жылы, жазда салқын және жауын-шашиң көп жауатын, теңізге жақын жерлердің климаты **теніздік климат** деп аталады. Қысы суық, жазы ыстық және жауын-шашиң аз жауатын климат **континенттік климат** деп аталады. (Мемлекетіміздің климаты қандай климат?)

Климатқа жердің теңіз деңгейінен биіктігі және тау жоталарының қалай орналасқандығы да үлкен әсер етеді.



### Тірек сөздер және ұғымдар

**Ауа райы**

**Теніздік климат**

**Тұракты ауа райы**

**Континенттік климат**

**Климат**

**Жылулық белдеулері**

80



1. Ауа райы деген не?
2. Ауа райының өзгеруіне нелер әсер етеді?
3. Климат деген не? Климат туралы білімнің керегі не?



1. Өзің тұратын жердің бір күндік ауа райын дәптеріне жазып кел.
2. Өзбекстандағы тауларда жауын-шашиң жазықтықтарға қаранды көбірек жауады. Бұның себебі неде? Мемлекетіміздің аймактарындағы тауларды картадан көрсет.

## § 29.

## ПРАКТИКАЛЫҚ ЖҰМЫС. ЖЕРДІҢ АУА ҚАБЫҒЫ

### 1. Ауаның тәуліктік орташа температурасын анықта.

Бір тәулік бойы ауаның температурасы термометрдің көмегімен өр үш сағат сайын, барлығы 8 рет өлшенеді (§25-ке кара), 12 сәуір күні өлшенген мәмлекеттер негізінде ауаның орташа температурасын анықтап, оның тәулік бойы өзгеру графигін сыйз.

Тұнгі сағат 1-де  $+8^{\circ}\text{C}$ , сағат 4-те  $+6^{\circ}\text{C}$ , таңертең сағат 7-де  $+6^{\circ}\text{C}$ , сағат 10-да  $+3^{\circ}\text{C}$ , күндізгі сағат 13-те  $+16^{\circ}\text{C}$ , сағат 16-да  $+18^{\circ}\text{C}$ , кешкүрим сағат 19-да  $+12^{\circ}\text{C}$ , сағат 22-де  $+9^{\circ}\text{C}$ .

**2. Төмендегі мәліметтерді пайдалана отырып, ауаның абсолют және салыстырмалы ылғалдылығын анықта.** Кестенің бос жерлерін толтыр.

Ауаның температурасы, $^{\circ}\text{C}$	Абсолют ылғалдылық, ( $\text{г}/\text{м}^3$ )	Салыстырмалы ылғалдылық, (%) есебімен
+10	9	100
+20	17	100
+30	30	100
+10	?	60
+20	8	?
$+30^{\circ}\text{C}$	15	?

Берілген мәліметтер негізінде ауаның салыстырмалы ылғалдылығын табу төмендегідей орындалады: температура  $30^{\circ}\text{C}$ , аудағы су буы  $10 \text{ г}/\text{м}^3$ , сонда салыстырмалы ылғалдылық қанша?

Салыстырмалы ылғалдылық 100% болғанда, 30 г су буы болады.

$$\begin{aligned} \text{Яғни } 30 \text{ г}/\text{м}^3 &= 100\% & x &= \frac{100 \cdot 10}{30} \approx 33\%. \\ 10 \text{ г}/\text{м}^3 &= x \end{aligned}$$

Салыстырмалы ылғалдылық 33% екен.

**3. Практикалық жұмыс дәптерінде бүгінгі ауа райын суреттеп жазып қой.**

## БИОСФЕРА – ТІРШІЛІК ҚАБЫҒЫ

### § 30. ЖЕР ҚАБЫҚТАРЫНЫң ӨЗАРА ӘСЕРІ

Фаламшарымыздын, яғни Жердің пайда болғанына шамамен 5 млрд жыл өтті. Жердің бүкіл тарихы барысында литосфера, гидросфера және атмосфера өзара әсерлесіп тұрған. Атмосфераның төменгі – тропосфера қабатының, бүкіл гидросфера мен литосфераның жоғарғы 4–5 км-лік қабаттарының өзара әсері күшті болған. Тіршілік те дәл сол жерде пайда болған. Ондағы ең алғашқы тіршілік белгілері пайда болғанына шамамен 4 млрд жыл өткен. Бұлар көзге көрінбейтін өте ұсақ ағзалар еді. Ағзалар өздерінің белсенділігімен Жер бетін иелей бастағанына 550–600 млн жыл болды.

Ағзалар бір-бірімен өте тығыз байланыста болады және өзара әсерлесіп тұрады. Егер олар өзара байланыста болмағанда, әлдекашан-ақ жойылып кеткен болар еді. Мысалы, өсімдіктер бейорганикалық заттардан органикалық заттар түзеді. Бұл үшін олар судан және топырақтан қоректік заттарды (минералдар мен тұздарды), аудан көмірқышқыл газын жұтып, Күн сәулесінің әсерімен органикалық заттар дайындаиды. Ал жануарлар органикалық заттар дайындаі алмайды. Сол себепті олар өсімдіктер дайындаған органикалық заттармен қоректенеді. Олар **шөпқоректілөр** деп аталады. Ал кейбір жануарлар бір-бірін жеп күн кереді. Оларды **етқоректілөр (жыртқыш жануарлар)** деп атайды. Көзге көрінбейтін майда ағзалар, яғни микробтар өсімдіктер мен жануарлардың қалдықтарын шірітіп, минералдарға айналдырып тұрады.

Жердің тіршілік ағзалар мекендереген және олардың өзінен өзгерген қабаты **биосфера** деп аталады (грекше «биос» – *tīrshīlīk*, «сфера» – *шар*). Биосфераның қалындығы 30–40 км-ге жетеді. Адам да осы биосферада жасайды.

**Жер бетінде ағзалардың әр түрлі таралуы.** Ағзалар құрлықтың бетінде және оның үстінде 150 м биіктікке дейінгі ауда, топырақта, мұхиттар мен теңіздер суының бетінде және 150 м тереңдікке дейінгі бөліктерінде ең көп тараған.

Құрлықта ағзалардың таралуы жарықтың, ылғалдың және жылудың бөлінуіне, яғни оның климатына байланысты. Үлғалды тропиктік ормандар мен жануарлар дүниесіне өте бай.

Ағаштар жап-жасыл болып, гүлдеп, жемістері пісіп тұрады. Ол жерлерде климат жыл бойы ыстық, жауын-шашын көп жауады.

Климаты ыстық, бірақ ылғалы өте аз жерлерде өсімдіктер мен жануарлар дүниесі бай болмайды. Оған шөлдер мысал бола алады. Шөлдерде тікенекті бұталар, ылғалды аз буландыратын өте ұсақ жапыракты, тамырлары ұзын өсімдіктер өседі. (Шөлде өсетін қандай өсімдіктерді білесің?) Шөлде тіршілік ететін көп жануарлар ұзақ уақыт сусыз жасай алады. Шөлдер тек ыстық жерлердеғана емес, сұық жерлерде де бар. Антарктиданың орталығындағы мұзды жамылғының бетінде өсімдіктер де, жануарлар да жоқ. Бұл — **мұзды шөл** деп аталады.

**Адам және биосфера.** Қазіргі адамдардың ата-бабалары бұдан шамамен 2,5—3 млн жыл бұрын пайда болған. Алғашқы адамдар бастапқы дәуірлерде табиғатқа бейімделуге әрекеттенген. Үнгілерде өмір сұрген. Аңшылықпен, балық аулаумен және жеміс-жидек терумен шұғылданған. Ол кезде адамдардың биосфераға әсері болмаған. Бірақ адамдар отты пайдалануды үйреніп, мал шаруашылығы мен егіншілікпен шұғылдана бастаған соң, ал кейінірек зауыт-фабрикалар құрганнан соң, биосфераға өте үлкен әсерін тигізді.

Адам табиғи жағдайы қолайсыз жерлерде табиғатты өзгертіп, өзіне қолайлы жағдайлар жасады. Мемлекетіміздің көптеген жерлері шөлдерден тұрады. Ата-бабаларымыз ежелгі замандардан-ақ арықтар қазып, бөгет құрып, өзендерден су шығаруды үйрентген. Фажайып бау-бақшалар мен егін еgetін жерлерді ашқан. Адамның қолымен өзгертіліп, игерілген мұндай жерлерді **шұрат (оазис)** деп атайды.

### Тірек сөздер және ұғымдар



Қар және мұзды шөлдер	Шөп қоректі жануарлар	Биосфера
Органикалық зат	Жыртқыш жануарлар	Шөл
Бейорганикалық зат	Шұрат (оазис)	Ағзалар



1. Жерде тіршілік белгілері қашан пайда болған?
2. Жер бетінде адам қашан пайда болған?
3. Қандай жануарлар шөп қоректі жануарлар деп аталады?
4. Табиғатта өсімдіктердің орны мен мәні қандай?

#### Тапсырма

Шұраттар (оазис) деген не? Өзбекстандағы шұраттарды табиғи картадан көрсет және аттарын жазып қой!

## § 31.

### АҒЗАЛАРДЫҢ ЖЕР ҚАБЫҚТАРЫНА ӘСЕРІ

Өсімдіктер мен жануарлар, микроағзалар атмосфераға, әсіресе оның газ құрамына үлкен әсерін тигізді. Өсімдіктер аудан көмірқышқыл газын сініріп, орнына оттегін бөліп шығарады. Аудадағы барлық оттегіні өсімдіктер бөліп шығарып, үнемі жаңартып отырады. Сондықтан өсімдіктерді «**оттегі фабрикасы**» деп атайды. Егер бұл «фабрика» жұмыс істеуін тоқтатса, ауа құрамындағы оттегі жедел азауы мүмкін.

Қазіргі кезде Жер шарындағы ормандардың көлемі  $\frac{2}{3}$  бөлікке қысқарған. Өсімдіктердің бұлайша азауы өте қауіпті. Оларды көбейту және қорғау қажет. Қымбатты оқушы, сен де өз үйінде алушан түрлі گүл өсір, үлкендердің көмегімен сан алуан ағаштар отырызы. Бұл жұмысынмен табиғатты қорғауға өз үлесінді қосасын.

Өсімдіктер көмірқышқыл газын сініріп, оттегін бөліп шығаратын болса, жануарлар қерісінше, оттегімен тыныс алып, көмірқышқыл газын бөліп шығарады. Сейтіп, табиғатта өсімдіктер мен жануарлар аудадағы оттегі мен көмірқышқыл газының мөлшерін реттейді.

Ағзалардың **гидросфераға** әсері бар ма? Әрине, олар мұхит суының тұздық құрамына өте үлкен әсер етеді. Мұхит суындағы тұздардың құрамы мен мөлшері тұрақты болады. Бірақ өзен суындағы тұздың құрамы басқаша. Өзеннің суында кальций тұздары өте көп кездеседі, ал мұхит суында мұндай тұздар өте аз болады. Неліктен олай?

Бұған мұхиттарда және теңіздерде тіршілік ететін ағзалар себепші екен. Мұхиттағы ағзалар судан өздеріне қажетті заттарды, әсіресе кальцийді сініріп алады. Кальций оларға қанқаларын, сауыттарын, бақалшақтарын тұзу үшін керек. Теңіз ағзалары тіршілігін тоқтатқан кезде олардың қалдықтары су түбіне шөгіп, жиналады да, уақыт өте келе қалындалап, әктас пен бор қабаттары пайда болады.

Ағзалардың **литосфераға** әсерін оның үстінгі бөлігінен айрықша байқауға болады. Тіршілігін тоқтатқан өсімдіктер мен жануарлардың қалдықтары жер қыртысында жиналып, тығыздалып, органикалық тау жыныстары түзіледі. Мысалы, әктас қабат-

тарының қалындығы жүздеген, тіпті мыңдаған метрді құрайды. Тас көмір, қоныр көмір, тақтатас (сланец) және шымтезек (торф) те өсімдіктер қалдығынан пайда болған.

**Топырақ деген не?** Ол тау жынысы ма, әлде органикалық зат па? Оны тек *таяу жынысы* деп те, *органикалық зат* деп те айтуға болмайды. Ол үгілген тау жыныстарының бөлшектерінен және **қарашибіктен** пайда болады. Топырақта қашанды ауа, су және көптеген тірі ағзалар кездеседі. Бір грамм топырақтан миллиондаған микроағзалар табуға болады. Микроағзалар — өте ұсақ, көзге көрінбейтін жанды зат. Олар топыраққа түскен органикалық қалдықты лезде шірітіп, қарашибікке айналдырады. Топырақтың құнарлылығын арттырады. Топырақта алуан түрлі құрттар, қоныздар және жауынқұрттар да тіршілік етеді.

Топырақта қарашибік қаншама көп болса, ол соншама құнарлы есептеледі. Ең құнарлы топырақ — қара топырақ. Мұндай топырақ шөп көп өсетін далалы жерлерде кездеседі. Мемлекетімізде шөл сүр топырағы мен боз топырақ көп. Оларды суарып, тыңайтқыш шашып, жақсы өндесе, мол өнім береді. Бірақ шөл топырақтарын сортанданудан, жердің үгілуінен, судың шайып кетуінен қорғау керек.



### Tірек сөздер және ұғымдар

«Оттегі фабрикасы»  
Көмірқышқыл газы

Кальций тұздары  
Микроағзалар

Топырақ  
Қарашибік



- Ағзалар Жердің ауа қабығына қандай әсер көрсетеді?
- Өзендердің мұхиттарға әкелген кальций тұздары неге жұмсалады?
- Ағзалардың арқасында Жер қыртысында қандай өзгерістер болады?
- Топырақ деген не?
- Сен тұратын жерде қандай топырақ түрлері кездеседі?



- Топырақты нелерден қорғау керектігі туралы айтып бер.
- Дәптеріне топырақ түрлерін жазып қой.
- Топырақты құнарлы ету үшін қандай жұмыстарды орындау қажет?

## ТАБИФАТ КЕШЕНДЕРИ

### § 32. ГЕОГРАФИЯЛЫҚ ҚАБЫҚ ЖӘНЕ ТАБИФАТ КЕШЕНИ


**Ж**ердің сыртқы төрт қабаты—литосфера, гидросфера, атмосфера және биосфера үнемі өзара тығыз байланыста болып, біріне-бірі әсер етіп отырган. Атмосферадағы газдар суға да, тау жыныстарына да өтеді. Мұхиттар мен теңіздердің сусы булаңып, ауаға көтерілген су құрлыққа жауын-шашын болып жауады, тау жыныстарын шайып әкетеді, Жер қыртысына да сінеді.

Атмосферадан тау жыныстарының өте ұсақ бөлшектерін кездес-тіруге болады, еріген заттар суға қосылады. Осының бәрі жер бетіне жарық пен жылу әкелетін күн сәулелерінің қатысуымен өтеді.

Осындай өзара әсер етудің нәтижесінде литосфераның жоғарғы қабаттары, гидросфера мен атмосфераның төменгі қабаттары бүкіл Жерді жауып жатқан біртұтас қабықты құрайды, оны *географиялық қабық* деп атайды. Бастапқыда бұл қабықтың құрамdas бөліктегі *таяу жыныстары*, *су* және *ауа* фана болған.

Географиялық қабықтың анық шекарасы жоқ. Оған литосфераның үстінгі бөлігі, бүкіл гидросфера мен атмосфераның 18—20 км биіктікке дейінгі бөлігі кіреді. Адам да осы географиялық қабықта пайда болған. Бүгінде адам географиялық қабыққа күшті әсер етіп, оны өзгертуде.

Географиялық қабықтың Жердің басқа қабықтарынан қан-



**60-сурет. Шөл табиғат кешені.**

— Өзбекстан аумағының үлкен бөлігін шөл зонасы құрайды. Мырзашөлді атабабаларымыз игеріп, тамаша шұратқа айналдырыған.

дай айырмашылығы бар? Бұл қабықта Күннің нұры жылулыққа айналады. Географиялық қабықта заттар сұйық, қатты және газ күйінде кездеседі. Өсімдіктер мен жануарлар дүниесі пайда болған. Адам да осы қабықта тіршілік етіп, табиғатты өзгертеді. Өзендерге бөгеттер құрып, шөлдерге су шығарып, *шұрат жерлерге* айналдырады.

**Табиғат кешені.** Табиғаттың құрайтын құрамдас бөліктер—**компоненттер** (тау жыныстары, жер бедері, су, ауа, ағзалар және топырақ) географиялық қабықта жеке-жеке, бір-бірінен бөлінген түрде кездеспейді. Олар өзара тығыз байланысты және бір-біріне әсер етіп тұрады. Олар бірігіп табиғат кешенін, яғни табиғи үйлестіктің құрайды. Табиғат кешенінде қалыптасқан сондай үйлестіктің мықтылығы сонша, егер онда біреуінің компоненті өзгерсе, басқа компоненттер де, табиғат кешені де өзгереді.

Географиялық қабық—ең үлкен табиғат кешені. Бірақ ол барлық жерде бірдей емес. Өйткені, Жер бетіндегі тау жыныстары, олардағы жер бедері, ауаның температурасы, ылғалдылығы да, теңіздегі, өзендерінде және көлдері су да бірдей емес. Оның үстіне Жер шар тәріздес болғандықтан, Күн нұры барлық жерге бірдей түспейді. Сондықтан географиялық қабық көптеген шағын табиғат кешендерінен тұрады. Бұған Қызылқұмдағы құмды шөл табиғат кешенін мысалға келтіруге болады (60-сурет).

Бұл кешеннен өсімдіктер өспейтін құмды төбелерді, әр жерде өсіп тұрған сексеуілдер мен жантакты көреміз, ал 61-суретте биік тау табиғат кешені бейнеленген. Ол жерде мұздықтарды, жалаңаш жартастарды, үңгірлерді және құлпыра гүлдеп тұрған алуан түрлі өсімдіктерді көреміз.



**61-сурет.** Биік тау табиғат кешені.

Демек, Жер бетінде ірі және шағын табиғат кешендері өте көп. Міне, ең үлкен табиғат кешені географиялық қабық екенін де біліп алдық. Географиялық белдеулер, географиялық зоналар (белдемдер), табиғи аймақтар деген не? Олар да – табиғат кешендері.



### Тірек сөздер және ұғымдар

Географиялық қабық  
Табиғат компоненттері

Табиғат кешені



1. Жердің сыртқы қабықтарына қайсы қабықтар кіреді?
2. Географиялық қабық деген не?
3. Табиғат кешені деген не?
4. Шөл табиғат кешені жөнінде әнгімелे.
5. Биік тау табиғат кешені туралы не білесін?

#### Тапсырма

Өзің тұратын жерде кандай табиғат кешені бар? Білгенінді дәптеріңе жазып қой.

## § 33.


### ГЕОГРАФИЯЛЫҚ БЕЛДЕУЛЕР МЕН ТАБИҒАТ ЗОНАЛАРЫ

**Ж**ер шар тәріздес пішінде болғандықтан, Күннен келетін жылу мен жарық Жер бетіне біркелкі тараалмайды. Оның мөлшері экватор маңынан Солтүстік және Оңтүстік полюстерге қарай азая береді. Бұны өткен сабакта оқығансың.

Жер шарындағы құрлықтар мен мұхиттар біркелкі бөлінбegen. Жер бетінің бедері де бірдей емес. Бұлар құрлық бетін Күн нұрымен жылытуға, ауаның температурасына, желдердің бағытына, жауын-шашынның мөлшеріне және қайсы маусымдарда жауатынына әсер етеді.

Міне, осындай әсердің нәтижесінде Жер шарында экватордан полюстерге қарай табиғат өзгеріп отырады. Осыған байланысты *географиялық белдеулер* пайда болады. Географиялық белдеулер негізінен климатына (ая массалары, температурасы, желдері, жауын-шашынның мөлшері мен түрлері, қайсы маусымда жауатыны) қарай бір-бірінен ерекшеленеді.

Жер шарында экваторлық, тропиктік, қоңыржай, арктикалық



**62-сурет.** Жер шарының географиялық белдеулері.

(антартикалық) белдеулер болады. Бұлар **негізгі белдеулер** деп аталады. Негізгі белдеулердің арасын **аралық географиялық белдеулер** бөліп жатады. Мысалы, экваторлық белдеу мен тропиктік белдеу аралығында **субэкваторлық**, тропиктік белдеу мен қоңыржай белдеу аралығында **субтропиктік** және қоңыржай белдеу мен арктикалық белдеу аралығында **субарктикалық** аралық географиялық белдеулер орналасқан. Бұл белдеулер Онтүстік жарты шарда да қайталаңады (62-сурет).

**Экваторлық** белдеуге экваторға таяу жатқан аумақтар кіреді. Бұл жерлерде жыл бойы жылу мен ылғал мол болады. Барлық кезде экваторлық ауа тұрады. Құн сайын түстен кейін жаңбыр жауады. Мәнгі жасыл ормандарда алуан түрлі ағаштар өседі. Өсімдіктер мен жануарлардың көптеген түрлері кездеседі.

Экваторлық белдеуді әрі онтүстіктен, әрі солтүстіктен **субэкваторлық белдеулер** қоршаған. Бұл жерде жыл екі маусымға бөлінеді: ылғалды ыстық жаз және құрғақ ыстық қыс. Жазда табиғатының

көрінісі экваторлық белдеулерге ұқсайды. Ал ыстық қыста жаңбыр жаумағандықтан, ағаштар жапырағын төгеді. Қалың шөптер қурап кетеді. Бұл белдеуде ірі жануарлар — піл, қолтырауын, керік, зебра, жолбарыс сияқты андар, арыстандар, сондай-ақ өте ұлken жыландар тіршілік етеді.

Солтүстік және Оңтүстік жарты шарлардың  $20^{\circ}$ — $30^{\circ}$  ендіктері аралығында **тропиктік белдеулер** орналасқан. Бұл белдеулердің жазы өте ыстық, ал қысы жылы болады. Бірақ жауын-шашының мөлшері әр түрлі. Сондықтан бұл белдеуде өсімдіктері өте аз тропиктік шөлдер де, бітік өсетін алуан түрлі шөптері, сирек кездесетін ағаштары бар саванналар да, мәнгі жасыл тропиктік ормандар да бар.

Тропиктік белдеу мен қоныржай белдеу аралығында ( $30^{\circ}$ — $40^{\circ}$  ендіктер) **субтропиктік белдеулер** орналасқан. Бұл белдеулерге қарай қыста қоныржай белдеудің салқын ауасы, ал жазда тропиктік белдеудің ыстық ауасы соғып тұрады. Жауын-шашын мөлшері түрліше болады.


**Қоныржай белдеу**  $40^{\circ}$ — $60^{\circ}$  ендіктердің аралығында жатады. Солтүстік жарты шарда оның көлемі өте ұлken. Жыл бойы қоныржай ауа массасы өсер етіп тұрады. Бірақ желдердің бағытына және теңіздердің алыс-жақындығына қарай, әр жерде жауын-шашын мөлшері әр түрлі. Сондықтан олардың өсімдіктері мен жануарлар дүниесі өзгеше. Бұл белдеуде жылдың төрт маусымы жақсы айқындалған. Белдеуде шөл де, дала да, орман да бар.

Қоныржай белдеуден Солтүстік жарты шардың **солтүстігінде субарктикалық**, ал Оңтүстік жарты шардың оңтүстігінде **субантарктикалық** белдеулер орналасқан. Климаты қыста сувық, ал жазда салқын және ылғалды. Тек қана шөптер мен бұталар өседі.

Жердің Солтүстік полюсі төңірегінде **арктикалық**, ал Оңтүстік полюсі төңірегінде **антарктикалық белдеулер** орналасқан. Жыл бойы климаты сувық, жауын-шашын аз, көбінесе қар жауады. Көптеген жерін мәнгілік мұз бен қар басып жатады.

Әрбір географиялық белдеуде бір-бірінен айырмашылығы бар шағын табиғат кешендері — **географиялық зоналар** болады. «Зона» — латын тілінде ұзынынан созылған, енсіз жер деген мағынаны білдіреді. Географиялық зоналар да Жер бетінде көбінесе батыстан шығысқа қарай созылып жатады.

Әрбір зона басқа зоналардан өсімдіктерімен, топырактарымен және жануарлар дүниесімен ерекшеленеді (63-сурет).



**63-сурет.** Жер бетіндегі негізгі табиғат зоналары: 1. Тундра. 2. Тайга.  
3. Арас ормандар. 4. Дақа. 5. Мәңгі жасыл ормандар.  
6. Шөлдер. 7. Саванналар. 8. Экваторлық ормандар.

### Тірек сөздер және ұғымдар



Географиялық белдеу

Артикалық және антартикалық белдеу

Тропиктік белдеу

Қоңыржай белдеу

Экваторлық белдеу

Аралық белдеу

Негізгі белдеу

Табиғат зонасы



1. Географиялық белдеулер қалай пайда болған?
2. Табиғат зоналары картасынан Солтүстік жарты шарда қандай зоналар бар екенін қара.
3. Өзің тұрған жердің табиғатын әнгімелеп бер.



1. Дүние жүзінің табиғат зоналары картасынан Өзбекстан Республикасы қайсы зоналарда орналасқанын анықта.
2. Сен тұратын жерде адам табиғатқа қалай әсер етеді? Табиғатты қорғау үшін қандай іс-шаралар жасалуда? Баяндап бер.

**§ 34.****ӨЗІМІЗ ТҮРАТЫН ЖЕР**

Әрбір адам өзі жасайтын жерді өте жақсы білуге тиіс. Себебі Отан өзің туылған жерден басталады. Өзің тұрган жерді толық білмей тұрып, оны сүю мүмкін емес.

Сен «Табиғи географияның бастапқы курсын» оқып-үйрен-дің. Табиғат, онда өтетін құбылыстар туралы алғашқы ұфымға және білімге ие болдың. Табиғат компоненттерінің өзара байланыстылығы, адамның табиғатқа тигізетін өсері туралы біліп алдың. Енді алған білімдеріңе сүйеніп, өз тұрган жеріндің табиғаты, оны адам қолымен қалай жақсартуға болатыны туралы ойланып көр. Төмендегі сұрақтардың көмегімен өзің тұратын жер жөнінде жазбаша мағлұмат дайында.

1. Жердің географиялық орны. Өзің тұрган жер қала ма, әлде ауыл ма? Қайсы облыста, Ташкенттен қайсы жақта, қанша қашықтықта орналасқан? Табиғи жағдайы қандай, жері тау ма, жазық па, қайсы өзеннің немесе каналдың жағасында және т.б. орналасқан?

2. Өзің тұрган жердің аты қандай мағынаны білдіреді? Бұрын қалай аталған?

3. Қанша адам жасайды, қайсы ұлттың өкілдері бар? Қандай атақты адамдар шыққан?

4. Жер бедері қандай, тау жыныстарының қайсысы көп кездеседі?

5. Маусымдарда ауа райы қалай өзгереді? Ауаның температурасы, жауын-шашын мөлшері, желдер туралы мағлұмат.

6. Қандай өзен, сайлар және каналдар бар? Бұлақтар мен құдықтар бар ма, олардың сұзы қандай?

7. Қандай табиғи өсімдіктер өседі, қандай түрдегі жемістер өндіріледі және қандай егін егіледі?

8. Қандай үй жануары бағылады, қандай жабайы жануарлар бар?

9. Өнеркәсіп кәсіпорындары бар ма? Олар не өндіреді?

10. Қандай тарихи, сәулеткерлік және табиғи мұралар бар? Қандай оқу орындары бар?

11. Табиғаттың қолайсыз ( сел, тасқын, көшкін) құбылыстары

бала ма? Табиғи жағдайды жақсартуға және табиғатты қорғауға қатысты қандай іс-шаралар жасалуда?

Бұл сұрақтарға жауап беру үшін қажетті мағлұматтарды кітаптан, газеттен және журналдан табуға болады. Оқытушылардан және ата-анаңнан сұрап біліп алсан да болады. Өзің тұрган жер жөнінде мағлұматтарды табиғатқа топсеруенге шыққан кезде жинауға болады. Ауа райы туралы мағлұматтарды өзің бақылап, жазып жүрген ауа райы кестесінен ал.

Ал ауа райы туралы мәліметтерді өзің бақылап, жазып жүрген ауа райы кестесінен ал.

Ал енді, балалар, өзің жасайтын жер туралы мәлімет жазу үшін бағыстандық достарыңың өз ауылы жайлы жазған хикаясын мысал ретінде келтіреміз.

Менің ауылым Бағыстан деп аталады. Ауылым Ташкент облысы, Бостандық ауданында, Піскем тау тізбегінің солтүстік етегінде Шарбақ су қоймасының жағалауында орналасқан. Еліміздің астанасы – Ташкент қаласы бізден 80 км қашықтықта.

Аулымыздың аты негізінен Бұғыстан деп аталған екен. Бабамың айтуынша, ежелде бұл жерде бұғылар көп болыпты. Сондықтан Бұғыстан деп аталған екен. Кейінірек ауылдың айналасына бау-бақша егіліп, Бағыстан деп атала бастаған.

Қазіргі кезде аулымызда 3000-нан астам тұрғындар жасайды. Тұрғындардың негізгі бөлігін өзбек және тәжік ұлты құрайды. Олар бір-бірімен ынтымақта, тату-тәтті өмір сүреді.

Аулымызда қыс мезгілі сүйк болады, қар көп жауады, бірақ жазда ауа райы қатты ысып кетпейді. Күнде тау-аңғар желі есіп тұрады. Аулымыздың көне тарихы бар, мұнда 13–14-ғасырларда Ташкентте жасаған әйгілі бабамыз Шайх Хованди Тахур осы жerde туылған. Қожа Ахрор Үәлидің атасы да осы ауылдан шыққан.

Аулымызда мәуелі ағаштар өте көп. Тұрғындар бау-бақшадан тыс мал шаруашылығымен, қой шаруашылығымен, құс өсірумен де айналысады.

Мен өз ауылымды мақтан етемін.

## ТЕРМИНДЕР МЕН ҰҒЫМДАРДЫҢ ТУСІНДІРМЕ СӨЗДІГІ

**Абсолют биіктік** – жер бетіндегі әрбір орынның теңіз деңгейінен биіктігі.

**Абсолют ылғалдылық** – 1 текше метр аудағы су буының мөлшері. Елшем бірлігі г/м.

**Ағатын көл** – өзіне бірнеше өзендер мен жылғалар құйылып, өзінен бір өзен ағып шығатын көл. Мысалы, Байкал, Онега, Сазер көлдері.

**Азимут** – бақылаушының солтүстік бағыты мен көзделген заттың бағыты арасындағы бұрыш. Сағат тілінің бағыты бойынша анықталады.

**Азот** – атмосфера ауасында ең көп тараған (78%) газ.

**Ақпайтын көл** – суы ешқайда ағып шықпайтын тұйық көл. Мысалы, Каспий теңізі (көлі), Балқаш, Істықкөл.

**Айсберг (мұздастау)** – суық өлкелердегі теңіздер мен мұхиттарда жүзіп жүретін мұздар. Құрлықтардағы мұздықтардан бөліну арқылы пайда болады.

**Антартика аймағы** – Оңтүстік полюс төнірегіндегі суық өлкесі. Шекарасы  $50^{\circ}$ – $60^{\circ}$  ендіктерде орналасқан. Бұл аймақта Антарктида материгі және оның айналасындағы өлкелер кіреді.

**Аралдар** – барлық жағынан мұхиттармен, теңіздермен, өзен суларымен қоршалған шағын құрлықтар.

**Арна** – өзен аңғарының ең төменгі, су ағатын терең бөлігі. Ирі өзендер арнасының ені бірнеше метрден жүздейген, мындаған метрлерге дейін барады.

**Арна көлі** – өзендердің ескі

арнасы орнында пайда болған көл. Қорінің көбінесе жаңа туған ай пішінінде болады.

**Артика аймағы** – Солтүстік полюс төнірегіндегі суық өлкесі. Құрлықтар өсімдіксіз суық шөлдерден тұрады.

**Артезиан құдығы** – суы жер бетінен өзі ағып шығатын құдық. Кей жерлерде оның суы аспанға бұрқақ болып атылып жатады.

**Атмосфера** – Жерді қоршап тұрған ауа қабаты. Азот, оттегі, көмірқышқыл газ және басқа да газдардың коспасынан тұрады, қалыңдығы 2000 км-ден астам.

**Ауа қысымы** – атмосфера ауасының Жер бетінен түсіретін қысымы. Барометр көмегімен өлшенеді.

**Ауа массасы** – көлемді аумак үстінде қалыптасқан және өзінің ерекшеліктеріне: температурасына, ылғалдылығына, желдеріне және тынықтығына орай басқа жердегі аудан өзгешеленіп тұратын ауа.

**Ауаның ылғалдылығы** – ауаның құрамындағы су буларының мөлшері. Ауаның қанша мөлшерінде су буының сакталуы оның температурасына байланысты. Істық ауа көбірек, ал суық ауа азырақ су буларын өзінде ұстап тұра алады.

**Ауа райы** – атмосфераның төменгі бөлігі – литосфераның бірер жеріндегі қысқа уақыт ішінде табиғи жағдай. Ол уақыт пен қашықтыққа байланысты құбылмалы болады.

**Бағдарлау** – бақылаушының өзі тұрған орынмен көкжиең тұстарын салыстырып анықтауы.

**Базальт** – Жер қыртысының төрөн қабатында тараған тау жынысы. Жер бетінен жанарталардан балқыған күйде ағып шығып, қатады.

**Батискаф** – төрөн су астына түсетең аппарат (кұрылғы). Теніздер мен мұхиттардың төрөн бөліктөрін зерттеуде қолданылады.

**Батыс желдер** – Жердің солтүстік және оңтүстік жарты шарларының орта ендіктерінде тропосфераның жоғарғы бөлігінде және стратосферада батыстан шығыска қарай соғатын тұрақты желдер.

**Бергштрих** – карталарда жер бетінің қиялығын көрсететін белгі (сызықша). Горизонтальдарға қойылады.

**Биіктік шкаласы** – табиғи карталарда жер бетінің теніз деңгейінен биіктігін білдіретін шартты белгі.

**Биосфера** – Жердің тіршілік қабығы. Атмосфераның төменгі бөлігін, гидросфераны толық және Жер қабығының беткі бөлігін қамтиды.

**Бриз желдері** – күндіз тенізден құрлыққа қарай, ал түнде құрлықтан тенізге қарай есетең желдер.

**Бұлақтар** – жер асты суларының жер үстіне табиғи түрде шығуы. Бұлақтар сулы қабаттар жердің бетінен шығып жатқан орындарда пайда болады. Анғарларда, жарқа-бактарда, тау бөктерлері мен етектерінде кездеседі.

**Бұлт** – ауаның құрамындағы өте ұсак су түйіршіктері, тамшылары және тұз түйіршіктері жиынтығы. Олар іріленген сон жеғе жаңбыр не кар түрінде жауады.

**Географиялық координата** – бірер нүктенің Жер бетіндегі орнын анықтайтын мөлшерлер. Географиялық ендіктер мен бойлықтардан құралады.

**Географиялық белдеу** – Жер

бетінің зоналық бөлінуінің ең үлкен сатысы. Әрбір белдеу аумағында күн радиациясының мөлшері тен болады. Бірақ жауын-шашын мөлшері әр түрлі болғандыктан, белдеуде зоналар қалыптасады.

**Географиялық қабық** – Жердің литосфера, гидросфера, атмосфера және биосфера қабықтарының бір-бірімен тұтасып, әсерлесуі нәтижесінде пайда болған қабық. Адамзат осы қабықта өмір сүреді.

**Гейзер** – жер асты кеуектері мен жарықтарынан оқтын-оқтын ыстық су мен бу атылып шығатын бұлақтар.

**Гидросфера** – Жердің су қабығы. Оған мұхиттар мен теніздер, өзендер мен көлдер, қарлар мен мұздықтар, ауадағы су және жер асты сулары жатады.

**Гипоцентр** – жер сілкіну ошағы. Әдетте Жер қабығындағы жарықтарда, катпарлану, бөліну, жылжу жүріп жатқан жерлерде орналасады.

**Глобус** – Жер шарының кішірейтілген моделі, масштабы әр түрлі болады.

**Горизонталь, горизонталь сызық** – Жер бетінде бірдей биіктіктерін нүктелерді карталарда тұтастыратын сызық.

**Гранит** – Жер бетінде ең көп тараған шөгінді тау жынысы.

**Гумус** – топырактың құрамында кездесетін шіріген органикалық заттар. Топырактың құнарлылығын арттырады.

**Галамшарлар** – Күн төнірегінде айналатын ең ірі аспан денелері.

**Гасыр** – уақыт өлшемінің бірлігі. 1 гасыр 100 жылға тен.

**Дүниежүзілік мұхит** – Жер бетіндегі барлық мұхиттар қосылып, дүниежүзілік мұхит деп аталады.

**Жанартау (вулкан)** – Жер қырты-

сындағы тектоникалық қозғалыстардың нәтижесінде пайда болған жарықтардан жердің бетіне лаваның, қатты қызған газдың, су буларының, тастар мен күлдің атылып шығуынан пайда болған таулар.

**Жалпақ таулар (қырраттар)** – теңіз деңгейінен биіктігі 500 м-ден асатын, жер бетінегінде немесе толқынды болып келген таулар мен қырлар.

**Жер бедері (рельеф)** – жер бетінің пішіндері: таулар, жазықтар, қырраттар, төбелер, анғарлар, адырлар, сайлар және басқалар кешені.

**Жер планы** – жер бетінің шағын бір бөлігінің ірі масштаб бойынша сыйылған сызбасы. Орынның нысандары – өзен, көл, жолдар және сол сияқтылар шартты белгілермен көрсетіледі.

**Жер полюстері** – Жер білігінің жер бетімен қиылышкан нұктелері. Екі географиялық полюс – Солтүстік және Оңтүстік полюстер бар.

**Жер асты (грунт) сулары** – Жер қыртысының үстіндегі (12–16 км терендікке дейінгі) бөлігіндегі сулар.

**Жер үсті сулары** – құрлықтағы өзендердің, көлдердің, батпақтар мен мұздықтардың сулары.

**Жұлдыз** – қатты қызған газдардан (плазмадан) құралған, өзінен ғарышқа жарық пен жылу таратып тұратын, біздін Күнге үқсайтын аспан денелері.

**Жылы ағыс** – су температурасы ағыс барған жердегі су температурасынан жоғары болатын теңіз ағысы. Мәселең, Гольфстрим, Куро-сио.

**Еске (грунт) сулар** – Жер бетінегі тараған борпылдақ тау жыныстары арасына орналасқан сулар. Бұндай жерлер сыйз, ылғалы мол болады.

**Изобара** – климат карталарында

Жер бетіндегі ауа қысымы бірдей нұктелердің тұтастыратын сыйық.

**Изотерма** – климат карталарында Жер бетінде ауа температурасы бірдей нұктелердің тұтастыратын сыйық.

**Климат** – бірер орындағы ауа районың көп жылдық жағдайы. Климат Күн радиациясына (ыстықтығы, жарықтығы), жер бетінің бедеріне, атмосферадағы ауаның қозғалысына байланысты.

**Компас (тұсбағдар)** – Жердің жактарын анықтайтын аспап. Аспаптың ішіндегі ине үстіне стрелка (көрсеткіш) орнатылған, ол солтүстік пен онтүстікті көрсетіп тұрады.

**Континенттік ауа** – құрлық үстінде қалыптасқан, ылғалдылығы аз, маусымдық температуралар айырмашылығы үлкен ауа.

**Континенттік климат** – құрлық климаты, қысы сүйк, жазы ыстық, жауын-шашины аз климат.

**Континент** – ірі құрлық және оның айналасындағы аралдар. Әлемде 6 континент бар: Азия, Еуропа, Америка, Африка, Австралия және Антарктида.

**Координата** – Жер бетінің әрбір мекенінің (карталардағы нұктесі) орнын білдіретін географиялық ендік пен географиялық бойлық. Мысалы, Ташкенттің координатасы  $41^{\circ}$  шығыс ендік пен  $69^{\circ}$  шығыс бойлық.

**Көкжиек (горизонт)** – ашық, тегіс, кең жерде тұрып бақылаған адамға аспан күмбезі мен жер беті тұтасып кеткендей болып көрінетін шенбер пішініндегі сыйық.

**Көгал (оазис)** – шөл, шөлейт, далалы жерлерде тұрғындар су шығарып, абаттандырган, егістіктермен, бау-бақшалармен оранған алқаптар.

**Күн жүйесі** – Күн, оның төні-

регінде айналатын 8 ғаламшар, олардың серіктегі, астероидтар, кометалар және метеор денелер.

**Кібісे жыл** – 366 күндік жылдар кібісे жылдар деп аталады. Әр 4 жылда 1 жыл кібісे жыл болып келеді. 2012, 2016, 2020, 2024, 2028 және тағы басқа жылдар – кібісे жылдар.

**Қабаттар арасындағы су** – су еткізбейтін екі қабаттың арасындағы борпылдақ тау жыныстары қабатындағы су. Бұндай судың қысымы болады.

**Қайнар, өзенниң бастауы** – өзен сүзы бастау алатын жер: тау үнгірі, мұздық, бұлак, көл, батпақ т.б.

**Қайран (шельф)** – мұхиттар мен теңіздердің шеткі бөліктерінде орналасқан, терендігі 200 м-ге дейін болатын бөліктері – материктердің теңіздегі жалғасы.

**Қар сзығы** – таулардағы жаздығуні ерімей қалған қардың төменгі шекарасы. Ыстық өлкелерден сүзіқ өлкелерге қарай төмендей береді.

**Қозғалыс белгілері** – карталарда желдердің, мұхиттар мен теңіздерде ағыстардың, жолдарда жүк тасымалдау бағыттарын билдіретін белгілер.

**Қоңыржай белдеулер** – 40°-60° солтүстік ендіктер мен 42°-55° оңтүстік ендіктер арасындағы географиялық белдеулер. Олардың 4-інде жыл маусымдары анық та айқын ерекшеленіп тұрады.

**Қыраттар** – үсті жайпақ немесе аздап томпактау болатын биіктіктер мен төбелер. Биіктігі теңіз деңгейінен 200 м-ден 500 м-ге дейін болады.

**Қырау** – ерте көктемде, қара күзде және қыста ауанын температуrasы 0°C-ден төмен түсken кезде топырактың, өсімдіктердің

және басқа заттардың үстін жауып қалатын өте ұсақ мұз түйіршіктері.

**Лава** – жанартаулар атқылағанда жер қойнауынан ағып шығатын өте ыстық, балқыған тау жыныстары.

**Литосфера** – Жердің үстіңгі, қатты тас қабығы.

**Литосфера плиталары** – литосфераның Жер қабығының жарықтарынан бөліну жолымен пайда болған ірі бөліктері.

**Магма** – Жердің жоғарғы мантиясында болатын күрделі үдерістер нәтижесінде түзілетін жоғары температуralы коймалжың зат. Жанартау атылғанда жер бетіне шығады, одан лава (шөгінді жыныстар) пайда болады.

**Масштаб** – жердің планы, карта, сызбалардағы нұктелер арасындағы ұзындықтың сол орындағы қашықтықтар ұзындығына қатынасы. Масштаб үш түрлі болады: санды, сзызықты және атаулы (түсіндірмелі).

**Мантия** – Жердің Жер қыртысы мен ядросы арасындағы қабығы.

**Материктік қайран** – материктердің су астындағы жалғасы. Терендігі 200 м-ге дейін, ұзындығы 1200-1500 км-ге дейін барады. Мұнай, газ және басқа кендерге бай.

**Меридиан** – географиялық полюстерді тұтастырып, Жердің бетінен өтетін жартылай шенбер түріндегі сзызықтар.

**Мезосфера** – атмосфераның орта қабаты. Жер бетінен 50-85 км биіктікте орналасқан. Ауасы сирек. Температура төменгі бөлігінде 0°-тан, жоғарғы бөлігінде -90°-қа дейін төмендейді.

**Минералды су** – құрамында еріген күйдегі минерал тұздары бар су. Мәселен, Ташкент минералды сүзы.

**Микроскоп** – өте ұсақ бөлшек-

терді, микроағзаларды, бактерияларды үлкейтіп көрсететін аспап.

**Муссон желдері** – маусымдық желдер. Қыста құрлықтан теңізге карай, ал жазда теңізден құрлыққа карай соғатын желдер.

**Мұздық** – сұық өлкелер мен биік тауларда қардың жиналып, нығыздалуынан пайда болған мұздар. Мысалы, бүкіл Антарктиданы осындай мұздықтар жауып жатыр.

**Мұхит (теңіз) ағыстары** – мұхиттар мен теңіздерде үлкен су массасының бірер әсер күшінің (желдер, қысымның әр түрлі болуы т.б.) нәтижесінде жылжып афуы. Мысалы, Гольфстрим, Пассат ағыстары.

**Нивелир** – бірер орынның салыстырмалы биіктігін, яғни бір нүктенің екінші нүктеден қашалыкты биік екендігін анықтайтын аспап.

**Параллель** – карталар мен глобуста Жердің экваторлық сызығына параллель етіп жүргізілген шеңбер сызықтар.

**Пассат ағыстары** – мұхиттарда Пассат желдерінің әсерінен пайда болған ағыстар.

**Пассат желдері** – субтропиктік және тропиктік белдеулерден экваторлық белдеуге қарай есептің тұрақты желдер.

**Поляр шеңберлері** – солтүстік және оңтүстік жарты шарларда  $66,5^{\circ}$  ендіктер арқылы өткізілген параллельдер. Бұл параллельдерде жаз айларында 1 тәулік, ал қыста тағы 1 тәулік Күн шықпайды.

**Поляр күні** – Жердің полюстерінде жаз маусымында 6 ай бойы Күн шықпайды. Күн шықпайтын осындай күндер поляр күні деп аталады.

**Поляр түні** – Жердің полюстерінде қыс маусымында 6 ай бойы Күн көзі көрінбейді. Күн шықпайтын бұндай түндер поляр түні деп аталады.

**Поляр жұлдызы** – аспан күмбезінің солтүстік нүктесіне таяу орналасқан жұлдызы. Осы жұлдызыға қарап көкжиек тұстары анықталады.

**Ойпат** – теңіз деңгейінен биіктігі 200 метрге дейінгі жазықтықтар. Мысалы, Тұран, Батыс Сібір ойпаттары.

**Отындық минерал байлықтар** – көмір, мұнай, торф, сланец және газ пайдалы қазбалары.

**Өзен алабы** – өзенге су келетін және су жиналатын алан.

**Рудалы минерал байлықтар** – құрамында металдар: темір, мыс, құміс және басқалар бар тау жыныстары.

**Руда емес минерал байлықтар** – отын (көмір, мұнай, газ), түрлі тұздар (ас тұзы, сода).

**Сарқырама** – өзен сұының арна бойындағы жарқабақтардан атылып түсуі. Сарқырамалар қатты тау жыныстары жердің бетіне шығып қалған орындарда пайда болады.

**Салыстырмалы биіктік** – жер бетіндегі екі нүктенің арасындағы тік биіктік. Мысалы, таудың етегінен тау шоқысының биіктігі.

**Салыстырмалы ылғалдылық** – белгілі бір температурадағы ауаның құрамындағы су буы мөлшерінің нақ сондай температурадағы ауаның қанығуына қажетті су буы мөлшеріне қатынасы.

**Сейсмикалық аймақтар** – жер сілкіну орталықтары орналасқан және жиі-жиі жер сілкініп тұратын аймақтар. Мысалы, Альпі-Гималай, Кордильерия аймақтары.

**Суық ағыс** – ағымындағы су температурасы айналадағы судың температурасынан төмен болатын ағыс. Мисалы, Сомали, Канар, Перу ағыстары.

**Стратосфера** – атмосфераның тропосферадан жоғарыда орналасқан қабаты. Биіктігі 9-12 км-ден 40-50 км-ге дейін. Температура төменгі бөлігінде  $-45^{\circ}$ -тан  $-75^{\circ}$ -ка дейін төмендейді, ал жоғарғы бөлігінде  $+10$  к-қа дейін көтеріледі.

**Суайрық** – өзендерге, теңіздерге, мұхиттарға су келетін аумақтарды (алаптарды) бір-бірінен бөліп тұратын шекара.

**Сулы қабат** – Жер қыртысының борпылдақ тау жыныстары мен жарықтарында су жылжып жүретін қабаты. Бұл қабат жердің бетіне шықкан орындарда бұлақтар пайда болады.

**Су өткізбейтін жыныстар** – суды өткізбейтін немесе өте нашар өткізетін тау жыныстары: саз, гранит, мәрмәр және т.б.

**Су өткізетін жыныстар** – суды сініріп өткізетін тау жыныстары: киыршық тас, құм, әктас, бор және т.б.

**Судың айналуы** – Күн нұрының әсерінен мұхиттар мен теңіздердегі судың буланып, оларды желдін күрлыққа карай айдауы және күрлыққа жауын-шашиң түрінде жауып, мұхиттар мен теңіздерге қайта ағып келуі.

**Сыртқы (экзогендік) күштер** – Күн нұрының ыстықтығы, жарық күші, су, жел және ағзалар. Бұлардың әсерінен қатты тау жыныстары үгітіледі, бөлшектенеді, бір орыннан екінші орынға ауысады, таулар аласарады, шұңғымалар толады, жер беті тегістеледі.

**Табигат** – айнала-төнірегімізді коршап тұрған табиғи болмыс.

**Табигат кешені** – табиғаттың өзара әсерлесіп, біртұтас табиғи жүйе құрайтын компоненттерінің, яғни тау жыныстары, жер бедері, климат, су, топырак, өсімдіктер мен жануарлар дүниесі сияқтылардың үндестігі. Ол әр түрлі көлемде болады: географиялық қабық, географиялық белдеу, табиғат зонасы және т.б.

**Табиғат компоненттері** – тау жыныстары, жер бедері, су, топырак, өсімдіктер және жануарлар дүниесі. Бұлар бірігіп табиғат кешенін құрайды.

**Табиғатты қорғау** – табиғатты таза ұстау, сактау және байту үшін атқарылатын барлық жұмыстар (шаралар).

**Табиғат зонасы (географиялық зона)** – географиялық белдеулер арасында Күннің ыстықтығы мен ауаның ылғалдылығы әсерінен өсімдіктері, жануарлар дүниесі және топырактары тұрғысынан бір-бірінен ерекшеленіп тұратын аумақтар.

**Тақырыптық карталар** – белгілі бір түрдегі нысандар мен құбылыстар бейнеленетін карталар. Мисалы, климат картасы, топырақтар картасы т.б.

**Таулар** – Жер қыртысының теңіз деңгейінен 500 м-ден біік ойлы-қырлы орындары. Таулар қатпарлы, жақпарлы және қатпарлы-жақпарлы болып келеді.

**Тұсті металдар** – алуан түрлі табиғи түстері мен қасиеттері бар металдар: алтын, құміс, мыс, қалайы, алюминий және т.б.

**Тәулік** – Жердің өз білігін бір рет айналуына жұмсалатын уақыт.

**Тектоникалық көл** – көл сүзы толтырған терендік не ойпат тектоникалық жолмен (Жердің ішкі

күштерінің өсерінен) пайда болса, тектоникалық көл деп аталады.

**Тропиктік климат** – тропиктік географиялық ендіктердің жыл бойы ыстық болатын климаты.

**Тропиктік белдеу** – Жердің солтүстік және оңтүстік жарты шарларында  $20^{\circ}$ – $30^{\circ}$  ендіктер аралығында орналасқан географиялық белдеулер. Шөл, шөлейт, саванна және тропиктік ормандар бар.

**Тропиктік сзықтар** – экватордан солтүстік және оңтүстік жақтарға қарай  $23,5^{\circ}$  ендік арқылы өткен параллель сзықтар. Бұл ендіктерде Күн жылына бір рет (жазда, солтүстік жарты шарда 22 маусымда, оңтүстік жарты шарда 22 желтоқсанда) түс кезінде тас төбеге (зенитке) келеді.

**Тропосфера** – атмосфераның ең төменгі қабаты. Қалындығы 8–10 км-ден 16–18 км-ге дейін барады. Аяқ райындағы барлық қозғалыстар мен өзгерістер осы қабатта жүреді.

**Тұман** – аяқ сұығанда жердің бетіндегі және қанықкан аудағы су буларапан пайда болатын өте майда су тамшылары.

**Топырақ** – жердің бетінде орналасқан, құнарлылық қасиеті бар борпылдақ тау жынысы. Құрамында карашірік пен минералдар қаншалықты көп болса, топырақ та соншалықты құнарлы болады.

**Толқын** – мұхиттарда, теңіздерде, көлдер мен өзендерде су бетінің тербелуі. Көбінесе жедің өсерінен пайда болады.

**Тоған көл** – таудың опырылып құлауы, жанартау лавалары, мұздық мореналары және басқалар өзен анғарын бөгеп қоюы нәтижесінде пайда болған көлдер. Мысалы, Памир тауларындағы Сарез көлі.

**Температура амплитудасы** – ауаның, судың және басқалардың жоғары температурасы мен төмен температурасы арасындағы айырма.

**Теніз алабы** – теңіздің өзі және құрлықтың теңізбен тұтасқан, сондай-ақ ондағы жер үсті және жер асты суларының сол теңізге ағып түсетін бөлігі.

**Теңіздік климат** – теңіз бойындағы қысы сұық, жазы салқын және жауын-шашиң көп болатын климат.

**Тұбек (жарты арал)** – үш жағынан сүмен қоршалған, тек бір жағынанға құрлықпен тұтасқан жер. Мәселең, үнді, Қырым, Балқан, Камчатка тұбектері.

**Шартты белгілер** – жердің пландары мен карталарда табиғи нысандарды, қалаларды, гимараттарды, егіс алқаптары мен басқа да ірі заттарды бейнелейтін белгілер.

**Шеткі теңіз** – материктердің шеткі бөліктегі орналасқан теңіздер.

**Шығанақ** – мұхиттарда, теңіздерде және көлдерде құрлыққа сұғына кіріп барған су алабы. Мысалы, Парсы шығанағы, Мексика шығанағы.

**Шық** – ылғалға қанықкан аяқ түнгі қарай сұығанда, шөптерге және жердегі басқа да заттарға тұрып қалатын су тамшылары.

**Шөгінді жыныстар** – теңіздерде, мұхиттарда, өзендер мен ойпатты жерлерде су ағызып өкеліп шөктірген тау жыныстары. Мысалы, қырышық тас, саз, күм, тұздар, органикалық қалдықтар.

**Шөл** – климаты ыстық, жауын-шашины аз өлкелерде пайда болатын табиғат кешені, зонасы.

**Ыстықтық белдеулери** – Жер шар тәріздес болғандықтан, Күн нұры

түрлі географиялық ендіктерді әр түрлі жылтытады. Соның нәтижесінде Жер бетінде ыстықтық белдеулери қалыптасады. 2 сұық, 2 орташа (қоныржай) және 1 ыстық (тропиктік) белдеу бар.

**Ішкі теңіз** – құрлықтың ішкеңсіне сұғына орналасқан, мұхиттармен және теңіздермен бір немесе бірнеше бұғаздар арқылы жалғасатын теңіздер. Мысалы, Қара теңіз, Іызыл теңіз.

**Ішкі күштер** – Жер қыртысында тауладың пайда болуына, жанартауладың атылуына, жер сілкінуге, жердің шөгүі мен көтерілуіне себеп болатын күштер.

**Флюгер (желбагар)** – желдің бағытын және жылдамдығын анықтайтын аспап.

**Экваторлық аймақ** – Жер экваторы мен оның екі жағына орналасқан географиялық аймақ. Жыл бойы бір қалыпты ыстық және жауын-шашын көп болатын өнір. Жыл бойы бір қалыпты ыстық және жауын-шашын көп болады. Табиғи түрде мәңгі жасыл ормандар өседі.

**Эпицентр** – жер сілкінудің, зілзаланың орталығы.

**Эхолот** – теңіздер мен мұхиттарда терендікті өлшейтін аспап. Эхолот теңіз түбіне дыбыс толқынын жібереді және жерден қайтқан дыбыс толқынын қабылдайды. Теңізде дыбыс бір секундта 1500 метр жылдамдықпен таралады. Дыбыс жіберілген уақыт пен қайтқан уақыттың арасы 4 секунд болса, теңіздің терендігі 3000 метр болғаны.

**Ядро (Жер ядросы)** – Жердің орталық бөлігі. Радиусы 3470 км-ге жақын. Негізінен темірден тұрады деп болжам жасалған.

## ПАЙДАЛАНЫЛҒАН ӘДЕБИЕТТЕР

- Каримов И.А. Ўзбекистон буюк келажак сари. – Т.; 1998.
- Большая энциклопедия эрудита. Перевод с английского. – М.; 2004.
- Герасимова Т.П., Неклюкова Н.П. Начальный курс географии. 6 класс. – М.; 2005.
- Лазаревич К.С., Лазаревич Ю.Н. Справочник школьника. География 6-10 классы. – М.; 1997.
- Мир географии. Авторский коллектив. География и географы. Природная среда. – М.; 1984.
- O'zbekiston Respublikasi. Ensiklopediya. – Т.; 2006.
- Популярный энциклопедический иллюстративный словарь. Европедия. – М.; 2004.
- Фуломов П. Жүгрофия атамалари ва тушунчалари изоҳли лугати. – Т.; 1994.
- G'ulomov P. Inson va tabiat. – Т.; 2009.
- G'ulomov P. Geografiyadan qis-qacha ruscha-o'zbekcha terminlar va tu-shunchalar lug'ati. – Т.; 2013.
- Хасанов Ҳ. Ўрта осиёлик географ ва сайёхлар. – Т.; 1964
- Хасанов Ҳ. Сайёҳ олимлар. – Т.; 1981.

**Ескерту: оқулықтағы даталар мен терминдер бойынша пайдаланылған қайнар көздердің толық тізімі Республикалық Білім орталығы жаңындағы География пәні бойыншағылыми-әдістеме кеңесінің 2015 жылғы 5 ақпандагы № 1 қаулысымен бекітіліп, ұсынылған.**

**Бұл тізім РБО-ның веб-сайтына ([rtm.uz](http://rtm.uz)) орналыстырылған.**

# МАЗМҰНЫ

<b>Оқулықпен қалай жұмыс істеу керек?</b>	3
<b>Кіріспе</b>	4
§ 1. География нені зерттейді?	4
<b>Жер қалай зерттелген?</b>	7
§ 2. Ежелгі заманда адамдар Жерді қалай сипаттаған?	7
§ 3. Жер бетінің ашылуы мен зерттелуі.	10
<b>Жер — Құн жүйесінің ғаламшары</b>	12
§ 4. Құн, Ай және жұлдыздар	12
§ 5. Жердің өз білігіндегі айналуы және оның мөлшері.	16
§ 6. Жердің Құнді айнала қозғалуы	19
<b>Жердің планы және географиялық карталар</b>	21
§ 7. Азимутты анықтау және қашықтықты өлшеу	21
§ 8. Масштаб	24
§ 9. Жердің планын жасау	26
§ 10. Жердің планын пайдалану	29
§ 11. Географиялық карта	32
§ 12. Практикалық жұмыс.	32
Жер планы және географиялық карталар	36
<b>Жердің тас қабығы — литосфера</b>	39
§ 13. Жердің қабықты құрылышы	39
§ 14. Литосфера	41
§ 15. Жер қыртысының қозғалуы	44
§ 16. Жер бедерінің негізгі пішіндері.	48
§ 17. Жер қыртысының байлықтары	50
<b>Жердің су қабығы — гидросфера</b>	53
§ 18. Гидросфераның құрамдас бөліктері	53
§ 19. Дүниежүзілік мұхит	54
§ 20. Мұхит сүйнен қасиеттері.	56
§ 21. Жер асты сүзы	59
§ 22. Өзендер	61
§ 23. Қөлдер мен мұздықтар	63
<b>Жердің ауа қабығы — атмосфера</b>	67
§ 24. Атмосфераның құрылышы.	67
§ 25. Ауа температурасы және атмосфералық қысым	69
§ 26. Желдер және ауа массалары	72
§ 27. Ауаның ылғалдылығы және жауын-шашын	75
§ 28. Ауа райы және климат	78
§ 29. Практикалық жұмыс. Жердің ауа қабығы.	81
<b>Биосфера — тіршілік қабығы</b>	82
§ 30. Жер қабықтарының өзара өсері	82
§ 31. Ағзалардың Жер қабықтарына өсері	84
<b>Табигат кешендері</b>	86
§ 32. Географиялық қабық және табигат кешендері.	86
§ 33. Географиялық белдеулер мен табигат зоналары	88
§ 34. Өзіміз тұратын жер.	92
<b>Терминдер мен ұғымдардың түсіндірме сөздігі</b>	94

ПОТИНКАМОЛ НОЦИРОВИЧ ГУЛАМОВ  
RUSTAM QURBONNIYAZOV

## GEOGRAFIYA

### (Tabiiy geografiya boshlang'ich kursi)

Umumiy o'rta ta'lif maktablarining 5-sinf uchun darslik  
(Qozoq tilida)

*Qayta ishlangan va to'ldirilgan 4-nashri*

TOSHKENT — «YANGIYO'L POLIGRAPH SERVICE» — 2015  
Nashriyot litsenziysi: AI № 185.10.05.2011.

Аударған — *A. Таиметов*  
Шығармашылық топ жетекшісі — *Акбар Мырза*  
Редакторы — *A. Рахманұлы*  
Техникалық редакторы — *У. Ким*  
Корректоры — *F. Эсанбекова*  
Суретші — *Л. Дабиджса*  
Беттеуші — *X. Ходжаева*

Түпнұсқа-макетten басуға рұқсат етілді 10.06.2015.

Қалыбы 70x90  $\frac{1}{16}$ . Кеглі 12 шпонды.

«Times Kaz» гарнитуrasesы. Оффсеттік басылым.

Шартты б.т. 7,3. Шартты бояулы беттанбасы 31,30. Есепті б.т. 6,5.  
Таралымы . Тапсырыс №

Түпнұсқа-макет «Mitti Yulduz» ЖШС компьютер бөлімінде қайта дайындалды. Серіктестіктің рұқсатының мәтін мен суреттерді пайдалануға тыйым салынады.

Ташкент к., Науай көшесі, 30-үй.

«YANGIYO'L POLIGRAPH SERVICE» ЖШС баспаханасында басылды.  
Ташкент облысы, Янгийул қаласы, Самарқанд көшесі, 44-үй.

## Пайдалануға берілген оқулықтың жағдайын көрсететін кесте

Рет саны	Окушының аты, фамилиясы	Оку жылы	Оқулықтың пайдалануға берілгендегі жағдайы	Сынып жетекшісінің қолы	Оқулықтың қайта тапсырылғандағы жағдайы	Сынып жетекшісінің қолы
1						
2						
3						
4						

**Пайдалануға берілген оқулықты оку жылы аяқталғанда қайтарып тапсырады. Жоғарыдағы кестені сынып жетекшісі төмөндегі бағалау өлшемдері негізінде толтырады:**

Жаңа	Оқулықтың алғаш рет пайдалануға берілгендегі жағдайы
Жақсы	Мұқаба бүтін, оқулықтың негізгі бөлігінен ажырамаған. Барлық параптартары бар, жыртылмаған, беттерінде жазу-сызуулар жок.
Орташа	Мұқаба аздап қана жанышылған, шеттері мұжілген, оқулықтың негізгі бөлігінен ажыраған жерлері бар. Пайдаланушы жағынан қанагаттанарлық жөнделген. Параптартары жұлдынған, кейбір беттері сзыылған.
Нашар	Мұқаба былғанған, сзыылған, жыртылған, негізгі бөлігінен ажыраған немесе мұлдем жок, нашар жөнделген. Беттері жыртылған, параптартары жетіспейді, сзызылып, шимайлланған. Оқулықты қалпына келтіруге болмайды.